




6

4-2


35




5-11.2.35





















CHRISTOPHORI
CELLARII
ORTHOGRAPHIA
LATINA

EX

VETVSTIS MONVMENTIS

*Hoc est Nummis, Marmoribus, Tabulis, Mem-
branis, veterumque Grammaticorum placitis;*

NEC NON

Recentium ingeniorum curis excerpta,
digesta, nouisque obseruationibus
illustrata.

EDITIO III. PATAVINA.



PATAVII. MDCCLXIII.

APUD JOSEPHUM COMINUM.
SUPERIORUM PERMISSU.



LECTORI

BENEVOLO S.

EN ORTHOGRAPHIA nova, post
Aldi Manutii nepotis, Iusti Lipsii, &
Claudii Dausquii, aliorumque labores
egregios ex antiquis monumentis collecta de-
nueo, discussa & examinata, atque iis præ-
cipue scribendi modis, in quibus dissident ho-
dieque eruditi viri, ut clarius intelligantur,
accommodata. Duas in partes distributa est:
priore de litterarum figuris ac mutationibus,
aliisque, quæ accidunt illis, disputatur: al-
tera singulæ voces, in quarum scriptura dis-
sentitur, ordinatim recensentur & explican-
tur, & quo hi, illi utantur præsidio,
perspicua brevitate indicatur, adiecto modeste
iudicio nostro, saltem, in quam partem pro-
pendeamus, non occultato. In prima parte id
agitur maiori cura, cuius causa inducti su-
mus, ut in argumento hoc, multis contempto
& parui facti, aliquid componeremus. Vti-

A 2

que



que multi anni sunt, ex quo certis de causis discessi a vulgari scribendi ratione, illamque elegi, quæ post litteras renatas a plurimis eruditorum in XVII. usque sæculum Christianorum fuit approbata, nec insequenti tempore ubique gentium deserta, sed a doctissimis etiam viris in diuersis nationibus adhuc industrie conseruata. Hanc scribendi meam & multorum consuetudinem explicare non alienum visum fuit, ut, quibus causis illa oriatur, quibusque tueatur se, si quibus minas est cognitum, ut non pauci mihi confessi sunt; distinctius id declaretur. In qua tota causa me ita semper gessi, ut nemini aliquid obtrudam, ac ne discipulos quidem adigam, ut orthographiam meam imitentur: sed expositis documentis diuersarum opinionum, cuique integrum relinquam, ut, quam velit, in scribendo viam ingrediatur. Hortor tantum & idemtidem admoneo, ut quisque certus in sua sit consuetudine, semperque paratus argumentis eam & rationibus probare ac tueri.

OR.

ORTHOGRAPHIAE

LATINAE

PARS PRIOR

DE

LITTERIS LITTERARVMQVE

ADFECTIONIBVS.

Litteræ sunt inuentæ, vt custodiant voces, &, vt Fabius ait, velut depositum red-
dant legentibus. Illarum signa seu figuras
Græci a Phœnicibus; a Græcis Romani si-
ne Itali dicuntur accepisse. Horum alterum iam
nobis curæ est, idque haud difficile ad proban-
dum: quia pleræque illarum figuræ communes Græ-
cis cum Latinis sunt, A, E, I, O, B, M, N, T,
& quæ Græcæ ideo apud Latinos etiam vocantur,
Y, K, Z; aliæ leniter inflexæ ita, vt etiam ad ori-
ginem perfacile reuocari possint. Numerus neutri
genti admodum certus fuit, sed processu tempo-
ris, & sermonis varietate auctus aliquando aut mu-
tatus, quemadmodum patrum memoria Latinæ quæ-
dam litteræ I & V ad id tempus vniformes, pro
soni diuersitate a multis factæ bisformes sunt: de
quibus infra dicetur. Non autem iam de numero
disputabimus, de quo Priscianus lib. 1. consulatur;
sed recepto adquiescentes, de litteris, &, quæ his
accidunt, mutationibus disquiremus.

SCRIPTURA DUPLEX, ROMANA
ET MINUSCULA.

Olim ea figura litterarum erat, qualem in nummis & antiquis inscriptionibus videmus, maiuscula omnis, siue, ut nostri typographi vocant, *versalis*, quia versus iis in mutata etiam scriptura plerumque incipiuntur. Cuius formæ antiquissimi etiam codices in Italia & alibi supersunt, scripti ante quam barbaræ gentes cultissimas imperii Romani regiones occuparent. Minor scriptura altera, quam vulgarem & currentem dicunt, velocitatis causa adsumta est, adinuante barbarorum depravatione: eaque postmodum, quod commoda erat, & libri scripti omnes sunt, &, arte multiplicandi inuenta, typis etiam expressi. Nihil autem hæc singulare habet aut proprium in orthographia, sed ut vices maiusculæ gerit & antiquæ, ita illius quoque legibus continetur, nisi quod in quæstionem venit, quando necesse sit maiores litteras minoribus, in principio vocabulorum, admiscere.

LITTERAE GRAECAE

Υ, Θ, Κ, Φ, Χ, Ζ,

Caute Græcas litteras Latini tractant. Sunt autem υ, θ, κ, φ, χ, ζ, quæ tantum in iis verbis sunt respiciendæ, quorum manifesta ex Græcis petita est deriuatio; non a coniectura nugacium grammaticorum. Sic γ male adsumtum est in *syllus*; *syncerus*, *tyro*, quæ nullo modo sunt ex Græcia: dubie in cetera, *syllus*, *hyems*, *stylus*, *clypeus*, *inclutus*, *lacryma*: & si hæc essent ab ὕλη, ὕω, ὑλός, γλύφω, κλυτός, δάκρυον, (quod tamen non omnibus est liquidum) tamen recepta usu ita sunt, & Latina civitate donata, ut tamquam nata.

ta in Latio, non vt Græca & peregrina, censeantur. Obertus Gifanius, præfatione in Lucretium præclare: *De Græcis verbis, iisque omnibus, quæ Græca sunt origine, sed Romana prorsus iam facta, recte exarandis, longe alia mihi, quam quæ vulgo, est sententia. Puto ea, quæ in vetustis codicibus uno consensu, licet Græca, Romano more sunt exscripta; itidem a nobis scribi debere, ut sua cuique relinquatur & vindicetur consuetudo. Quæ autem Romana iam sunt vocabula, licet Græcia originem debeant suam, non ideo tamen scripturam sequi debent. Exempla, quæ ad y pertinent, hæc apposit, hiems, stilus, silus, inclitus, clipeus, lacrima. Quædam ex his interdum per V sunt scripta, vt lacruma, inclutus, clupeus; sed hoc archaismum sapit, qui postea cultiori ævo fuit emendatus: Sulla vero, viri nomen, quod Græci Σύλλα scribunt, Latinum est, ideoque ubique fere u servatum.*

Littera & Latine per th reddenda est, quod ex innumeris propriis, *Athena, Theba, Thracia, & ceteris* est clarum: an vero etiam *author, lethum, thus, Thuscia*, scribendum sit, sunt qui dubitent; verius negant alii. Ecquod enim Græcum nomen est, unde *author* sine ineptiis ducatur? quam incertum, *lethum* esse a λῆθῆ, *thus* & *Thuscia* a θυῶ, id est sacrificio? Veteres scripserunt *auctor, letum, tus, Tuscia*, vt a Manutio ex antiquis probatum monumentis est. Par ratio proprii *Anthanius*, vt perperam quidam hodieque scribunt, quum semper Romani *Antonius* sine adspiratione scripserint.

K Græcorum reddimus per C, in quod transit, vt raro inter Latinas appareat, & in paucis tantum vocabulis, vt *Kalenda* in libris & lapidibus; *karus* & *karissimus* in cippis antiquis sæpe: quod vero, quia in libris non est, nemo putat facile

imitandum esse : minus ea imitanda, quæ rarissime in saxis sunt, EVOKATI, ARKA, MERKATOR; & in nummo Valeriani VOLKANVS.

Φ valet *ph*, & tantummodo Græcorum est, vt *Phosphorus*, φῶσφορ. Non autem locum habet, vbi in Græca origine non est, ac male *Bosphorus* scribitur, & *trophæum*, quia utrumque in Græcis π habet, Βόσπορος a πείρω, *traicio*; & τρόπαιον a τρέπω, *verto*. Solum nomen *triumphus*, ex Græco θρίαμβος, non alia, quam priscae consuetudinis lege mutat & θ & β, ibi abiecta adspiratione; hic adsumpta illa, & simul littera mutata β in π. Olim quidem *triumpus* dicebant, vt Cicero in Oratore c. XLVIII. testis est; post autem, conuicio aurium flagitante, *triumphus*; id quod in lapidibus obtinet: in posterioribus etiam *triumfus*.

X Græca littera per *ch* exprimitur, vt *chaos*, χῆμα, *charta*, χάρτα, *machina*. Raro Latinis, aut quorum incertior origo est, vindicatur, vt *pulcher*, *inchoo*. nam & antiquitus *pulcer* dixerunt, ut Cicero auctor dicto loco est: postea suauitatis causa *h* adiectum: sine ratione autem *sepulchrum*, & *lachryma* vulgo scribunt, quia, quod Cicero ibidem addit, *per aurium iudicium semper licet dicere* SEPULCRA, LACRYMAS. Fauet etiam origination, quia *sepulcrum* est a *sepultum*, sicut *ambulacrum* ab *ambulat*, *lauacrum* a *supino lauat*, nulla adspiratione interueniente: *lacryma* autem a δάκρυον. Eadem ratio est *charus*, *charitas*, vnde expelli decet adspirationem. Nec Gallorum *cher*, *charité* quidquam probant, quum ii etiam *chair* ex *caro* forment, *chien* ex *canis*; ubi nemo vquam de Latinis adspirandis cogitauit. Accedit, quod sæpe numero in lapidibus legatur KARISSIMVS,

MVS, e. g. Grut. pag. 418. MATRI KARISSIMAE; & pag. 424. MARITO KARISSIMO, & pag. 428. CONIVGI KARISSIMO. K autem expers est adspiratio-
nis; atque ita etiam C, quando pro K Græcorum
est. Hac veteri scriptura confutantur, qui *carus* a
χαρίς deducunt. Nihil enim commune κ & χ ha-
bent: ut de accentus diuersitate nihil dicam. Non
ergo *carus*, dilectus, differt a *carus*, quod est pre-
tiosus, nisi quod hoc proprie, illud μετ' αὐτοῦ μὲν
dictum est. Pretiosa enim sunt grata & dilecta.

Stat ergo γ, cb, pb, tb litteras Græcas esse, Lati-
nis vocibus non inferendas, nisi cb in paucissimis,
vbi vsus poscebat & euphonia. Bene Flavius Ca-
per, vetustus grammaticus pag. 2246. (ed. Putsch.)
Υ litteram nulla vox nostra adsciscit. Et Priscianus lib.
1. pag. 543. *Υ & Ζ Græcorum causa nominum adsciuimus*. Et sic de ceteris Græcis censeatur.

VOCALIS LATINAE.

Haftenus de Υ vocali Græca aliisque Græcis lit-
teris: Latinæ sequuntur litteræ, & primum Vo-
cales, non omnes; A enim & O nihil difficultatis
habent, sed solæ E, I, & V.

E breue respondet Græco ε, ut communis figura
antiqua E confirmat: longum, Græco η, ut *Epi-
rus*, *scenus*; aut etiam *ei*, ut *Laodicea*, *Apamea*, &
Horatii *Alexandrea*: de quibus infra aliquid dice-
mus. E & I, ut cognatæ vocales sunt, ita olim
permutatæ aliquando, etiam in diuersos vsus con-
iunctæ, diphthongorum more. Priscianus lib. VII.
de accusatiuo plurali tertiæ, ita tradit; quorum
primus & secundus casus singulari numero sint si-
miles, eorum quartum plurali plerumque veteres
in *is* longum, non in *es*, qui suetus exitus est,
for-

formasse. e. c. Sallustii principio : *Omnis bonines
nisi decet*. Aeneid. iv. vers. 427.

-- -- *cinerem manisue revelli*.

Et lib. ix. vers. 60.

-- -- *ventos perpeffus & imbris*.

Et sic vbique apud Virgilium, quod etiam ab iis qui
cum cura ediderunt, ex MSS. ita expressum est. Et
veteri lapide apud Grut. pag. 198. extrema, FINIS
TERMINOSQUE STATVI IVSSIT.
Ac Pisis in Gaii Cæsaris cenotaphio VLTRA
FINIS EXTREMAS. Vt vero discrimen
rū is longi & brevis significarent, multi vtramque
vocalem, qua exire accusatius solet, E & I con-
iunxerunt, vt in Ciceronis libris, a Grutero casti-
gatis, sæpe videmus *ciueis, forteis, cadeis, omneis*,
cetera : & Lucretius lib. iiii. vers. 116.

-- -- & *omneis accipit in se*

Letitia motus, & curas cordis inaneis.

Quod Sospit. Carisus etiam lib. i. ad alia, quæ crescunt
genituo, transfert, *maioreis, homineis*, pag. 111. Et
in veteri tabula Grut. p. 204. pr. GENVATEIS.

Casus quoque I & IS plurales, etiam aliud I, lon-
gum præsertim, olim EI scribebatur. v. g. Grut.
pag. 199. SALENTINEI, RHEGINEI:
& pag. 296. seq. DE BRVTITIEIS, DE TV-
SCIEIS, DE CORSEIS: item pag. 506. seq.
QVEI SIET, singulari numero: SEI, si;
NEI, ni; VBEI; IBEI: PARENTIS
SVEI: SEINE SVFFRAGIO. Id quod
Varro in auferendi casu in *is* exeunte constanter ser-
uat, vt lib. v. de LL. *antiqueis littereis* : & lib. vii. *a
balneis* : sæpe etiam in I, vt eodem libro *nominandei
casibus* : ibidem, *vocandei, appellandei*. Hæc vero vt
antiqua erant, ita vsus sensim, vt ex inscriptionibus
clarum est, abrogauit. De I consona acturi infra su-
mus.

mus. Antiqui etiam *ii* contrahebant, præsertim in verbis ex *Iacio* compositis. Grut. pag. 206. ex vetusto fragmento contractus agrarii DEICITO: & pag. 207. PROICITO: quod illustrissimus Noris Cenotaph. pag. 473. Virgilio Mediceo fere perpetuum esse, exemplis productis demonstrat. I tum educitur; etiam alibi sæpe in antiquis monumentis, si longa quantitate est: nec vero id perpetuum, quia correpto idem interdum contigit. De compositorum ex *Iacio* contractione contrarium sentit Gellius lib. iv. cap. xvi. r.

V littera & vocalis est & alio usu consona: utriusque figura semper eadem vsque dum aorum memoria a paucis primum, dein a pluribus, nec vere ad hanc lucem ab omnibus, mutaretur. Sed de mutatione illa postea. Nunc de concursu *V* gemini aliquid dicendum est. Prisci Romani timide coniungebant, ac ut concursum declinarent, alterutrum, quod vocale est, plerumque mutabant in *O*; alterum autem, quod manebat, ut digamma Aeolicum pronuntiabatur: quamquam antiquitus alium & huius sonum fuisse ex Quintiliani lib. i. cap. vii. non obscure probari potest. *Nostri*, inquit, *præceptores cervom servomque, V & O litteris scripserunt, quia subiecta sibi vocalis in unum sonum coalescere & confundi nequies: nunc V gemina scribuntur.* Si vocalis sibi subiecta, ergo non semper prior ut consona pronuntiata, nec opus diversa figura fuit. Difficultatem ut vitarent, *O* in locum vocalis substituerunt, dicentes *volgus, volnus, servos, acervos*. Inscriptio vetusta Grut. pag. 204. legitur FLOVIVM & CONFLVONT. Terentius Scaurus Orthograph. pag. 2251. EQVOM & SERVOM & similia antiqui per *VO* scripserunt, quoniam scierunt vocalem non posse geminari, credebantque & hanc litteram geminam utroque loco in sua pote-

potestate seruari, ignorantes, eam, præpositam vocali, consonantis vice fungi, & poni pro ea littera, quæ sit F. Eminentissimus vir Henricus Noris Cenotaph. Pis. p. 470. addit, non plane ignorasse, sed ex modo v litteram pronuntiandi, credidisse non posse geminari, quin syllaba augetur, e. g. ser-u-us. At Augusto imperante prius V pro consonante acceptum: Claudium imperatorem, quod rem satis dubiam apud plerosque animaduertet, Acolicum digamma inuexisse, quod inuersa littera F forma exprimeretur. Vnde eodem principe facta inscriptione legimus Grut. pag. 236. num. 9. D I I I C A E S A R I S F. item X V I I R & V I I I R: sed hoc digamma, & aliæ duæ, a Claudio adiectæ, extincto illo, ut Tacitus ait lib. xi. cap. xiii. obliteratæ, pristinusque usus V V duplicis, quod ex posterioribus etiam inscriptionibus liquet, reuocatus. Priscianus lib. i. pag. 345. V loco consonantis posita, eandem prorsus in Latinis vim habet, quam apud Acoles digamma F, id est Vau, ab ipsius voce profectum. Pro quo Caesar hanc figuram I scribere voluit: quod quamvis illi recte visum est, tamen consuetudo antiqua superauit.

Tandem de V etiam quærendum est, an recte in superlatiuis pro I adhibeatur, optimus, maximus: item in gerundiis ac cognatis participiis, gerundi, dicundus, opprimundus. Archaismus est, quo Sallustius cum primis delectatur. Quintilianus lib. i. cap. vii. primum C. Caesaris inscriptione factum, ut optimus, maximus, mediam I, quæ veteribus Verat acciperent. Quod maximus Noris antiquioribus testimoniis Cenotaph. pag. 472. confutat. In participiis diutius seruatum, aliquando etiam ab ipso Cicerone. Superlatiui quoque simillimus, iustissimus in Cenotaphio Caiano leguntur: sed plura in eo sunt antiquiori more posita. Decumanus autem, a Decimus quod est, usus confirmauit:

MUTATIO IN VETI
TENTATA.

Auorum memoria plerique in figurarum additionem, non contenti antiquo numero, dedita opera coniurauerunt, duas novas adicientes, sicut tres Claudius adiecerat. Quæ enim in maiusculis una per tot sæcula V vel V fuerat, pro valore diuerso mutata seu diuisa fuit, vt V digamina & consonantem significaret; vocalis nouam formam U vel U indueret. In minore seu corrente scriptura fuit quidem gemina forma v, v ad veterem faciem; & u, u connexionis causa, vt videtur, in vsum recepta: sed non pariter adhibitæ ambæ, nec semper ad eundem usum. Maiusculæ, id est veteris Romanæ scripturæ una figura V fuit, siue ea vocalem, siue consonantem significaret, id quod ex nummis & inscriptionibus manifestum est. Necdum centesimus annus est, quum altera U, U, vocalis litteræ quæ nota esset, adiceretur. Qui ergo antiquitatem imitantur, abstinere noua forma U, seu vt nostra memoria a Belgis & Gallis rotundari in basi cœpit, U; sola vtuntur antiqua V, quæ angulum acutum in parte ima habet. e. g. I V L I V S, F L A V I V S, I V V E N T V T I S. Minori scripturæ in manu exaratis libris plerumque est u seu u; rarius, quæ ex maiori expressa est, v, v, fere in principio vocabulorum. Ex quo factum est, vt primis ab inuenta typographia libris vbique forma u, u, in principio & medio, pro vocali & consonante scriberetur, quod a multis per dimidium xvi. sæculi ita retentum fuit, v. g. *uius*, *uerus*, *una*, *unus*. Qui vero curatius omnia exprimere voluerunt, inter vtramque formam v & u non respectu valoris, qui vtrique communis manebat, sed ratione

tione situs ac loci distinxerunt ita, ut, v, v semper ab initio vocis esset, u, u semper in medio. v. g. lex est *ut una uxor unius viri sit*: item *huius aui iuuenes viuunt licentius*. Atque ita ab initio fere sæculi xvi. cœperunt libri exprimi, ut hoc situs discrimen inter v & u obseruaretur; quemadmodum Ioannes Petit, typographus Parisiensis, ea lege Iustinum, Florum, Rufum & alios auctores exscripsit: & sub idem tempus, CIOIOX, ex eadem vrbe Orosius prodit impressus ab Io. Barbier. Atque ita scriptum fuit publicis litteris, prelo excusis, ultra initium sæculi insequentis, quo rara mutatio vsque ad vicessimum annum fuit, a quo tempore maiorem in modum mutatio inualuit. Non autem vidi antiquiorem librum, quam Woberi Minucium Felicem CIOIOCIH. impressum, qui nouo illo, quod adhuc obtinet, inter u & v discrimine exscriptus sit; quamquam & ipse in I, i teneat veterum, etiam consonantis vigore, rationem.

Nam altera littera, in cuius forma nouatores aliquid mutarunt, est, I, i, quæ olim & consona & vocalis sub eadem figura erat. Mutarunt autem ita, ut I, i, vocalis vim seruaret: pro consona signanda talem caudam adiecerunt, J, j, J, j, in omni antiquitate ad id vsque tempus inuisam. Nummi, lapides vnâ figuram habent: libri etiam omnes longe ultra sexcentiesimum a millesimo annum. Sic enim e. c. semper scriptum fuit I V L I V S, I V N I V S, P O M P E I V S, L V C C E I V S; & minori forma *iaceo*, *adiicio*, *eius*, *prior*, cetera. Quamvis vero plurimi nouitatem hanc in V & I sequantur; non defuerunt tamen clarissimi viri, qui veterem scribendi rationem tenendam esse existimarent; Galli, Germani, & maxime Itali, qui etiam in vernacula ut plurimum adhuc, & quum Latine scribunt, obseruant: e quibus,

ut

vt de aliis taceam, instar omnium Henr. Noris, vir summus, est, cuius in Pisana Cenotaphia commentarii ad oculos id demonstrant: Germania Freinshemium, Bæclerum, Io. Andr. Boffum, principes ingenii atque doctrinæ, ostentat, quos duces in hac scripturæ causâ præcipue me secutum esse profiteor. Nec auctoritate solum tantorum hominum mouebar, sed aperta etiam ratione. In minori enim scriptura ex V maiusculæ & antiquæ factum, u, u est connexionis causâ, quæ describentibus curæ erat & commoditati: quod vero in principio vocis non opus illo nexu erat, factum, vt antiqua forma v, v, sed minuta, ibi relinqueretur. Igitur nihil est, quod quidam formam u vbique in principio & medio reducere instituuot, quosdam codices fortassis imitati, sed non probatissimos, & qui rationem iam dictam posthabuerunt.

At vtile, aiunt, & ad legendum & pronuntiandum est, si distinxeris illo nouo more inter V & U, inter I & J, præsertim pueris & tirunculis percommodum. Sed quoties aliter legimus ac scriptum est, quod cum primis linguæ Gallicæ contingit: nonnumquam etiam Latinæ, vt vel solæ diuisæ diphthongi probant? Vfus tot sæculis confirmatus, omnia reddit faciliora. Et cur non nouatores isti alphabetum vulgare augment, & mutant ordinem litterarum? cur in Indicibus & Lexicis suis non distinguunt & separant, quæ ab V & I vocalibus incipiunt, & quæ a consonantibus? si consuetudinis & antiquitatis causâ id dicent tolerari, (nec enim subest causâ alia) cur non tolerant etiam antiquam figuram propter eandem consuetudinem ex antiquissimis temporibus deductam atque traditam? Nemini grauis sum, nemini veterem scribendi rationem obtrudo, sed discipulis etiam integrum relinquo, morem in hac re, quem volunt, imitari: tantum meam consuetudinem, nec solius meam, sed clarissi-

rissimorum etiam virorum, immo post restituta litterarum sacra, per centenos amplius annos fere omnium eruditorum, expono, atque iis, quas dixi, rationibus defendo.

DIPHTHONGI AE & OE

A vocalibus quæ simplices erant, ad duplicatas venimus seu diphthongos, quæ plures quidem Latinis sunt: duæ autem inter scribendum controuersæ, quia disceptatur, sintne vno ductu coniungendæ, an diuisæ & simplices, ex quibus constant, separatim apponendæ. Prima diphthongus olim non AE, sed Græcorum more AI scribebatur, quod nomina in denariis reliqua & antiquis monumentis AILIVS, AIMILIVS, cetera, ostendunt, quod cum aliis, *terrai, frugiferai*, & Grut. p. 81. BONAIDEAI, in archaïsmis relinquendum est. Raro posteriores ἀρχαϊσμοῖς illam æmulati sunt, vt in Claudii inscriptione Grut. pag. 194. CAISAR est.

De Latinis diphthongis autem aliter in maiuscula & Romana scriptura sentiendum est, qua semper diuiduntur AE, OE, & eliminanda figura Æ, tamquam ignota antiquitati: aliter in scriptura minuscula siue currente, qua connexio æ, œ, œ, æ olim sub tempus restitutarum litterarum, haud dubie ex MSS. codicibus introducta & conservata fuit. Tota enim illa scriptura velocitatis causa adsumta fuit, & connexas fere in MSS. litteras habet. Et licet posteriores scripti codices plerumque diphthongos negligant, & vbique e simplex præ se ferant: alia tamen ratio antiquorum meliorumque est, ad quos restitutores litterarum respexerunt. Aldus Manutius P. F. cœpit æ, œ, etiam in minuscula scriptura seiungere, quem vero, qui imitarentur, per longum tempus nulli aut paucissimi fuerunt. Nostro
æuo

æuo quum vnus & alter e clarioribus reducerent ; plures nunc æmulantur , sed , quod illorum paco dixerim , sine caussis iustissimis . Nam quod antiquitate se tuentur , illa rationem quidem in maiuscula scriptura habet , cui inepte Æ intruditar pro A E ; non item in minore : aut si in hac quoque tam obseruantes sunt antiquæ consuetudinis , cur plerique , qui diuidunt , U & J , ignotas veteribus figuras , suas faciunt ? cur E T innectunt & , & , vulgari more ? cur Q V E , sæpe implicate scribunt *q* (*transuersa lineola*) , aut ineptius femicolo *q* ; siue *q* ; apposito ? omnia hæc contra Romanum morem non tolerant modo , sed multi etiam ipsi scribunt , ac typo curant exprimi , incuriosi sic antiquitatis ; in solis diplithongis scrupulosi atque seduli . Noui , non omnes qui *æ* diuidunt , hæc admittere , sed quosdam *et* dissoluere & a glomerato *q* sibi temperare ; plurimii autem discernendo V & U longissime discedunt ab antiquis . Quid ? quod tota illa minuscula scriptura contra antiquitatem est , barbaris temporibus detorta & deprauata ex Romana , quæ omnis abiicienda esset , si vbique antiquum morem in scribendo vellemus observare .

Quid vero dicemus de Æ in denariis quibusdam per nexum expressio ? an iccirco satis antiqua illa est connexio ? Est antiqua , sed rarissima , & nummorum fere propria , quibus spatii angustia varias litteras , non tantum A E , sed plures alias & sæpius alias , quam A E , connectit . Fuluius Vrsinus in nummis familiarum habet Æ B V T I V S , C Æ C i n a , C Æ S i u s , C Æ S A R , L Æ C A ; sed opido rara : & eiusdem etiam nummis hæc ipsa nomina sæpissime per A E , diuisas litteras , exscripta , immo semper sunt , paucis istis exemplis , iisque singularibus , exemptis . In nummorum autem litteris ligandis plus sibi sumebant Romani , quam in aliis

monumentis, spatii, credo, angustia induci: idque non solum in A E, sed in aliis quibuscumque litteris, vocalibus & consonantibus. In iisdem enim Vrsini Familiis, per nummos demonstratis, observamus etiam:

*AD, ut est AD; AL, AL; AN, ANT; AR, AR;
 A, AT, TA; num idem in Cato &, Cotta
 inuenimus: AV, AV; AR, AVR; B, IB;
 E, ET; HE, HE; M, MA; MR, MAR;
 ME, ME; MP, MP; MV, MV; MR, MVR;
 NE, NE; N, NT; T, TE; TE, THE;
 R, TR; V, TV; V, VAL; VR, VAR; V, VD;
 VE, VE; V, VF; V, VL; VR, VR; V, VT;*

quæ omnia luculente ostendunt, angustum spatium in parvis nummis fuisse in causa, ut litteras quasdam artifices contraherent & ligarent: quod secus se in lapidibus ac æneis tabulis habet, ubi omnia plerumque sunt plene distincteque expressa. Quemadmodum vero ineptum foret, hos varios nexūs litterarum hodieque, & frequenter, aut ubique imitari; ita non plus præsidii in nummis est connexæ formæ Æ quam ceterarum omnium formarum, quas ostendi, ad imitandum, quia figura Æ, æque raro, immo rarius in denariis, quam ceteræ nexiles omnes, occurrit: ut adeo in maiuscula scriptura, si Romanos sequi

sequi constituimus; A E separatim, etiam si diphthongum sonant, sint scribendæ, non in vnam confundendæ formam seu figuram: minoris vero scriptio- nis, quæ nexibilis per se in manu scriptis codi- cibus apparet, & velocitatis causa inuenta est, om- nino alia, & ab restitutoribus litterarum, viris sane doctissimis, approbata & confirmata ratio est, quam qui sequitur, minus mihi aberrare videtur, si modo in maioribus litteris diuisam Romanorum ipse scripturam in hac diphtongo A E persequatur.

Eadem conditio diphthongi OE, æ est, eaque pro- pterea facilior, quia est rarior quam prima A E; & plerumque vocum Græcarum, quorum *oi* sic refertur, vt *mæchus*, *pæna*, *proœnium*, *æconomus*, *Oedipus*, *æno- pola*, *Oeta* mons; in paucis inest pure Latinis, vt sunt *mania*, *prælium*, & in propriis *Cælius*, *Clælius*, quamuis nec in his ubique est constans ratio, vt in parte posteriore ostendemus. Maiusculas inter litte- ras semper est OE sine connexionem scribendum, sicut nec typographi hodie connexam eius formam mayo- rem habent: minoris autem scripturæ ac velocioris ratio est eadem, quæ dicta modo in æ siue A E fuit.

Sic plenas nunc scribendi rationes habemus, quas doctissimos viros secutus adhuc mihi exprimendas proposueram, quæ in hoc præcipue constitutæ sunt, vt maioribus litteris ubique Romanos veteres imitemur, vitando Æ connexam diphthongum, & U & J figuras nouas: minuscula autem in scriptura æ ac œ; & non nescientem v, u in principio ponamus; u, u in media voce, eiusque sine. Non suademus, nec magno opere hanc scribendi legem commendamus: sed explicamus & defendimus ubique olim consuetu- dinem receptam, quam cum paucis ipsi, antiquitatis veneratione, nec argumentis probabilibus destitu- tam, æmulamur.

CONSONANTIVM MUTATIONES
EXTRA COMPOSITIONEM
CVM PRAEPOSITIONE.

Consonantes litteræ in scribendo etiam variant aut permutantur facile, præsertim si cum prioribus posteriora tempora conferantur. Sic B in V, ac versa vice mutatum videmus, in inscriptionibus sæpe, & frequentius in legibus iuris Romani, v. g. DAN V-VIVS annis, apud Grut. pag. 448. ACERVVM fatum, id est acerbum, pag. 519. BERVM etiam, Spon. Misc. p. 36. id est verum etiam: Probaverit, id est probaverit, lege xxxiii. Dig. de condic. & demonstr. Sed hæc ad normam Augusti ævi revocanda, non imitanda temere: in libris autem & lapidibus non improbanda, quia temporis excusationem habent. Videas etiam antiquis inscriptionibus P loco B positum esse: Grut. pag. 436. ex Marii ævo APSENS: & in fragmine agrariæ legis p. 503. OPTINEBIT: & in Cenotaphio Caiano APSTINERE, & OPSERVARI; & in altero Lucii, OPSEQUENTI. Causam tradit Quintilianus 1. cap. vii. *Quum dico OPTINVIT, secundam B litteram ratio poscit: aures magis audiunt P.* Notanda hæc sunt, non imitanda. Quod enim B præpositionis ob in compositione durius pronuntiarunt; nonnumquam ita, ut pronuntiabant, etiam scripserunt.

C & T quoque varie permutantur. *Conditio origo poscit: condicio veteres libri tenent atque lapides.* In ITIVS exeuntia elegantiores per C scribunt, Sulpicius, tribunicia potestas, ædificius, cæmenticius, reliqua; & sic est in nummis ac lapidibus, quæ omnino vera ratio est.

D & T cognatæ litteræ, ideoque antiquis sæpe permutabiles. SET Grut. p. 634. aliquoties legitur;

tur : & A P V T pag. 378. etiam Q V O D A N N I S & A D Q V E in multis inscriptionibus, & in ipso Augusti ævo cenotaphiis Caii & Lucii Cæsarum . Vide Ang. Politiani lib. iv. epist. ix. Henr. Noris in Cenotaphi. pag. 452. seq. Nobis autem antiquitatis non rariora, sed quæ frequentiore in vsu erant, ad imitationem sunt trahenda .

F non digamma ipsum est, a Claudio adiectum, quamvis figura ferme conveniat, ad F Græcum lineam addens transversam novam; sed vetus littera, in Capitolinis fragmentis nominibus *Fabii*, *Flamini*, *Furii*, & aliis expressa. Digamma vero V potius, quando vim consonantis habet, respexit.

Litteræ G figura non est antiquissima, sed communi utebatur cum C. Vnde est quod in vetusta Duii columnæ legimus L E C I O N E S, M A C I S T R A T O S, P V C N A N D O: & ideo etiam prænomen *Caius* scriptum per C; *Gaius* vero pronuntiatum; ut Græci Γαῖος scripserunt, Romano ori se accommodantes: C vero antiquitatis causa scribendo tam in hoc, quam in *Cneii* prænomine retentum fuit. Quintilianus lib. i. cap. vii. *Caius C littera notatur*. Terentianus Maurus pag. 2402.

Scribimus prænomen unum, & C quidem præponimus: G tamen sonabit illic, quando Cneium enuntio, Asperum quia vox sonorem leviores interpolat, Vel priores G Latini nondum ab apice finxerant.

Caius prænomen proinde C notatur, G sonat.

K in Græcis supra expositum. M a sociis quæ apponuntur, aliquid damni patitur. Volunt enim grammatici, sequente D, T & Q in N conuertendam esse. Sic dicitur *tantundem*, Grut. pag. 206. ex vetusto fragmento: *eandem*, Ancyrano monumento. At vero molle est auribus *aliquamdiu*: cur ergo non etiam *tantundem*, *eandem*? Cællius, vetus gram-



maticus, apud Cassiodorum Orthogr. cap. x. in simili exemplo, quod postea producemus, *N sonare debet, tamen in scriptura M positum sit*, Sæpe enim aliter scribitur, aliter pronuntiatur. Vfus autem *tandem* habet, non *tandem*. Ante T eadem difficultas. Cæsellius ibidem: *Tantus & Quamtus in medio M habere debent, ut Tam & Quam*: sed præualeat consuetudo, quæ N substituit. An vero prohibitum MT coniungere? non puto. nam D V M T A X A T in inscriptionibus legitur, non diuise modo, vt Gruteri pag. 506. 507. sed etiam coniunctim pag. 574. 575. & Spon. Misc. pag. 52. & eius Recherch. pag. 327. & Oxoniens. marm. LXIV. pag. 124. Nihilominus P videtur inter M & T ponendum, vti est in *sumptus, emptus, redemptor, comptus*, & similibus, quæ ita in vetustis quoque lapidibus leguntur. Leguntur, fateor, sic frequenter, vt sonantius pronuntientur; nec vero id semper, sed legitur etiam E M T V M antiquo fragmento agrariæ legis, Grut. pag. 203. & eodem fragmento R E D E M T V M; ac pag. 471. R E D E M T A itidem cum antiquitatis indicio. Et vrbis inscriptionibus, quorum locum designat Dausquius, S V M T V S V O: item INCENDIO CONSVMTVM RESTITVIT.

Eadem ratio est litterarum MS, quarum iunctura etiam quibusdam suspecta videtur, aut dura pronuntiati; nisi p interponatur, vt *sumpsi, dempsi, prompsi*. Cur vero componimus *etiampsi*, neque dicimus *etiampsi*? par ratio utrobique est. Et apud Spon. in Misc. pag. 36. inscriptio est V E T V S T A S CONSVMSERAT.

Vides quam non vniuersalis regula Prisciani sit lib. x. *In M O desinentia, si vocalis longa antecedit O, in P S I conuersa proferunt præteritum, vt, sumo, sumpsi; promo, prompsi; demo, dempsi; como, compsi*. Hæc quæ SI in TVM convertentia faciunt supinum 2

ut sumo, sumpsit, sumptum; promo, prompsit, promptum; cetera. Sed quasi pœniteret rationis de longa vocali antecedente, ipse sibi mox obiicit verbum breui vocali emo, & ad laxiorem rationem confugit. EMI vero, inquit, EMPTVM facit, quod ideo adsumpsit P, quia non potest M ante T sine P inveniri euphonia caussa. En aliam inconstantiam! Priscianus ducit mpt ex præteriti mpsi: contra Papirianus pag. 2292. mps probat ex mpt. SVMPSI, inquit, quaritur, an possit sine P sonare? Sed quia & in alia declinatione P respondit, quum dicimus sumptus, sumpturus; necessario per P scribi debet. Frequentior usus in his est cum P, nec vero altera scriptura sine P, est mala aut damnanda. Etiam in aliis olim P nonnulli adiecerunt, ut temptare, pro tentare, quod vero parcius approbatum fuit perinde, ut quidam M ante digamma mutarunt, QVANVIS scribentes, Grut. pag. 408. 658. num. 10. sine applausu eruditorum.

Q littera Latina est: an necessaria, nonnulli dubitarunt, quod per K vel C suppleri possit, ut quum cocus scribitur, & cotidie; ac ipsum quum in cum mutatur. Vide Velium Longum, vetustum grammaticum, pag. 2218. Nihilominus receptum Q antiquitus fuit, nec facile mouebitur loco, quem possedit. Habet autem cum antecedente & cum subsequente littera controversias. Aiunt mutare præcedens n & d in c, videlicet in ecquid & quicquid, & similibus. Prius si ex en est, ut grammatici volunt, mutatio facta est; nulla autem, si ex ecce: posterius magis dubitatur. Marius Victorinus pag. 2460. Quicquam, Quicquid, & Quocquod, prima syllaba quoties habuerit D, id vos præcidite, & superponite C. Quum vero Quocquod illud horridum sit cultis auribus, Quodquod suaue & iucundum; cadit, quod vulgo fuit positum, non posse D ante Q Latine pronuntiari.

Immo Manutius ex Interamnate marmore illud QVIDQVID, de quo maxime dubitatum fuit; & ex Mediceo Virgilio approbavit: & in Gruteri inscriptionibus QVIDQVID pag. 411. num. 3. & pag. 691. n. 8. reperitur. Inuenio tamen etiam QVICQVID pag. 203. in lege agraria, si cum fide & curate illa transcripta est.

M etiam littera prohibetur a multis, ne proxime ante Q constitutur: qui iccirco scribunt *quicunque*, *ubicunque*, *utrunque*, *utrinque*, & similia. Beda Orthogr. pag. 2344. QVANQVAM prior syllaba N habere debet, non M. Ridicule Cledonius pag. 1932. distinguit, & *quamquam* coniunctionem dicit: *quamquam* pronomen. Si enim pronomen non offendit Latinas aures, cur horrent eæ coniunctionem, quæ vox eadem, suamque notionem ex pronomine ducit? Placet auribus *namque*, *idemque*; in *utramque* partem, quod sic etiam veteri lapide, Grut. pag. 207. legitur: non, *nanque*, *idenque*, *utranque*; & in Caiano cenotaphio VNIVERSORVMQVE, EODEMQVE; in Ouidii versu *calumque videre iussit*: num dicemus vero *codenque*, *calunque*? sicut ingrate legitur ex sæculo Antoninorum inscriptione pag. 408. QVENQVE. Nihil ergo obstat, quo minus *quicumque*, *plerumque*, *utrumque*, *utrimque*, & tamquam, *quamquam* recte ac ordine scribamus. In vetustis tabulis Grut. pag. 203. & 512. QVEICOMQVE, *εἰς ἅπαντας*; clare in Caiano cenotaphio, & Romano lapide apud Spon. Misc. pag. 219. QVICVMQVE. Virgilius, ex antiquis codd. correctus, Æneid. II. v. 61.

-- in *utrumque* paratus:

& lib. VII. vers. 566.

Virget utrimque latus nemoris.

Quod vero Q veteres pronuntiabant ut K, scribebant etiam PEQVDES Grut. pag. 202. PERSE-

SEQVTIO pag. 206. PEQVNIA pag. 507. 509. 628. MEQVM p. 817. Deinde V, necessarium quasi, addiderunt inter Q & quamcumque vocalem insequentem, vt *quis*, *quando*, *quo*: quæ interueniens V littera vocalis sit an consona, grammaticorum quæstio est. Velio Longo consona est p. 2223. quia, si vocalis esset, *quis* non esset breue, quum duæ vocales in vna syllaba productionem inferant. Contra, si consonans, prima in *equus* longa foret positionis lege. Vides difficultatem, quam elabi forsitan licet, si nec consonam nec vocalem per se dicamus esse, sed litteræ Q facilioris pronuntiationis causa adiectam. Agnoscit Velius, sufficere V vnum auribus in *egus*; rationem autem exigere duo, quia in obliquis casibus vocalis mutetur: quo nihil probat, vti ex *cocus*, *coquus* manifestum est.

Tandem X Latinum Romani olim cum S adiuncto scripserunt. Gruterus in vetustis tabulis & fragmentis pag. 184. MAXSVMVS: p. 205. PROXSVMVS: p. 204. DIXSERVNT: p. 804. VIXSIT: p. 640. VXSOR. Et cenotaph. L. Cæs. DEFIXSO. Postea S neglectum est, quum X per se CS valeat: quod vero grammatici longius, quam decebat, ad verba etiam cum EX composita, quorum prima S est, pertraxerunt, illud S, tamquam superfluum, abiicientes, v. g. *expecto*, *existo*, *expiro*, *exequor*, *extruo*, *exulto*, *exilium*. Sed Quintilianus etiam, sæpe dicto loco, adnotavit, *expecto* scribendum esse, vt ab altero, quod a *pecto* est, distinguatur. Nec tantum discriminis causa S seruandum est, sed ex vsu etiam meliorum temporum. Manutius enim ex veteri lapide probauit *exstare* seu *exstitit*: & ex aliis *exstruxit*, *exstructum*, *exsoluimus*: ex Carpeni seu Mediceo Virgilio *exsaturata*, *exsudare*, *exsuperare*: & ad horum rationem componit

exscribere, exsilire, exfulare, exsurgere. Casellius pag. 2315. **EXSPECTO** *S* litteram necessario retinet. Item **EXSCREO** cum *S*, a *scrare* fuit; si sine *S*, a *creare*. **EXSILIVM** quoque cum *S* scribi debet: --- similiter **EXSCVLPO** & **EXSISTO** per *S*: --- **EXSEQVIAE** *S* habent. Terentius Scaurus p. 2258. quum questus esset, detractioe scribendi rationem corrumpi; subdit exempla, *exulet, expectatus*, quæ adiecta *S* littera debeant scribi; quoniam abiecta præpositione saluum esse illis (ab *S* incipientibus) initium debeat. Adde Priscian. lib. 2. pag. 571.

MVTATIO PRAEPOSITIONVM IN COMPOSITIONE.

Compositio verborum fit per præpositiones, quæ partim integræ manent, partim mutantur postrema littera, quæ se primæ verbi, quocum componantur, accommodat. *A, Ab, Abs*, ejusdem notiois, distinguuntur compositione. *A* hæret incipientibus a *M*, vt *amolior, amoveo*: *AB* plerisque seruit tam consonantibus, quam vocalibus, vt *abeo, abire, abortus, abutor, abdo, abduco, abiicio, abiuro, ablego, abnocto, abnormis, abnuo, abripio, abrogo, abrumpo, absimilis, absoluo, absumo*: sed *Absum* in præterito variat *afuit*, quod tamquam in MSS. crebrum, doctioribus placet; & *abfuit*, in aliis quoque codicibus repertum. Consule Nic. Heinsum ad Prudentii Eulaliæ v. 125. & Io. Andr. Bosium ad Corn. Nepotis Agesilaum cap. v. Ante *F* mutatur *B* in *V*, in *aufero* & *aufugio*. *ABS* incipientibus a *C* & *T* præponitur, vt *abscedo, abscondo, abstineo, abstrabo, absterreo*.

AD mutationibus variis & sæpe dubiis subiicitur. Cedit ante *C* consensu omnium. Dicimus enim *accedo, accendo, accipio*. Est quidem **ADCENSVS** in Auximate inscriptione apud Grut. pag. 68. num. 3. sed

sed non vetustissima, quod vox *communicipes*, quam habet, euincit: alibi vero **ACCENS** pag. 460. n. 13. & **ACCENSVS** pag. 586. num. 6.

Ante **D** manet, vt *addo*, *adduco*.

Ante **F** res dubia est præpositionis **AD**. Manutius in *Aggero*, censet etiam *Afficio*, *affinis* scribendum esse ob pronuntiandi suauitatem. Priscianus lib. 2. pag. 569. *F* sequente, *rationabilius* in eam **D** conuersti, vt *Affectus*. Contra Agræcius p. 2273. **AD** corrumpitur, quando eam muta sequitur: integra permanet, quando semiuocalis, vt est *adfecit*, *adripit*. Et Cæsellius pag. 2318. Sonat **D** littera & adscribitur, quum **F** consonanti adiuncta est, vt *adstuo*, *adfuturam*, *adfero*. Quod inscriptionum exempla confirmant, *adfnis*. Grut. 494. Spon. p. 52. *adfectus* Grut. 494. n. 4: *adffictus* ibidem: *adsuerunt* p. 117. 118. 121: ex posteriore æuo sæpe **ADFECTIO** p. 459. 4. p. 752. 2. p. 844. 7: in raris est **AFFLICTVS** p. 686. **AFFECTIO** p. 807. 12.

AD ante **G** grammatici censent mutari, *aggero*, *aggredior* scribentes. Agræcius p. 2273. *Attollit*, *aggerat* scribendum est. In compositione enim **AD** corrumpitur, quando eam muta sequitur. Cassiodorus pag. 2319. ex Prisciano: *Aggero*, per **G** scribendum, & *aggregatus*; non per **D**. Sed nihil dissonum est, si etiam ad mutam maneat, & vix alia, quam euphoniæ ratio hic adferri potest. At Festus etiam *adgressus* scripsit, & in iuris Romani codice *adgressores*: in Virgilio ex MSS. correcto, *aggredior*, *aggreditur*: in eodem quidem est *Aeneid.* iv. 197. *aggerat iras*; & lib. 111. 63. *aggeritur*: id vero, euphoniæ dandum est, quia horrent aures *adger*, quod ab *aggerendo* est, maluntque audire *agger*, id est terra aggesta. Inscriptio sub Elagabalo pag. 163. 8. **AGGERIBVS MARINI OPERIS**.

AD ante **L** ambigua sortis est. Nunc enim inter-

grum

grum servatur, nunc patitur immutationem; & vtrumque meliore ævo. Inscriptio sub Augusti imperio, facta (Grut. pag. 107.) legitur ALLEVARRVNT: & ne errorem describentis putes, in ipso Caii cenotaphio Pisis scriptum cernitur ALLATVS NVNTIVS: & Traiani tempore, ALLECTVS inter pratorios: & Spon. Misc. p. 57. ALLECTI IN ORDIN. DECVRION. Contra sub Vespasiano Grut. pag. 453. ADLEVAVIT *annonom*: sub Scuero pag. 163. 8. ADLVENTIBVS *maris flutibus* (sic Spon. p. 270. emendavit: Gruterus enim *maris adluentis flutibus*) & Varro *adlectus* lib. v. quod & sæpe in Grut. inscriptionibus, & Sponii pag. 184. ex Antoninorum ævo; & vetustiori ADLEGANTVR, pag. 52. Ponderus addit toties in nummis laudata *adlocutio*, nec iis tantum posterioribus, sed Caligulae etiam, Neronis, Galbae, Domitiani, Neruae, quibus expressum est ADLOCVT. COH. item ADLOCVT. AVG. Vide Vailantii Cæsares. *Adlicis* Pompeii Festi est. Virgilius emendatior agmen claudat ex Aen. vii. vers. 117.

Nec plura adludens.

Idem tamen Aeneid. i. vers. 169. *unco*

-- -- *non alligat ancora morfu:*

Quod & Varronis est lib. iv. de LL. p. 33. Dandum scilicet aliquid est auribus, nec mos aut regula ubique tenetur in eiusdem generis vocibus, sed prout vsus admisit in singulis. Priscianus lib. ii. pag. 569. *Qua sit differentia euphonia, ut, quum eadem consonans sit sequens, in aliis transferatur D, in aliis non; scire non possum.*

A *D* ante *M* manet, ut *admonco*, *admiror*: nec placet Bedæ *ammonco*, principio Orthographiæ.

Ante *N* variat. Grut. pag. 684. ADNITENS. Virgilius Aen. i. 148. *Triton adnixus*. Et lib. iv. 613.

servis

terris adnare. Eodem lib. vers. 128. *adnuit* : & lib. 1x. v. 625. *adnue captis*. Ipse Priscianus, amantior euphoniæ & mutationis, dicto iam loco : *Frequenter tamen inuenimus, F, vel N, vel L, vel R, vel S sequentibus, D scriptam : ut, adfatut, adludo, adri-deo, adnitor, adsumo*. Et Agræcius pag. 2271. *adnuntiatut*. In Romano iure frequens *adnotare, adnotatio*. Interim vulgus, *annuo, annoto, annitor, annuntio*. Quid vero de *agnosco* & *agnatus*? an sunt pro *adnosco, adnatus*? In Pandectis *adgnosco, adgnasce, adgnatus*. quod Taciti libri etiam referunt, annal. 111. cap. xli. *adgnosendum se præbuisse* : & lib. 1v. cap. xxxiv. *adgnita*. Fauet Priscianus prædicto loco : *notus, gnotus antique, unde ignotus : nosco, gnosco, noui, gnoui*. Citant Cæcilium pro *gnosco*. Quis vero præterea dici obseruauit *gnosco, gnoui, gnotus, gnascor*? nouimus *gnatus* per prosthesis factum : cetera ignoramus. Et quod castigatissimi auctores, qui præpositiones diligentissime sœuerunt conseruare, Virgilius & Prudentius, a summis criticis ex vetustissimis membranis perpurgati, *agnosco* tenent ; nolumus in hoc verbo aliquid mutare. Hæc ita disputari possunt : interim non nego Cæcilii *gnosco* a Diomede prolatum : nec repugno Taciti ac iuris Romani libris.

Ad ante *P* olim se accommodauit : postea, æuo medio, seruari cœpit. Gruterus ex vetusta lege pag. 628. VIATOR APPAREAT. Et veteri tabula pag. 291. 294. APPELLATVS. quod sub Augusto pag. 136. & sub Nerone p. 117. sic repetitum est. In Ancyrano monumento, itidem Augusti æui, APPELLARI & APPELLAVERVNT : & in lapide Romano Grut. pag. 755. 4. APPLICARI. Posteriores seruarunt *ad*. Grut. pag. 406. 1. sub Constantio & Iuliano ADPROBANTE *senatu*. Et p. 647. 6. ADPENSVS,

SVS, cum signis nouitatis. Pandectæ habent *adprobare*, *adponere*, *adpendere*: & contra, *apparere*, *appellare*. Taciti est *adpugnare*.

AD ante Q seruatur integrum in lapidibus: Grut. pag. 583. & Reines. p. 362. HIC ADQVIESCIT. Adde Reines. 692. Iterum Grut. p. 177. in arcu aquæ Marcæ: ADQVISITO fonte. Et sub Traiano, Manut. pag. 28. ADQVIS. Et Aeneid. 1v. v. 175.

-- -- *viresque adquirit cundo*;

vbi Pierius: *Antiqua pane omnia exemplaria seruant præpositiones in compositis*. Vulgo scribunt *acquiescere*, *acquirere*.

AD ante R etiam inconstans est. Priscianus lib. 11. post initium: *frequenter inuenimus adludo*, *adrideo*: ipsi vero *arrideo* placet. Agræcius p. 2273. *Ad*, *præpositio*, *integra permanet, quando semiuocalis sequitur*, ut est *Adficio*, *adripit*. In iure ciuili scriptum est *adrogare*, *adrogatio*: id quod etiam in Taciti libris, præsertim a Freinshemio & Theod. Ryckio ad membranas emendati, seruatur, *adroganti moderatione*, *annual. 1. cap. viii. adrogantiam oris*, lib. v. cap. 111. Idem *annual. I. cap. LXXIV.* & lib. 111. cap. L. *adrepit*: in Heinii castigato Prudentio Psychom. ver. 443. *adridere* est: e contrario in Vincentii hymno 468. *arripit*; adu. Symmach. 11. vers. 1121. *arripe*: si quis alius vero codex præpositionum integritatem vindicat, is Prudentianus est. Et Virgilius ad membranas purgatus *arrepit tellure*, lib. x. 298. & *arrepit tempore* lib. xi. 459. Idem Aen. 1. v. 152. *arrestis auribus*: & lib. 11. 205. *arresta pectora*. Scilicet aurium causa in nonnullis horum aliquid cedendum est.

AD ante S plerumque se conseruat. *Adsignare* tritum in antiquis monumentis est: Gruteri vetusta tabula pag. 512. ADSIGNATVS sæpe; & eadem

eta.

etate fragmentis pag. 203. 205. hoc verbum cum D scriptum est : item pag. 206. ADSIGNAVE-
R VNT, & Ancyrano marmore, serie 3. AD-
SIGNAVI, ac nummo Traiani REGNA AD-
SIGNATA. Sic quoque ADSEKIT & AD-
SEKTOR est apud Grut. p. 341. & 603 : & apud
Reines. p. 608. ADSEKIT : p. 692, ADSE-
QVETVR : apud Spon. p. 98. ADSISTEN-
TIBVS. Lis autem est sequente duplici consonan-
te. Priscianus lib. 1. pag. 560. *Subtrahitur (D) quum
sequens syllaba ab S & alia consonante incipit, ut aspiro,
aspicio, ascendo, assto. Et Velius Longus p. 2225. Est
etiam ubi necesse est D litteram inserire, nulla alia substi-
tuta, ut in eo, quod est aspicio, ascendo. Quod suum
vir summus facit Henricus Noris, ut illud ASPI-
CIENDI in Lucii cenotaphio tueatur : cui con-
sensionem aliorum lapidum adfert, Grut. p. 653. 8.
EN ASPICE, & p. 655. 1. QVEI ASPI-
CIS. Nec vero valida Prisciani ratio est, quia in
aliis etiam minus dubitatis S cum alia consonante sub-
iicitur : adstare Festi est : adsciscere, adscribere, adspira-
re, adstringere, Legum Romanarum : adstruere Agroe-
cii : e quibus adsciscere, adscribere ipse Manutius defendit,
præpositionum integritatis alias parum studiosus. Idem vero adfert p. 15. ex Tiburtino lapide ASCEN-
SV, quod contra adscendere est. Tamen & ipsum ad-
spicere, adspicere in emendatissimis Taciti libris reti-
netur, annal. XI. cap. XXXI. & lib. XIV. cap. LI. ac
alibi. Adi Dausquium in Adscisco, qui odiosum sig-
matissimum vocat, si D ex talibus eiiciatur.*

Tandem AD ante T quoque examinandum est.
Manutius pag. 89. *Attuli, non Adtuli; & similia, au-
rium sensu comprobante, nec dissentiente Terentio Scau-
ro, antiquo grammatico, veteribusque libris. Scauri
hæc ratio est p. 2260. quia ex semiuocalibus geminans
præ-*

præpositiones primam sequentis verbi litteram, ut effatus; item in mæis, attulit per T, & attigit, & attinuit. Contra Grut. pag. 16. ex vetusto lapide Sertoriani belli **ADTVLIT**: & ex alio etiam satis vetere pag. 328. **ADTRIBVENDAM**: & de Cæsare Strabone inscriptio apud Manutium p.28. **ADTRIVD**. Felti Pompeii sunt *adtestata, adtegrare, adtritum, adsubernalis*: Varronis lib. 1v. & v. de LL. sunt *adtributum, adtingat, adtentare*, quod in Legibus Romanis *adtemptare* scribitur. Nihilominus in vetusto fragmine apud Grut. pag. 507. legitur **ATTIGERET**, id est *attigerit*: & p. 926. ex VII. ludis sæcularibus **ATTIGIT**: quæ ratio posteriori ævo magis magisque inualuit.

Hactenus de præpositione *AD* in compositione: sequitur *CIRCVM*, quam grammatici aiunt *M* amittere, si vocalis sequatur: vt *circuitus*. Sed sæpius seruatur, & recte dico *circumago, circumastus: circumceo, circumequito*. Papirianus grammaticus apud Cassiodorum p. 2294. distinxit inter scripturam & pronuntiationem. *Circum*, inquit, *præpositio, sequentibus vocalibus, M litteram in enuntiatione amittit; in scriptura servat*. Sed, vt vidimus, nec in enuntiatione semper, immo ne sæpe quidem amittit. Pronuntiamus enim bene *circumago, circumegi*. Freinshemius Curtiano Indice vbique *m* seruandam censet, etiam in *circumire, & circumitus*, quod in vetustis ita libris esset. Sane Varro scripsit *circumitus*: & Suetonii Cæsare c. xxv. in optimis codicibus est *circumitus*. Nolim vero *circuitus* abiicere, cuius forma, saltem in metro, necessaria videtur. Prudentius Symmach. 1. vers. 319.

-- -- *terram breviorē*

Dicere circuitu.

Nihil vero agunt, qui ante plures consonantes *M* in *N* convertunt, scribentes *circundare, circumferre, circun-*

cunspicere, circumstare, tandiu, nanque, quia putida hæc & horrida: grata vero & suaui*a circumdo, circumfero, circumspicio, tamdiu, namque*.

CON præpositio ante vocalem N amittit, vt *coequare, coeo, coire, coortus*; quo etiam adspiratio referenda, *cobareo*: ante consonantes plures, etiam ex vocalibus ortas seruat*ur integra, vt concido, conduco, confero, congero, coniicio, connecto, conquiro, conseruo, contero, conuoluo*: ante alias mutatur, sed ante quâdam plerumque; secus ante ceteras: Sunt autem hæ B, L, M, P, R, quibus videtur N accedere. Nam *cognatus* dico & *cognosco*, num a *gnascor, gnosco*, quæ supra dubitauimus? neque a *gnatus* i. e. filius, quia sic *congnatus* scribendum esset, quod N ante G manet, vt *congero, congrego, congruo*. Reliquum ergo est, vt sint ex *con* & *natus*; it. *con* & *nosco*, N mutato in G: in aliis enim seruat*ur, vt connecto, connitor, connumero*.

Ante B mutatur in M, vt *combibo, comburo*. Codices autem Prudentii *combibis* Hamartig. 609. & alibi.

Ante L sæpe manet in antiquis inscriptionibus, quibus est CONLAPSVS VETVSTATE. Grut. pag. 7. 48. 51. 173. 187. & CONLATA STIPE, in ponte Tagi ex Traiani æuo: AERE CONLATO pag. 426. 447. 457. & apud Sponnium sæpe. Sic *conlibertus, conliberta* in lapidibus: item *conlocare*. Grut. pag. 40. n. 11. STATVAM CONLOC. Adde 460. n. 4. & Spon. pag. 294. Et CONLV DENTIBVS *digitis*, Grut. 647. 6. Sed hæc non sunt perpetua, verum etiam ex Traiani sæculo habemus STIPE COLLATA apud Reines. class. 11. inscr. xc111. & Grut. p. 645. & 964. 984. 987. COLLIBERTVS, & pag. 58. n. 4. sub Diocletiano, COLLAPSV M; etiam pag. 100. n. 6: item COLLOCARE pag. 164. n. 6. in quibus euphoniæ & auribus seruatum est. Et colle-

C

gium

gium fere semper scriptum. Vide post Gruteri Inscriptiones, totam sect. 11. Sponii Miscell. vbi innumera exempla exstant.

Ante M transit *con* in similem, vt *commercium*, *committo*, *commoueo*, *communio*. Qui secus pronuntiauerit, aures offendet. Ante P itidem in M plerumque vertitur, vt *comparo*, *compertus*, *compono*, *computo*. Augusti æuo in Lucii Cæsaris cenotaphio scriptum **COMPONANTVR**: Grut. p. 474. 1. **CONIVGI INCOMPARABILI**. Tamen etiam, sed posteriori æuo, vt videtur, *compara-*re scripserunt pag. 814. 2. & 827. 2. & *conprobare* pag. 647. 6. & Aeneid. 111. 474. *conpellare* in scriptis & cum cura editis.

Ante R in similem mutat *con* suam extremam, vt *corrado*, *corripio*, *corrigo*, *corrumpo*. Grut. p. 128. 5. *adiculam vetustate* **CORRVPTAM**. Et prouinciarum seu Italiæ partium **CORRECTORES** passim laudantur in æui mediocriter posterioris inscriptionibus, nusquam *correctores*. Lucretii autem libris omnia secus se habent, *conradens*, *conrepta luce dici*, *conrepunt*, *conridens*, *conripuit*, *conruit*, *corruptus*. Vide Gifanii, Creechii & aliorum Indices. Sed pauci imitati sunt: & Prudentii editor, Nic. Heinsius, presse MSS. secutus, & cetera integritati præpositionum fauens maxime, *corripit*, *corrupit*, *corruit*, *corrigen*s legit. Par ratio est Plautini *corruspari*, apud Festum; quod in obsoletis relinquitur: *conregnare* autem cadentis est Latinitatis. Vtique auribus aliquid, auctore Cicerone, dandum est, nec ultra exempla probatiora promiscue omnia imitanda: quum nec illis quidem, quæ videntur probatiora, vbique insistendum sit.

Præpositiones E & EX partiuntur compositiones. Dicimus *ebibo*, *edico*, *educo*, *egero*, *elicio*, *emungo*,
emu-

*emunio, trado, eripio: cetetera ex possunt, excipio, excutio, excrucior, expono, explico, exquiro, exsequor, exstruo, extrico, extrudo: ante F in consimilem conuertitur, efficio, effugio, efflo, effodio, effundo. Archaismus enim est, quod in Rottrata Duilii columna legitur EXFOCIONT, hoc est effugiant. Ant 5 vero seruari post X, atque sic etiam post ex possit, supra disputauimus pagina 25. Seruandum omnino est, atque sic EXSEQVI legimus in Lucii Cæsaris cenotaphio extremo: EXSTRVERE Grut. pag. 61. n. 3. & pag. 110. 7. EXSPECTAT. ET VOTIS p. 109. 3: & proprium nomen *Exspectatus*, pag. 74. 1: & EXSVLTANS Spon. p. 99. Misc. Non igitur curamus, quod etiam *extrui* & *extructus* aliquando legitur Grut. p. 163. 164. 429. 669.*

IN præpositio & negatio fatigat orthographiæ studiosos. Ante litteras C D F G H Q S T salva res est: e. g. *incido, induco, infizo, ingero, inheres, inquiro, infiso, intingo: dubia ante ceteras. In lapidibus enim INLATIS coronis Grut. 124. arca 424. 12. Varro 1v. de LL. incilio: Festus incilium, salicator, inlitterata. Inscriptiones passim inlustris & inlustrare: Grut. pag. 234. Vespasiano dicata inscriptione. INMVNITAS: & pag. 694. INMATVR. ac vet. tab. Grut. p. 106. 107. 506. INPERIVM: etiam *inpena* pag. 243. itidem ex Vespasiani æuo; & pag. 63. 343. *inpena: & inpendia* pag. 62. n. 8: *imperfectus* pag. 749: in vetusto marmore Neapolitano p. 207. bis INPONITO: & pag. 823. INRITA VOTA: vt antiquos codices manuscriptos taceam. Vnum addo Augusti ætate sculptum exemplum in Gaiano cenotaphio INPROVISAE calamitatis: ad quod ὁ πᾶν Henr. Noris pag. 487. ita commentatus est: *Apud antiquos quoties præpositio IN alteri voci, a P incipienti, iungebatur, neu-**

tiquam N litteram in M mutabat. Idem character in Virgilio codice Mediceo servatur. Lib. 1. Aeneid. v. 599. INPROVISVS ait: & lib. 11. v. 182. INPROVISI aderunt. Addit ex supra citata tabula (Grut. p. 207.) quod INPROBARINT, INPROBVM esto.

Præclara hæc omnia & speciosa: quo minus tamen in vniuersum adsentiar, alia monumenta, partim æque antiqua, mihi obstant. Vbique in nummis & lapidibus est IMPERATOR, non *inperator*: in Ancyranò marmore *imperium*, *impense*: & eadem vox *impensa* sæpe apud Grut. pag. 105. 466. 487. & *impensum* pag. 55. 483. & ex Traiani imperio Spon. Misc. pag. 181. DANTE IMPEN *fas*: & in arcu aquæ Marcia pag. 177. Grut. IMPEDITAM.

De *lu* ante *L* tanto res est difficilior, quanto pauciora sunt, quæ opponantur antiquitatis argumenta. Aldus Manutius ad iudicium aurium prouocat. *Illustris*, inquit, *malo*, quam *Inlustris*; *ut Illectus*, quam *Inlectus*; *Illudo*, quam *Inludo*. Cur enim non consulatur auribus? quarum iudicium superbissimum dixit Cicero in Oratore (cap. XLIV.) *Vt omittam*, *Scaurum*, *vererem* *grammaticum*, *idem sensisse*. Scauri pag. 2260. de mutatione nonissimæ litteræ præpositionum hæc regula est: Quoties a liquida littera sequens caperit, vertitur in eam, cui liquida præposita fuerit.

INTER vbique manet saluum in compositione: in solo verbo *intelligo* cedit sequenti liquidæ. Papi-rianus pag. 2294. INTER præpositio in una voce, sequente *L* littera, *R* in eandem mutat, *ut Intelligo*; cæteris sequentibus integra manet. Quod etiam in iis libris obseruatur, quorum editoribus quam maxime mutatio præpositionum inuisa est. Lucretius lib. vi. vers. 16. *intellexit*: Prudentius ad Symmach. 11. vers. 1035. *non summa intelligit aure*. In ceteris,

ris, quamlibet ab L incipientibus, manet præpositio integra, vt *interlabi*, *interluceo*, *interlitus*.

O B præpositio facile, ac quasi necessario, ante certas litteras mutatur. Ante C, vt *occido*, a *cado* & *cado*; *occubo*, *occumbo*, *occurro*; ante F, vt *offendo*, *offero*, *officio*, *offundo*. Sed tamen suetum *obfusco*, & *obfirmo*. Ante G ambigue, *obgannio* & *oggannio*; *oggero*. Ante P cedit simili, vt *oppono*, *opprimo*, *opprobrium*, *oppugno*. In ceteris manet, vt *obdo*, *obiicio*; *oblecto*, *obligo*, *obluctor*, *obmutesco*, *obnitor*, *obnubo*, *obrepro*, *obruo*, *obseruo*, *obsideo*, *obtineo*, *obuerto*. De mutatione B in P contra rationem facta, solius euphoniæ causa, vt *opsequens*, *optinebit*, dictum supra est. Papirianus dicto loco: O B præpositio interdum ponitur plena, vt est *obire*, *oberrare*: interdum in eandem litteram transit, a qua sequens sermo incipit: vt *offulsit*, *ommutuit*, *opposuit*. Cetera se bene habent: *ommutuit* autem ingratum & inauditum est.

P E R, vt plurimum manet: ante solam L capit detrimentum. Priscianus lib. x post initium: In compositis quibusdam inuenio R in L conuerti, vt *Intelligo*, *pelliceo*, *pellego*, *pelluceo*, Verum est in *pellicio*, quod ubique ita scribitur. Festus: *Pellexit*, in fraudem induxit. Lucretius lib. vi. vers. 999.

-- quæ ferri pelliciat vim:

non æque *pelluceo*, licet tritum *pellucidus* sit. Ouidius lib. iv. *Metamorph.* 411. *perlucensibus alis*, etiam Heinſii editione. Seneca de Const. Sap. cap. xvi. Hæc ipse *perlucidus*, *crepidatus*, *armillatus*. Mira sane hæc res est. Omnes dicimus *perluit*, non *pelluit*: cur ergo non *perlucet*? Et alibi *per* ante L remanet; vt *perlabitur*, *perlatum est*. quis ferret *pellatum*? Grut. pag. 36. extr. P E R L A T V M libens posuit. Minus gratum *pellego*: Terentius Scaurus quidem pag. 2260. *Pellego*, omnes antiqui dixerunt, non *perlegere*. Vnde &

apud *Virgilium legendum* ('*Aeneid.* vi. 34.) *Perlegerent oculis*. At *Servius*, & optimus quisque liber *perlegerent*.

POST quoque aliquando mutatur. *Cicero* in *Oratore* cap. XLVII. *Pomeridianas quadrigas, quam postmeridianas, libentius dixerim*. Dum dicit *libentius*, fatetur quosdam dixisse *postmeridianus*. *Quintilianus* lib. III. cap. 1. *postmeridianis scholis*. Sic MS. Bodl. & Aldus, & vir exactissimus *Vlricus Obrecht*, qui castigatissimum ex MSS. *Quintilianum* in lucem edidit. An etiam in *polluceo* mutatum? secus *Varroni* videtur lib. v. de LL. & *Vossio* in *Etymol.* qui aliunde derivant. Eadem ratio in *polluo*. Vide idem *Etymologicum*. In ceteris manet, ut *posserre*, *postliminium*, *postponere*. At *porrigere* non a *post*, sed a *porro* est secundum *Festum* in fragmento *Farnesiano*.

Tandem *S V B* succedit, quæ etiam subiecta mutationi est ante *C, F, G, M, R*. Dicimus *succedo*, *succro*, *succumbō*, *succurro*, *succutio*, quæ satis certa sunt; aliter autem *suscipio*, quod non a *sub* est, sed a *sus* siue *susum*: nec dubitatur de *F*, ut *sufficio*, *suffigo*, *sustō*, *suffundo*. Exempli ante *G* sunt *suggero*, *suggredior*; nisi quod veteri inscriptione apud *Gruterum* seu *lactante* & *S V B G V L A R I*. De *M* lis maior est. *Cicero* prædicto loco: *adiuncti verbi primam litteram præpositio commutavit, ut subegit, S V M M V T A V I T*, *sustulit*. *Festus*, *summissior*. *Gruterus* iam dicto loco, *consuetudine S V M M O T A*. Et *Horatii* II. oda XVI, *summoet lictor*. At *libentius* dicit quisque *submersus*, quam *summerfus*: cur non pariter etiam *submoet*, *submutat*, *submittit*? Sunt hæc in aliis libris. *Virg. ecl.* I. *submitte tauros*. *Aeneid.* I. vers. 6). *submersas obrue pappes*: lib. VII. 226. *submoet Orona*. Ante *P* vertitur in illam, ut *suppetit*, *supplex*, *soppono*, *sopporo*. Ante *R* dicunt *surrigo*, *surripio*, *surrugo*. Quod vero non di-

dicunt *surrus*, sed *subrus*; non *surrepo*, sed *subrepo*; non *surrideo*, sed *subrideo*; cur non pari modo *subripi*, *subrogo*? Grut. pag. 589. *SVBREPTA* est oculis. Prudentius Apotheos. 485. *subrepsit*: & Psychom. 166. *subridens vultu*. Tacitus Annal. 1. cap. 11. *de pratore subrogando*. In ipso *surrigo* præteritum *B* repetit, forte ut distinguatur a *surrexi*, quod a *surgo* est. Suetonius Vitell. c. xv 11. *mucrone gladii subrecto*. Ante *T* non in *S* convertitur, & *sustineo*, *sustento*, *sustulit* ab *sus* sunt; sed manet, ut *subtero*, *subticeo*, *subtrabo*. Ante alias litteras etiam manet *B*, ut *subdo*; *subeo*, *sublego*, *subnitor*, *subsequor*, *subsisso*.

Denique *TRANS* & *TRA*, præpositio, in compositis etiam variat. Velius Longus pag. 2227. *TRANS*, præpositio, non nullam habet observationem. nam interdum plena est, ut transtulit: interdum minuitur, ut traicit, traduxit: nec non ab aliis plene ponitur; ab aliis lenitatem intuentibus, minuitur, ut in eo, quod est transmisit & tramisit: alii transposuit, alii traposuit. Cæsar ut plurimum servavit integram: nec modo cum aliis dixit transferre, transsugere; transgredi, transmittere, transportare, transuersus, trasuehere; verum etiam transdo sæpissime, ut tamen etiam *trado* aliquando dicat, & *transduco*, *transicio*. Donatus in principium Phormionis: *Transdere* veteres sonantius, quod nos lenius dicimus *Tradere*: ut *Tralatum*; nos *translatum* e contravio. Est etiam veteri inscriptione apud Manutium *CORPORIBVS TRALATIS*. Difficilior res in verbis ab *S* incipientibus, sitne in ea compositione *trans* an *transcribendum*, v. g. ante *scando*, *scribo*, *scindo*; an plura sint, nescio. Delicatus auditur *transcendo*, *transcribo*: nec vero video, quid obstat, quo minus plenè dicamus *transcendo*, *transcribo*. Ante vocales non mutatur, ut *transco*, *transadigo*.

A D S P I R A T I O H.

*Adspiratio siue aspiratio, vt malunt alii scribere, de qua discrepantia supra dictum; est figura siue signum H, de quo quærunt grammatici, sitne littera nec ne. Priscianus sub initium libri 1. H aspirationis magis est nota, quam sit littera. Et interiectis nonnullis pag. 543. H aspirationis est nota, & nihil aliud habet litteræ, nisi figuram, & quod in uersu scribitur inter alias litteras. Et antiquior Prisciano grammaticus Diomedes lib. 2. pag. 419. H consonans mutata, proprie continens aspirationem, subiunctiua R liquide consonantis, recepta vulgo in numerum mutarum; omnibus vocalibus præponitur, nulli subiungitur nisi consonantibus. Quod vero dixit, nulli vocali postponi, nec in H definere vocalem; videtur interiectionum exemplis *ah, vab* confutari. Sed præuidit hoc Priscianus pag. 548. atque ita diluit: *Queritur: cur in Vab, Ab post vocales ponatur aspiratio; & dicimus, quod apocopa facta est extrema vocalis, cui præponebatur aspiratio. nam perfecta Vaba, Aba sunt.**

Quid ergo tandem H? Io. Iouianus Pontanus lib. 1. de Adspiratione probauit, H nomen quidem & figuram litteræ habere: carere autem potestate, quia nihil sit adspiratio nisi *spiritus statusue densitas*, aut *crassior quidam spiritus*; non aliter quam suspirium & anhelitus. Sonum enim distinctum, qui ad vocem articulatam conferat, non facit: & nihilominus inter litteras adhuc tolerata est tam nomine quam figura.

Originem a Græcorum habet *spiritu*, quem *asperum* appellant grammatici. Priscianus lib. 1. p. 560. *H litteram non esse ostendimus, sed notam aspirationis, quam Græcorum antiquissimi similiter, vt Latini, in uersu scribebant, nunc autem diuiserunt, & dexteram*
eius

eius partem supra litteram ponentes, *psilen* notam habent, quam Remnius Palamon exilem vocat; Grillius vero ad Virgilium de accentibus scribens, *lenem* nominat: *sinistram* autem, contrariam illi, *aspirationis dactylam*, quam Grillius *stabilem* vocat. Marmora, quam maxime etiam vetusta sunt, ut Arundelliana, & cetera maiusculis litteris signata, nulla signa spirituum habent: posteriores Græci, quum minor scriptura in usum venisset, addiderunt illa cum accentibus; non autem femicircellorum modo, sed cum angulis iis, quos H, sectum in transversa lineola, utrimque facit: quas figuras primi, qui Græcos libros typis expressere, ut maior Aldus Manutius & æquales, aliquamdiu retinuerunt.

Sed satis de quæstione, quæ nostri non propria est instituti: de usu adspirationis potius disputandum est. Vocalibus præponi tam initio, quam media voce, supra, Diomede & Prisciano auctoribus, dictum fuit. Res manifesta, ut, *habeo*, *hæreo*, *herba*, *honor*, *hospes*, similia: & altero loco, *abenum*, *mibi*, *nihil*, *trabo*, *vebo*, reliqua. Ex primo ordine sunt quædam ambigua, *larena* & *arena*; *balucinor* & *alucinor*; *have* & *ave*; *bariolus* & *ariolus*; *baruspex* & *aruspex*; *holus* & *olus*; *bordeum* & *ordeum*: de quibus parte altera dicturi sumus. Iam satis sit quædam propria examinare.

H A D R I A N V S cum adspiratione in nummis est, & plurimis inscriptionibus: raro A D R I A N V S, Grut. pag. 158. n. 5. & Reines. pag. 294. 304. 308. 311. si bona fide transcriptum est.

Hammon, Iouis cognomen, & Ammon scribitur. Qui ab ἀμμὸς, *arena* ducunt, quod templum eius in Libiæ Marmaricæ arenis situm fuit, adspirationem negligunt. At veteri inscriptione Grut. pag. 21. n. 7. IOVI HAMMONI. Græci antiquis monumentis, quæ carent spiritu, nihil iuvant, ut num-

mo

mo Sequini est Θ Ε Ο c A M M Ω N : nisi quod libris Græcis Diodori, Paulaniæ, Suidæ est Ἀμμων, *Ammon*, aut ita ab interpretibus lectum est. nam & illorum quidam sine spirationis signo in prima maiore littera scripti sunt.

Hannibal & Annibal in libris est; & Liuius semper *Annibal*. Manutius autem, *Hannibal* cum adspiratione ex libris antiquissimis Latinis: Græci enim adspirationem reiecerunt. Addit lapidis Florentini testimonium de Fabio Maximo H A N N I B A L E M C O E R C V I T, Si Punicum hoc nomen, ut putatur, ex הני & כעל est, quasi *gratiosus dominus*; omnino adspiratio necessaria videtur.

Hebraus scribimus & *Ebraus*: plures tamen *Hebraus*, quia Græcis libris est Εβραῖος cum aspero: nec vero certissimum, an in antiquissimis Græcorum codicibus spiritus fuerit expresse appositus. Origo עברי, quia ab y incipit, littera incertæ pronuntiationis, nihil adfert, quoniam hanc litteram non vno modo a LXX. & Hieronymo in propriis expressam nouimus, nunc sine spiritu per A vel E, ut *Amma*, *Almon*, *Asem*, *Achbron* siue *Ekron*: nunc per G, ut *Gomorra*, *Gai* (quod Vulgatus *Hai* reddit) *Gaza*, *Gabal*: ad quem modum æque *Gebraus*, quam *Hebraus* scribi possit. Vt ut sic potius, quam origini credendum est.

Etrusci, & *Hetrusci*; *Etruria*, & *Hetruria* scriptum est: sed præstat modus prior, qui sine adspiratione est, quem Manutius ex vetustis libris ac lapidibus Capitolinis approbavit. Et lapide in Volsiensis apud Gruterum pag. 385. PRAET. ETRVR. XV. POPVLOR. Et in Triumphorum tabula p. 296. DE ETRVSCEIS.

Ostia, & *Hostia* colonia ad Tiberis ostium. Vtrumque probatum, sed prius magis. Nummus Neronis, AVGVSTI PORT. OST. S. C. & alius

alius Traiani PORT. OST. & Grut. pag. 249. 7. COLONIA OSTIA. At pag. 454. 10. IN COLONIA HOSTIENSI: & pag. 752. 2. VIA HOSTIENSI. Notandus igitur Cluue- rius Ital. Antiq. III. cap. III. pag. 874. vbi *nugas grammaticorum* adspirationem huius vocabuli dixit, & a cunctis lapidibus eam abesse adseuerat.

Adspirationis mediæ exemplum *Abala* Romanum nomen: cui Christianum *Iohannes* addimus; quod ma- limus sine adspiratione *Iouanes* scribi. Non enim ab Ebræis, sed a Græcis vocabulum accepimus, qui vo- calium adspirationem in media voce ignorant; quod cum alia, tum maxime casus & exitus *es* euincit, qui ex Græco *Ιωάννης* est. Quod si ab Ebræis Latini habe- rent, non *Iohannes*, sed *Iohanan* ex *יוחנן* scribendum esset. Præterea Christiani non ex Veteri testamento id nomen, vbi rarum erat, sed ex Nono, quo cele- bratissimum est, in suum vsum adsumserunt: hic au- tem Græca scriptura præualet, quæ sine adspiratio- ne est: Græcam, vt dignum est, imitatur Latina.

Est deinde vsus adspirationis in iis, quæ sunt ex Græcia, per *χ* scripta in sua patria, vt *Chremes*, *Chrysolomus*, *Acheron*, *Bacchus*: de quibus supra in litteris Græcis prædictum fuit. Interdum abiiciunt *b*, quamvis *χ* Græco respondeat: sicut in nummis Semproniarum gentis (Vrsin. pag. 251. 253.) aliquoties GRACCVS legitur, quod alias *Gracchus* est, Plutarcho & aliis Græcis *Γράκχος*.

Præterea, quia Græci litteram *p* initialem spiritu signant; Latini etiam in Græcis vocibus *b* adiciunt ad R in principio positum, vt *Rhodus*, *rhetor*: in me- dia voce vero, quia Græci adspirationem duplicato tantum *p* apponunt, non simplici; etiam Latini in vocabulis, ex Græcia petitis, gemellis *pp* adspira- tionem *b* subiiciunt, vt *Pyrrhus*, *Tyrrhenum mare*.

Dixi,

Dixi, in *Græcis vocabulis*. nam, nisi manifesta origo Græca est, non locum habet adspiratio, vt *Arre-ssium*, Etruriæ oppidum, *Arrius*, familiæ Romanæ nomen. Nec *Rboma* licet scribere, quia quorundam opinio, ab *ρῶμα*, *robur* nomen derivantium, minime manifesta aut probata est. Recte vero Bruttiorum vrbs ad Siculum fretum, quia a Græcis condita, & in magna Græcia, Italiæ parte, sita, scribitur *Rbegium*: at oppidum Cispadanæ cum *Lepidi* cognomine, *Regium*.

Itaque in quæstionem venit, an recte *Rbenus*, *Rbemi*, *Rbatia* scribatur, quod Celtica potius & Germanica hæc vocabula sunt, quam Græca. Primum nomen, quod amnis est, constanter scribitur cum adspiratione *Rbenus*. In fragmine arcus Druso positi legit Melissus apud Grut. pag. 236. AD DIVORTIA RHENI. Nummis Neronis & Domitiani apud Tristandum, RHENVS: quod nescio cur ita factum sit, nisi imitatione Græcorum, qui eius fluminis mentionem habuerunt.

Alterum nomen *Remorum* est, Galliæ Belgicæ populi, quod Cæsaris libris quidem *Rbemi* scribitur: Hadrianus autem Valesius abiecit *H*, quod iure fecisse nobis videtur, quia nullum huic genti cum Græcis fuit commercium. Incertum enim, an Cæsar adspirationem addiderit, quæ potest etiam a grammaticis & describentibus esse. Sed, inquis, & alia Galliæ, præter *Rbenum*, vt *Rhodanus*, adspirari Latine. Longe autem dispar huius est ratio. *Rhodanus* enim Prouinciæ Romanam perlabitur, in qua erat Massilia, antiqua Græcorum ex Asia colonia, quæ æque sermonis patrii, vt morum studiorumque Græcorum, fuit obseruantissima: a qua Græca nomina sunt, Nicæa & alia: atque ita etiam vicini amnis scriptura: *Remi* autem abhinc longissime remoti erant.

Ter-

Tertium est *Rhetia*, siue *Retie*; & *Rhetorum* populi, siue *Retorum*. Grut. pag. 376. 6. PROVIN-
CIAI RAITIAI ET VINDELIC. &
pag. 439. 8. de L. Munatio Planco, TRIVMP.
EXRAETIS: & p. 524. 3. RAITORVM.
Et Tiberii nummo apud Golz. COL. AVGV-
STARAETORVM. Omnia hæc sine adspi-
ratione, & cum diphthongo; in quibus adquiesce-
rem, & H quod Rætorum vocabulo adhæsit, exter-
minarem, nisi vir summus Ezechiel Spanhemius de
Vsu & Præst. Numism. pag. 843. manum iniiceret,
Hadriani nummum laudans, in quo RHETI-
CVSEXERCITVS expressum sit. Idem, an
alius nummus sit, ignoro, qui in Occonis & Me-
diobarbi thesauro p. 178. sic descriptus est: EXER-
CITVS RAETICVS SC. Quapropter ve-
reor, quia cetera cuncta diphthongum habent, non
E simplex; ne fieri potuerit, vt a descriptore quo-
dam vel typographo A in H mutaretur. Tutius ergo
scribimus *Reti*, *Retia*, diphthongo, sine H, vt plu-
rima antiquitatis monumenta habent.

Tandem etiam de adspiratione compositorum dispi-
ciendum est, si Græca vox, ab adspirata incipiens,
ante se aliud nomen vel præpositionem accipiat: num
v. g. *exodus*, an *exbodus*; *Panormus*, an *Panbormus*
scribendum sit. Manutius. Orthograph. pag. 305.
EXHODVS cum adspiratione, componitur a Græco ὁδός.
nec aliter libri veteres. Scio in quibusdam libris ita
esse: an vero ratio id vrgeat, quæ data fuit, subdu-
bito. Si enim Græci in media voce adspirationem
pronuntiarent, præter illam quæ post duplex p est;
sine dubio etiam illam scriberent cum ὀ, ἔξοδος:
quod dum non fit, neque fieri debet apud Latinos.
Alia enim ratio simplicis est, alia compositi.

Sic quoque se *Panormus* habet, Græce πανόρμος,
no-

nomen vr̄bis in Sicilia ; quamquam Græcis etiam appellatiuum est . Scripserunt multi per H . In nummo familiæ Domitiæ apud Vr̄sin . p. 101. PANHORMITANORVM . Gruterus pag. 174. num. 5. REIPVBLICAE PANHORMI . Et Sponins Misc. E. A. p. 176. RESP. PANHORMIT . Atque sic etiam in Plinii libris scriptum est . Nihilominus & sine adspiratione in aliis monumentis inuenimus . Harduinus nummum , a Paruta expositum , refert cum epigraphe PANORMITANORVM : & Reinesius class. v. inscr. 64. PANORMVS , quamquam non certum est , sitne vr̄bis nomen ibi , an viri . Verba hæc sunt : *M. Coilius M. L. Panormus agitator* : nisi *Pandormisanus* forte legendum sit ; ejusdem tamen originis est , & orthographiam vocabuli demonstrat . Prioribus accederem , si πἀνὸρμος Græci scriberent , quemadmodum illorum pp̄ adiecta b post rr Græcorum imitatur : quum vero id recusetur a Græcis ; non video , quæ ratio nos vr̄geat ad adspirandum in hoc vocabulo .

NVMERI ROMANI.

Quæ Romanis numerorum figuræ fuerint , orthographiæ est explicare . Paullus Manutius figuras omnes deducit ex I , *unitate* : quæ si geminetur ita , vt inferiores partes coniungantur , fieri dicit signum V , *quinque* : hoc si inuersum infra rectum statuatur , fieri X , *decem* : si simplex I semel directe , iterum transuersum componatur , fieri L , *quingenta* : cui si in summa parte aliam notam adieceris , vt fere in hoc [, fieri notam , quæ *centum* significet , quod posterior ætas mutauerit in C , angulatam figuram in semiotundam . *Quingenta* fecerunt addita ad tres notas quarta sic [] ; vnde primum [D] , post D effectum est . Sed priore figura [] duplicata fecerunt *mille* [] ;
vnde

vnde librariorum arbitrio variæ notæ, quæ mille significarent, factæ sunt: ∞, CIO, aliæ: ex CIO tandem M derivatum, quo pro *mille* vulgus vititur: quum olim nota fuerit, non littera: quemadmodum pro IO scribunt D, quod non nusquam etiam in antiquis inscriptionibus videmus, & ipsis Capitolinis lapidibus, ut Gruterus edidit, sed nescio qua fide & cura transcriptis.

Nunc singulos numeros, in quibus memorabilis est veterum orthographia, & a nostrorum temporum consuetudine recedens, perlustrabimus. *Quaternarius* in iis primus est, a cuius figura discessum est hodie. nunc enim sic IV. formamus; antiqui fere semper, etiam restitutores litterarum, a ducentis ac retro annis, vsque ad patrum memoriam aut aurum, simplicem figuram ita IIII quadruplicabant. Nummus familiæ Antoniæ apud Vrsin. pag. 29. LEG. IIII; Grut. pag. 30. n. 4. IIII K A L. A P R I L. & sic constanter alibi: etiam in compositis, XIII. Grut. pag. 41. n. 7. & 688. 2; XXIII pag. 688. 11. Raro admodum inuenitur XIV, pag. 689. 13; & XXIV p. 833. 1.

Senarius numerus est VI. ut VL VIR, *senir*, sine *sexuir*, Gruter pag. 481. 7. Sæpius scribitur I I I I I. VIR, Grut. pag. 45. 8, pag. 426. 4, pag. 428, 429. *Octo* potius VIII quam IIX. signantur in vetustis monumentis. Vide fragmenta Kalendarii apud Grut. pag. 134. *Neuem* plerumque sic scribuntur VIIII. Grut. pag. 317. 6. ANN. VIIII. & 613. 12. V I X I T A N N I S I I I. M. VIIII. D I E B V S I I I, id est *mensibus nouem*.

Decem octo variant in figurarum compositione. Grut. p. 317. 6. D. XVIII id est. *diebus duodeviginti*: quæ forma etiam pag. 190. 7. & 712. 11; & in Kalendariis antiquis est: in alio fragmento Kalendarii, quod supra nominauimus, est XIIX.: & in nummis

Vr-

Vrsini pag. 31. de Familiis, L E G. XIIX., & Grut. pag. 677. n. 5. ANNIS XIIX.

Vnde viginti in nummo Vrsini iam laudato sunt XIX. alibi XVIII. sicut & XXVIII. hoc est *vnde triginta*, Grut. pag. 677. n. 5. & pag. 712. n. 11. XXXVIII. *vnde quadraginta*.

Ipsa *quadraginta* antiqui Romani XXXX. potius quam XL. signabant. Grut. p. 679. ANN. XXXX. & p. 344. 3. & 426. 3. ANNOS XXXXV.

Maiores numeri raro in lapidibus occurrunt; nisi in Fastis magistratum & triumphalibus tabulis. Ibi enim LXXX & XC. cernuntur: & supra centenarium etiam CD *quadringenta*, quæ aliis CCCC notantur. Duilii triumphus actus anno CDXCIII. Aemilii Paulli de Perse, anno DXXCCVI, ut Gruterus pag. 296. edidit. Maiores millenario numeros plerumque Latini suis vocabulis exscribunt: si per notas, multiplicant millenarium, v. g. cIc cIc cIc *tria millia*; $\mu\pi\alpha\iota\varsigma$; nota ccIcc, *decem millia*, eiusque dimidiata figura Icc *quinque millia*: at cccIcc *centum millia*. Quidam millenario præponunt cardinalem, ut III M. *tria millia*, quod in millibus passuum, (quorum notæ sunt M. P.) frequens est in Plinii libris geographicis.

ACCENTVS ET APICES

LATINORVM.

Accentus non pronuntiationis, sed scriptos apices, quos vulgo etiam *accentus* appellant, intelligimus. Videmus enim ita pueros adfueri, ut ablativos casus & aduerbia & alias vocolas, conjunctiones præsertim, apicibus obliquis, aut in acutum angulum con crescentibus, quasi summa Latinitas in iis consistat, imponant. Et quum multi in defendendis

dis iis ad antiquitatem prouocent, de antiquorum apicibus prius disquirendum est; deinde de consuetudine nostrorum temporum.

Puerile olim adminiculum ad enuntiandum erat, longis syllabis apponere apicem, nec vero omnibus, sed dubiis nonnullis, ut cum mora pronuntiarentur. Quintilianus lib. 1. cap. vii. *Orthographiæ ars totam subtilitatem in dubiis habet: ut longis syllabis omnibus apponere apicem ineptissimum est, quia plurimæ naturæ ipsa verbi, quod scribitur, potest: sed interim necessarium, quum eadem littera alium atque alium intellectum, prout correpta vel producta est, facit, ut MALVS, utrum arborem significet, an hominem non bonum, apice distinguitur. PALVS aliud priore syllaba longa, aliud sequenti, significat. Et quum eadem littera nominatio casu brevis, ablatiuo longa est, utrum sequamur, plerumque hac nota monendi sumus. Vides, quam diuersa veteribus Romanis fuerit ratio virgularum vel apicum ab ea, quæ solet hodie in vulgari scriptura esse. pronuntiationi seruiebant, ut longa syllaba, si dubia pueris esset, hac nota distingueretur, ac vbique pronuntiatio iustum tempus & quantitatem syllabarum obseruaret. Sed hæc pueris adhibebantur, quia de puerorum institutione primo libro Quintilianus tractat.: ultra quam ætatem consuetudo hæc non proferebatur, adeo, ut Muretus in Lipsii Dialogo de Pronuntiatione cap. xix. aperte sic illum adloquatur: *Vagare mihi per hanc urbem (Romam) & quare. multa monumenta in utraque lingua, multi lapides: lapis ego si accentu iunculatum istarum unquam apex.* Sed hoc nimis adseueranter. raræ enim admodum visuntur nonnusquam in lapidibus, quod Lipsius etiam illi approbavit.*

Exemplis res agenda est. In vasto infinitarum inscriptionum opere, quas Gruterus collegit, vix duodecim, aut si plures, non tamen multas inue-

D

nies,

nies, quæ eiusmodi notulas aliquas habeant. Dico aliquas. nec enim in singulis verbis sunt, sed in rarioribus, vna forte aut altera earum excepta, sed inepta satis, vbi frequentiores apparent. Vt vero, quæ pueri addidimus, tenacius in hærent, quam vt facile dediscamus; & nobis vel nolentibus etiam subrepunt: ita quoque de his factum est apicibus, vt nonnullis, puto opificibus magis, quam eruditis, hæc consuetudo adhæresceret, vt interdum eiusmodi signa atque notas præter necessitatem supra litteras collocarent. Lipsius exempla, quæ ipse viderat, ostendit PATRONO', CLEMENS, CVRIONE, cetera. Gruterus pag. 304. n. 9. lapidem sic transcripsit KALATORI *sacerdotii Titidlium* FLAVIALIVM STUDIOSO'. Tres hic accentus vox *Kalatori* habet: duo ceteræ. Et pag. 453. *edrum oppidés accépit: & mox, triumphálibus ornámentis bontrauit.* Nec semper longis syllabis adiecti hi apices sunt, sed aliquando etiam breuibus. Pag. 410. 8. FLAVIVS.-SIBI' ET SVIS: & p. 411. 1. TECTORVM OPERVM. In longa inscriptione Pisani cenotaphii, quod Caio Cæsari dicatum fuit, vix quinque aut sex voces habent apices, LVCTV, CASV, MANIBVS, a *manes*: COLONIA' ablatius, IVSSV' in ultima; MAGISTRATVS accusatiuus.

Sed esto discretionis causa apponi *manibus*: quid vero discernunt in *casu*, *luctu*, *iusu*, ibi priori, hic posteriori syllaba? nec opus erat in ceteris, vt casus a primo diuersos signarent, quia præpositiones adiectæ hoc præstiterant, in *colonia*, per *magistratus*. Tantum itaque abest, vt Vossii opinio Pisani monumentis elidatur, quod vir magnus censuit; vt nec ibi rationes omnium reddi posse videamus. Sic autem doctissimus Vossius lib. 11. *Artis Grammat.* cap.

VIII. De Latinis accentibus satis apertum ex lapidibus antiquis. Quo enim vetustiores, eo magis accentuumculis carent. Lapidem aliquot obiectant, ubi reperiuntur: sed imperite adeo sculptos, ut satis liqueat, nullam eorum rationem haberi oportere.

Exemplum suppono, quod confirmet Vossium non inepte iudicasse, ex Gruteri pag. 609. idque minoribus litteris, quia non sufficiunt maiores, transcribemus.

D. M.

M'. Aurelius Augg'. lib'. Secundu's
se viuus fecit sibi et' Caeliae Marcellinae'
coniugi sanctissimae', et' Secundo' fil'
dulcissimo' q'. v'. a. VIIII' m'. III' d'. x'. et'.

libertis

libertatisque posterisque eorum'
in' fr'. p'. xv's in agro ped'. XVIII' et'
ante fronte

lat.

ped'. x'

Quid opus accentibus in cunctis prope ultimis, breuibz æque ac longis? quæ ratio excogitari potest? an tonus semper in eam syllabam reiciendus? inepte. Sic tamen ineptire lapicidis & opificibus libuit. Gemina olim ratio pueris commendabat apices, uti Quintiliano doctore discimus, primum ut attollendam syllabam longam & sonantius exprimendam notarent: deinde ut discernere diuersas eisdem voces litteris. De hoc altero etiam Donatus, cap. de Tonis, pag. 1741. In Latinis numquam acutus accentus in ultima syllaba poni potest, nisi discretionis causa, ut in aduerbio PONE; ideo, ne verbum putetur imperatiui modi: neque circumflexus, nisi in ea particula, quæ est ERGO.

Quantum vero hæc absunt a nostrorum temporum consuetudine, quibus non tono extollendo adhibentur, nec nominibus, aut verbis superscribuntur,

D 2

tur,

tur, sed misera tantum *aduerbia*, & quæ similia aduerbiis videntur, accentu non acuto, sed *gravi* onerantur; *ablatiui* singulares *circumflexo*, vt vocant, qui vero similior duplicato testis est: credo, ne perpluant. Aiunt patroni, differentiarum causa fieri, vt aduerbia a vocatiuis; ablatiui a datiuus distinguantur. Sed heus boni viri! si sit differentiarum causa, cur additis etiam, vbi nullum discrimen faciendum est, neque id vllum locum habet, utpote in *benè*, *sapè*, *sermè*, *visè*, *antè*, *atquè*, *tàm*, *tùm*, *tamèn*, *largitèr*? & cur aduerbia ab vocatiuis tanta religione discriminatis, qui casus sæpe in magnis libris ne semel quidem occurrit? quis puer tam stupidus est, vt si intelligit, quid vocatiui, quid sint aduerbia, non possit statim ex sensu & vsu discernere? Et si discretionis necessitatem vrgetis, cur non discernitis alia discernenda? Ablatiuum per *a* & *e* vultis a datiuo distinguere: cur non idem facitis in plurali, vbi etiam hi casus pares sunt, & ambo in *as* vel *ibus* exeunt? Si potest, & debet ex lege vestra pluralis ablatiuus distingui sine apposita notula, cur non idem casus in singulari liberandus ab onere est? Dicite mihi, si potestis, disparitatem. Innumera sunt, quæ iisdem litteris scripta diuersissima significant, vbi nullam iubetis accentuunculam, quæ dirimat; apponi. Per classes quædam enarrabo:

I. Nomen & Verbum iisdem litteris.

Aqua, *aquas*; *alis*, *alam*; *amari*, *annuo*; *arce*, *arces*; *aue*; *cedes*, *cedis*, *cedi*; *canis*, *canes*; *capite*, *capitis*; *certo*, *certas*, *certa*; *consule*, *consulis*; *cura*; *custodi*, *custodis*; *dicam*, *dicis*; *disci*, *discis*; *domui*; *duci*, *duces*; *eas*, (verb. & pronom.) *facis*, *facies*; *ferri*, *fides*, *formido*; *gesto*, *gestas*; *bonesta*, *bonestas*, *bonestatis*; *indicem*, *indices*; *iudicem*, *iudices*;

dices ; illustrem , illustres ; labores , laudes ; lege , leges , legis ; laudem , laudes ; malo , malis ; militare , militarem ; miseris ; nitor , nobilitas , noui ; nube , nubis ; nuntia , nuntio ; parcam , pateris , pellis , praesides ; probat , proba ; rapis ; rage , regis ; salis , salutare ; scribam , scribas ; fedes , sede ; serva , servo ; serueris (mutato accentu) , sitis , specula ; superas , trabis , velis , veniam , vidua , vigiles , vis ; vita , vires ; vulgare , & permulta alia .

II. Nomen & Nomen iisdem litteris .

Amis , fœdus , fides , fretum , generi , libertas , malus , ius , mari , maribus , mensis , ovis , rei , solum ; specula , (diminutivum a spes , & editior locus) tribus , veris , villis .

III. Verbum & Verbum .

Creuit , excreuit , dico , odo , egerit , fundamus , luxit , eluxit , manet , promeretur , regere , cetera . Et quia verbis participia & gerundia cohærent , huc illorum quædam exempla addimus tam a verbis quam nominibus distinguenda : demens , emenda , emendo , moratus , passus , serui . Sic & impletis , completis participium & verbum sunt .

IV. Accentu pronuntiationis distinguenda .

Cupido , iacere , imperito , liberet , nitere , enitere , indico , oblitus , olere , parere , patere , pendere , prædico , videris , reliqua .

Hæc omnia sine apicibus discernuntur sensu & contractione : cur sola aduerbia & ablativos , aut quam pronomen & adverbium , cum præpositionem & coniunctionem , non possimus sine istis ? Desinant ergo scholarum magistri pueros vexare , verberare , si hos apices , maioris propudii ætatis , & omnino

dediscendos, neglexerint: ad alia potius & meliora suos adfuefaciant, quorum numquam eos pœniteat. Non vetus is mos in aduerbiis est. Olim alia ratio rariorum fuit apicum, vt tradidimus: nec in manu exaratis libris sic aduerbia prægrauantur: neque primi litterarum restitutores agnouerunt, quod in libris, quos ediderunt, perspicimus. Aldus Manutius auus sensim apices admisit: eiecit rursus nepos eiusdem nominis, Pauli filius: & doctissimus quisque sibi semper ab iis quam maxime temperauit. Hoc autem velim omnes de me sentiant, nequaquam mihi constitutum esse, vllum hominem fugillare aut contemnere. Scio enim esse viros graves summeque eruditos, qui consuetudinem, a præceptoribus in pueritia haustam, adhuc sequantur, quorum pace & salua existimatione, quod res esse videatur, liceat mihi libere ac ingenue tradidisse.

SIGNA DISTINCTIONIS.

Prisci Romani maioribus litteris scribes, verba ita continua ponebant, vt discerni vix possent, nisi punctis singula distinguerentur. Ex qua ratione in plerisque inscriptionibus voces singulæ punctis singulis separatæ visuntur, præter finales versuum, vbi veteres nullam distinctionis notam addiderunt. Cessante autem illa contiguæ scriptionis ratione, non opus est tanta multitudine punctorum: cuiusmodi inscriptiones, punctis destitutæ, apud Gruterum sunt pag. 809. num. 2. & 11. & plures apud Sponium in Miscell. Abruptæ autem voces siue breuiatæ omnino punctum requirunt, defectionis indicem.

Nec puncta tantum verbis interposuerunt, sed alia quoque signa, ornatus causa, ac pro lubitu artificum, qui lapides inscripserunt. Sunt enim inscriptiones, quæ distinguuntur semicircellorum figuris,

vt Gruter. pag. 339. 3. Q, RAPIDIO, Q, F, ---
 LVDI, CIRCEN, cetera. Aliquando figura
 r interiecta. Pag. 493. 3. PROV, AFRICAE
 r ET, V, S, r IVDICANTI, reliqua.
 Etiam glandium forma ¶ interstrata, vt ibidem
 num. 3. -- Ø PROVINCIA ¶ PRAEF ¶
 ALAE ¶ reliqua. Et pag. 591. n. 7. instar ↓
 loco punctorum est :

D ↓ M ↓
 P ↓ AELIO ↓ VITALI
 AVG ↓ LIB ↓ TABVL cetera.

Sed hæc rariora ; vt plurimum punctis simplicibus
 intercisum propter vocum continuitatem : qua ces-
 sante, vt apud nos fit, illa quoque negliguntur.

Diacritica puncta grammaticis dicta, quæ dissolu-
 tionis syllabæ aut diphthongi imponuntur, vt *soluis*
 trisyllabum, pro *soluit* : *suasit*, & similia ; quam
 d.æresin ac dialysin etiam appellant. Qui minore
 scriptiois forma diphthongos æe, oe distincte scri-
 bunt, quoties litteræ illæ separatim legendæ sunt,
 punctis diacriticis significant, vt *æris*, *æros* : nam
æris his est χαλκῖ. Qui tantum ex maiori scriptu-
 ra Æ eiiciunt, quoties in principio periodi aut ver-
 sus id ponendum est, simpliciter scribunt *Ære*,
 χαλκῷ : si vero *æres* significandum, *Ære* vel *Æri*.
 Duo puncta etiam litteræ i imponuntur, quando
 consona resoluitur in vocalem & vox crescit syllaba,
 vt *Caius* trisyllabum.

Grammatici postea, quam desit Latinitas vulga-
 ris esse, quæ olim simplicia erant, aut aliter dispo-
 sita, in eum ordinem redegerunt & formam, quæ
 adhuc hodie vsitata sunt. Veterum distinctiones Ery-
 cius Puteanus in Facula cap. xi. seq. exposuit : rem
 ipsam Seneca tangit epist. xxx. In *Græcis*, inquit,
hanc licentiam tuleris : nos etiam quum scribimus, in-

interpungere consuevimus. quæ Cicero lib. 111. de Oratore cap. XLVI. *interpuncta verborum* vocat. Lipsius de notis post singula verba positis interpretatur. Maiores vero minoresque in versu & periodo distinctiones, saltem in puerorum vsum, ex loco & situ punctorum discriminabant. Diomēdes lib. 11. cap. de Discretionem pag. 432. *Distinctio est, apposto puncto, nota finiti sensus, vel pendentis mora, quod locis ponitur tribus: SVMMO, quum sensum terminat, & vocatur Finalis a nobis, à Græcis τελεία: MEDIO, quum respirandi spatium legenti dat, & dicitur Media: IMO, quum lectionis tenorem, adhuc aliud inlatura, suspendit, & vocatur a Græcis ὑπὸ σιγῇ, a nostris Subdistinctio.*

Hæc antiquiora posteriores grammatici, vt diximus, immutarunt, adhibitis signis aliis & loco alio, plurimum vero *imo* positis: quorum rationem interpungendi quum accurate Aldus Manutius P. F. exposuerit, eius verba hic legisse, credo, non pœnitebit. *Minima*, inquit, *est distinctio auersus semicirculus, qui hoc modo (,) designatur, quam alii Virgulam, alii Comma, nonnulli Semipunctum (addo incisum, ex Cic. Oratore c. LXII.) appellant.*

Eadem nota si cum unico puncto coniungatur, vt sit hæc (;), aliter vsurpatur. modo enim distinguit contraria nomina hoc modo, publica, priuata; sacra, profana; tua, aliena; interdum etiam locum habet in iis locis, ubi sententia ita variatur verbis, vt si semicirculum apponas, parum sit, si gemina puncta, nimium. (vnde etiam Semicolon vocari consuevit.) Inter omnes notas hanc, de qua nunc agimus, esse omnium difficillimam intelligo. (Inepte semicolo hodie vtuntur typographi, quum que coniunctionem breuiaturi q; q; componunt: qui rectius, & ad antiquum morem, simplex punctum ad q. adicerent. Grut. pag. 591.

P.O.

POSTERISQ. EORVM. Reinesius p. 675.
FINISQ. AB ORIGINE.)

Sequitur geminatio puncti: cuius ea vis est, ut quasi medium locum obtineat inter punctum semicirculo iunctum, & unicum punctum. Omnino autem usurpatur, quum sententia vel duas, vel plures habet partes; quæ suis singula verbis reguntur, per se consistunt, absolutaque sunt: ut, quemadmodum ex integris membris fit integrum corpus, item ex integris partibus sententia consistat universa. (Duo puncta hæc vocamus Colon, quia κόλῳ, integri membri in periodo, signum sunt.)

Restat unicum punctum, quo sententia concluditur ac terminatur. nec difficilem cognitionem habet. quamquam, ubi concisa sententia est, & concisa item altera subsequitur, gemino puncto ego quidem utor libentius, quam unico. ut in hoc exemplo: Hospitium mihi para: cras enim adero.

INTERROGANDI nota quum sibi locum postulet, verbum ipsum significat. In dolore autem, & in admiratione, si quis unico puncto, non interrogandi nota, utetur, meo iudicio recte faciet. ut in hoc exemplo: Quantas utilitates humano generi philosophia peperit. Interdum, licet manifesta interrogatio sit, interrogandi tamen nota non utimur, ut quum sententia eo usque producit, ut illa interrogandi vis, quæ primis verbis agnoscebatur, longiore paulatim spatio diminuta, evanescat.

(Signum exclamandi (!) post exclamaciones ponitur, ut O tempora, o mores! & Heu, me miserum!)

PARENTHESI includi oportet ea, quæ nec sententiæ partes sunt, nec ab ullo aut antecedente aut subsequente verbo reguntur: nec, si absint, detrimenti quidquam patitur sententia. Hactenus Manutius.

Distinctio etiam notetur inter () parentheses, & [] uncas siue uncinos. Illarum usum iam Manutius ex-

posuit : hi sunt in textu notæ criticæ , quæ suspectum verbum aut sententiam significant , quasi a mala manu in auctoris textum , imperite sæpe ineptique , intrusam . Etiam [] utimur , quum nostra verba alterius orationi interferimus , aut aliud quidpiam separamus .

MAIORES LITTERAE IN MINORE SCRIPTURA.

Quod plerumque hodie utimur minore scriptura , nec illa ita sola , aut pura , ut non maiores etiam litteras admisceamus ; quæri potest , quando , quo loco , & quoties liceat maiusculas admiscere . Peccant enim aut inepte agunt , qui indifferenter , aut nimis crebro , initio vocum maiores adhibent . In maiori scriptura olim non opus hac quæstione erat , quia vniformes erant litteræ , quibus propria , communia ; prima , media ; honorata , inhonora scribebantur . Postquam vero minuscula illa & quasi semibarbara scribendi ratio adsumta fuit , non tamen plane maioribus litteris abstinerunt ; at principio maioris cuiusdam sensus , seu tractationis , ita applicuere , ut prima littera primæ vocis ex iis maiuscula esset : deinde nomina propria virorum , feminarumque , & locorum , ab iis inchoabant : tandem eas principio singulorum in carmine versuum quidam , post plures , ac fere omnes posuerunt . Sic fere in manuscriptis libris : sic in olim excusis est : nostra autem ætate , aut paullo ante , adiecta *honoris* , ut aiunt , vocabula , imperator , rex , princeps , consul , prætor , rector , tribunus , dux , magister , & his similia : & ipsum vocabulum *dominus* , etiam quum possessorem sonat , religioni sibi ducunt aliter , ac *Dominus* , maiore initiali , scribere , v. g.

agri

agri Dominus, adium Dominus, quod ineptum est. Nolo cuiquam honorem detractum suum, quamlibet exiguum, qui ab vna littera est; recte tamen litteras adhiberi velim. In historico contextu scribo veteri more, *rex Darius, Scipio consul*, cetera; si vero scribendum de iis est aut ad eos, quibuscum versamur, quos reveremur; potest aliquid multorum opinioni, aut superstitioni tribui, praesertim, si certi non sumus, edoctos illos in antiqua scribendi ratione esse. Malim autem, si honor in eo praestandus est, vocabula integra REX, PRINCEPS, cetera, maioribus litteris effingere, quam maiores minoribus commiscere. Quod etiam de pronominiibus notandum est, quæ in adlocutionibus hodie, ut cum primis in epistolis sit, *Tuus, Tibi, Te* scribantur: id quod promiscue non est adfectandum. Si summis viris ac principibus scribimus, detur aliquid consuetudini, utcumque recentiori: si mediocribus, malim veterem scribendi modum imitari. Vbi etiam honoris causa maiores litteras pronominiibus adhibere placet, praestat integras iis voces exscribere, quam diuersa genera permiscere: hoc est, *TE, TIBI, TVA* scribere, quam *Te, Tibi, Tus*.

An vero semper, finita periodo, & puncto intermissione facta, maiore littera periodus noua incipienda sit, laudati Manutii sententia definimus. Post unicum punctum, inquit, si sequatur sententia superiori non dissimilis, primum verbum littera minuscula incipio; si vero dissimilis, maiuscula. Quod si non solum dissimilis sententia, sed omnino dissimile sequatur argumentum, tunc ea, quæ sequuntur, non solum unico puncto & littera maiuscula, sed etiam aliquo intervallo seiungenda sunt.

DIVISIO IN FINE VERSVS.

Sæpe accidit, vt vocem vltimam versus, quem vulgo lineam vocant, non capiat, vt propterea diuidenda sit, & pars reicienda in versum insequentem. Nostri hodie signum diuisionis - apponunt, transuersam lineolam, quæ indicet sequentia adnectenda in legendo esse: & quum scribunt, multi Teutonicæ scripturæ signum - etiam Latinis adhibent. In antiquis monumentis nulla huius generis signa in diuidendo apparent, quia veteres nec post integram vocem, in fine incidebant. Sæpe etiam inscite diuisum in lapidibus est. v. g. Grut. pag. 40. n. 2. diphthongus A E dirimitur, P R A scripto in fine prioris versus; E F. principio insequentis, vt præfatus significetur: & pag. 46. n. 11. duplex eadem littera in principio versus posterioris, partem diuisi verbi tenentis, sic posita

REIP. ARU
CCITANAE

id quod opificum inscitia, non vniuersali consuetudini,tribuendum est. Doctiores enim in his quoque industrii & curiosi erant. Quintilianus lib. 1. c. vii. *Est etiam in diuidendis verbis observatio, mediam litteram consonantem priori, an sequenti syllabæ adiungas. ARVSPEX enim, quia pars eius posterior a spectando est, S litteram tertie dabit; ABSTEMIVS, quia ex abstinentia temeti composita vox est, prima relinquetur. Ad originem ergo & deriuationem diuidentes ablegat, nec præuerbia compositorum licet dirimere, sed diuidendum, si opus est, ab-igo, ad-eo, ad-oro, os-tendo, dis-cutio, sus-cipio, sus-tineo, pan-insula, et-iam, neg-otium, prof-odia, pot-*

pot-est, *vel-ut*, *prod-it* a prodeo; *pro-dit* a prodo; nam epenthesi D in compositis ad priorem partem pertinet, cui euphoniæ causa adicitur, ut *prod-eo*, *red-eo*, *red-amo*. Dubia sunt *cognosco*, *ignosco*, *agnosco*. Si enim a *gnosco* Cæcilius sunt, g ab n non potest diuelli: sin a *nosco*, g ad mutatam præpositionem pertinet. Cicero sane in Oratore c. XLVII. *ignotus* ab *in* & *notus*; & *ignauus* ab *in* & *naus* deduxit. Ceterum si duæ consonantes in medio concurrunt, diuiduntur tantum eæ, quæ ab initio verbi nequeunt pronuntiari; non autem, a quibus verba tam Græca quam Latina incipiunt. v. g. diuiduntur in *car-po*, *or-bis*, *ar-tis*, *cam-pus*, *mil-le*, *an-pus*, *an-te*, *ul-timus*: coniunctæ manent in *a-flus*, *ca-pius*, *o-mnis*, *o-mnis*, *la-psus*, *le-ctus*; *pro-pter*, *sci-fi-sma*, *magi-ster*, cetera. ab his eodem incipiunt vocabula *Crespho*n, *Ptolemaus*, *Mnemio*n, *psal-lo*, *Smyrna*, *stare*. Si tres consonantes in medio concurrunt, ratio est eadem, ideoque Cæsellius apud Casiodorum pag. 2316. *plo-strum*, *lu-strant*, *campe-stre*, per syllabas disiungi censet. At vero tam in Claudii oratione apud Grut. p. 502. quam Lucii Cæsaris cenotaphio diuiditur *MAGIS-TRATVS*: vnde grammaticorum de tribus consonantibus regulam non attigisse ætatem illam, sæpe laudatus censet Norisius.

NOTAE, SEV BREVIATA SCRIPTVRA.

De notis hic agere non est nostri instituti, nec illæ tam ad orthographiam pertinent, quam ad lectionem, aliam grammaticæ artis partem. Tantum de paucis, nostro æuo maxime tritis, aliquid adferemus. Vulgare, non autem antiquum, neque Latinum est, virorum propriis nominibus vocabulum

De-

De-

Dominus honoris causa præmittere, quod hac nota DN. seu Dn. plurimi solent scribere. At medio ævo D. N. puncto interposito, valebat *dominus noster*, aut si plures, D. D. N. N. *domini nostri*, & augustorum nominibus tantummodo præmittebatur, uti ex innumeris inscriptionibus constat. Rectius plene scripseris, si scribendum est; aut D. simpliciter ponas, ut aliæ gentes faciunt. Si times, ne cum *Dominis* nota confundatur, veterum consuetudini magis DOM. quam DN. accedet.

Deinde abrumpendi formula & *cetera*, contrahitur sic &c. siue &c. Trita hodie forma, antiquis prorsus ignota: qui rem varie eloquuntur & circumscribunt: nec non ipsam *cetera* aliquot membris recensitis subdunt Lucretius lib. vi. vers. 85. & Cicero Top. cap. vii. Vtrobique recentiores & *cetera* ediderunt, quod improbant Ob. Gifanius, Dan. Pareus, & Aug. Buchnerus: elegantius censentes *cetera* sine coniunctione, quam & *cetera*. Hinc iudicari de nota hac augendo honori duplicata, &c. &c. ac triplicata &c. &c. &c. potest, quæ hodie singularis reuerentiæ signum habetur. Plene exscribe, plene pronuntia, & intelliges quam parum apto sensu hæc fiat multiplicatio. Idem quod *cetera*, in abrumpendi usu fuit *religiosa*. Capitolinus in Gordiano cap. v. partem refert epistolæ imperatoris Alexandri ad senatum, quæ recitata, abscissis ceteris, quæ sequebantur, subiunxit & *religiosa*.

PARS POSTERIOR,

QVAE EST

VOCVM SINGVLARIVM

ORTHOGRAFIA.

A Præpositio sine accentu, more antiquo: neque etiam accentu ab ullo alio discernitur.

ADFATIM & *affatim* scribitur: sed qui prænervium *ad* in ceteris ante *F* servant, iis prius placet: cum quibus & nos sentimus. Festus, *adfatim*: etiam Lipsius de Pronuntiat. cap. *xxi.* Agrocæus ab *adfasu* ducit: sed repugnat brevis quantitas, a Nanianno poeta defensa apud Gell. lib. *vii.* cap. *vii.* quamquam is veram eius rationem ignoravit. nam a *fatim* est, veteri voce, quæ sonuit *abundanter*; unde *fatisco*, abundanter aperiore: inde *adfatim* siue *affatim*. Sic Servius docet ad illud Virgilii *Aen.* *i.* vers. *123.*

-- rimisque fatiscunt.

ADOLESCENS per *O* auctoritate Festi in *Suboles*, quia ab *oleſco*, id est *cresco*. Lapidæ quidam & libri *adulescens*. Spon. Misc. pag. *129.* e medio ævo inscriptione *ADVLESCENTIAE*. Sed Manutius etiam ad lapides provocat, qui *O* habeant:

ADSIDVVS & *Affidus* pari stant auctoritate & utraque magna. Cicero *Top.* cap. *2.* *Locuplet est affidus*, ut ait *Aelius*, appellatus ab *are dando*. ære, id est *asse*. Gellius *xvi.* cap. *x.* *Affidus* in duodecim tabulis pro *locuplete* & facile facienti, dictus, aut ab *affibus*, id est *are dando*, quum id tempora reipublicæ postularent: aut a muneris pro familiari copia facienti
affi-

assiduitate. Vtrumque explicat Sospater lib. 1. pag. 38. *Adsiduus* quidam per D scribunt, quasi sit a sedendo figuratum, sed errant. Nam quum a Servio Tullio populus in quinque classes esset diuisus, ut tributum, prout quisque possideret, inferret; ditiores, qui asses dabant, *assidui* dicti sunt, (quasi qui asses diuint :) & quoniam soli in negotiis publicis frequentes aderant, eos qui frequentes assunt, *assiduos* ab *assibus* dixerunt. Inscriptio sub Antoninis Grut. pag. 163. 8. **ASSIDVIS FLVCTIBVS**. Contra Festus, *Adsiduus* dicitur, quia in ea re, quam frequenter agit, quasi confedisse videatur. hic ergo ab *adsidendo* ducit, ut a *residendo* *residuus*. Varro lib. vi. cap. v. *qui adest, adsiduus*. Ergo ab *adsum*. Atque his displicuit opinio de *assibus*: quæ aliquid fabulæ de Servio habere videtur. Nec Cicero ex mente sua, sed Aelii locutus est: Gellius dubitanter aut, aut. Accedit, quod Romæ marmorea tabella legitur (Grut. 950. pag. 8.) **ADSIDVE DEFLEET**. De pronuntiatione per *ss* minus dubitatur: scriptura fuit ambigua.

ADSVM dico, quia S ante se ad præpositionem ferre posse, supra probauimus. Nec Plautinus iocus Pænulo a. 1. sc. 2. 67. quo dicenti *assum apud te eccum*, alius respondet; *ego elixus sis volo*, nos mouet: nam plebeia pronuntiatio, non doctorum scriptura, ex eo probatur.

ÆGÆVM mare, vtrunque diphthongo prima: quia Græce est τὸ Αἰγαῖον πέραγος.

ÆMILIVS Latino I, non Græco Y, in secunda, nummi & lapides. Vide Vrsin. pag. 11. & Grut. pag. 33. 36.

ÆR'IVS, *Æreus*. Tritum posterius: MSS. & castigatiores libri *aerius*. Lucretius lib. 1. vers. 12. *Æria volucres*. Et Virgilius Georg. 111. vers. 474.

-- -- *aerias Alpes* & *Norica si quis*

Ca-

Castella in tumulis, cetera.

AETHERIVS, non *ethereus*, Manutius ex Virgilii vetustissimo codice, quem a suo possessore sæpe Carpenssem vocat.

AFRICA, *Africanus*, *Afer*, per *f* non *ph*; nummi & lapides: ut ut Græcis posterioribus (nam veteribus *Αἴθρα*) est *Ἀἴρος*, *Ἀἴριν*. Vide Pæanium, Eutropii metaphrastam, lib. 11. in bello Punico 11.

AGNATIVS, **AGNOSCO**. De his supra pag. 29. disputauimus: & de simili verbo *cognosco* pag. 33. Nondum dubitare desino de *gnascor*, *gnasco*, unde ducunt illa, littera *d* præuerbii extrusa. Nam *agnomen* est *adnomen*, quod ita coniunctim scriptum Salmastius Capitolino vindicauit in Vero cap. 111: quem admodum idem auctor eodemque principe cap. VII. in præstantissimo Palatino cod. *adnosceret* scripsit. Glossæ nomicæ: *ἀδνατος*, *ἀνέπιος*, *συγγενής*.

AHENOBARBUS, non diphthongo *Aenobarbus*, nummi gentis Domitiæ, & lapides Capitolini. vide *Manut.* In Ancyrano, serie 1, cum biuocali **AHAENEIS PILIS**.

ALAMANNA & *Alemannia*: sed prius in libris frequentius: at plures nummi **ALEMANNIA**, quod ideo præfert illustris Spanhemius pag. 750. Cum *A* in vno nummo aureo, quem Nic. Heinſius exponit ad Claudiani 1v. cons. Honor. v. 446. Inscriptio Grut. pag. 160. titulos Valentiniani, Valentis & Gratiani refert: in singulorum cognomentis **ALAMANN**. Et pag. 159. 7. de Gratiano: **GERMAN. MAX. ALAMANUS MAX.** per *A* & simplex *N*.

ALLIA fluuius Romana clade nobilitatus. Seruius ad illud Aeneid. VII. vers. 717. *infaustum interluit Allia nomen*; dicit nomen *Allia* esse, a poeta metri causa duplicatam litteram. Iuuat Plutarchus

E

in

in Camillo pag. 137. *παρὰ τὸν Αἰλίαν ποταμὸν*. Hos duces sequuntur Manutius, Sigonius, Dausquius. At duplex L in aliis omnium libris Varronis, Ciceronis, Liuii, Taciti, Suetonii, Macrobbi: neque credibile est, hos omnes potuisse corrumpi. Accedit incorruptum testimonium Caiiani, quod Pisis est, cenotaphii, quo PRO ALLIENSI diem VIII. K. MARTIAS, quo obierat Caius Caesar, habendam esse decernitur.

ALEXANDREA, *Alexandria*, Græce *Ἀλεξάνδρεια*. Urbium autem nomina proparoxytona, in ea exeuntia, dubium accentum apud Latinos habent, prout in ea vel ia cadunt. Quædam constantius E longum habent, vt *Laodicea*, *Heraclea*, *Apamea*, *Cassandra*: quædam plerumque per ia scribuntur, vt *Seleucia*, *Nicomedia*, *Philadelpbia*, *Sebastia*: quædam ambigua, *Alexandria* & *Alexandrea*; *Antiochia* & *Antiochea*; *Cæsaria* & *Cæsarea*, cetera: quia ei nunc I nunc E pronuntiatur. Horatius lib. 1111. od. 11111. *Alexandrea* scripsit, arrecta pænultima: in nummis Latinis autem ALEXANDRIA; vt etiam Plinius, & plerumque alii. *Antiochia* in antiquis codd. Epistolarum Ciceronis; quod Fuluius Ursinus ad lib. 11. epist. x. (al. 1x.) tuetur, etiam ex nummi epigraphe GENIO ANTIOCHEAE. Plurimis nummis est COL. CAESAREA, tam vtriusque in Palæstina, quam eius, quæ erat in Mauretania. Sic etiam de *Amaseia*, *Antigoneia*, *Pharnaceia*, *Rapheia* iudicandum est.

ALVCINARI, sine H, & L simplici, Festus, & Cloatius Verus apud Gellium lib. xvi. cap. xii. scribunt, quasi a *luce aberrare*, vt Manutius cum Pantagatho interpretatur. Recentiores quidam malunt *allucinari*, siue *adlucinari*, quasi offendere ad lucem, eiusque claritate præstringi. Sed malim cum Festo

Festo facere & Cloatio. Veteres aliquando adspirationem præfixerunt, vt idem Gellius lib. 11. cap. 111. refert: sed addiderunt etiam (quæ ibi exempla coniungit) ad *bonera*, *bonustum*, quæ nemo imitatur.

AMOENVS per æ in lapidibus, quibus proprium *Amænus* & *Amæna* sunt. Grut. pag. 788. *AMOENVS*, & pag. 854. *AELIA L. F. AMOENNA*. Addit Manutius vetustos codices Virgilii,

ANCORA sine adspiratione, quia est ἀγκυρα Græce. Seruius quidem ad Aeneid. 1. vers. 169. mirabundus: *Hoc nomen quum in Græco, unde originem ducit, adspirationem non habeat, in Latino adspiratur: quod est contrarium. nam magis Græcorum est adspiratio.* At Marius Victorinus pag. 2466. componit, vt paria in hoc genere, *corona*, *ancora*, *sepulcrum*.

ANNVLVS *anulus*. Qui altius videntur sapere, scribunt *anulus*, vno N, Manutius, Lipsius, Scaliger ad Varronem: quia sit ab *anus*, quod circulum & podicem, perinde vt δακτυλίος Græcis, significet: quæ parum decora originitio est. Varro LL. lib. v. post initium: *Tempus a bruma ad brumam, dum sol vedit, vocatur annus; quod, vt paruuli circuli annuli, sic magni dicebantur anni.* Vt autem *annus* N duplici scribitur, ita etiam *annulus* ἄνωκος-σινόν. Mollius sonat, fateor, *anulus*: inde forsitan illa, quam Manutius vrget, *antiqua consuetudo*, quæ in libris obseruatur.

APVD. Quidam per T scribunt ad antiquitatem prouocantes. Est sane in veteri lapide (Grut. pag. 443.) *APVTNOS*: & ex Hadriani sæculo pag. 478. *APVT MAXIMUM PRINC.* tamen Augusti ætate cenographio Lucii Cæsaris scriptum *APVD EAM ARAM*. Velius Longus pag. 2231. *Non dubitatur, quin APVD per D*

scribi debeat, quoniam nulla prepositio T littera finitur. Hæc ergo consuetudo obtinuit.

AP P V L E I V S, *Apuleius*, viri nomen, frequenter duplicata littera, quam simplice, in inscriptionibus apparet: quæ *Apulia* quidem, unde est, *P* simplici; poetæ vero etiam geminato scriptum tenent.

A R C E S S O, non *accerſo*. Grammatici quidem inter utrumque distinguunt, *Sosipater* lib. 111. & *Diomedes* lib. 1. quod illud sit accusare; hoc euocare. Sed nihil valet hæc distinctio. Est enim ab antiquo *arcio*, pro quo, ut *Priscianus* lib. 1. pag. 559. notat, *accio*, ab *ad* & *cio*, (*d* in *r* olim mutato) postea dixerunt: quod approbat *Lipsius* in *Orthographia*.

A R E N A sine *H*. *Seruius* ad illud *Aeneid.* 1. vers. 172.

-- -- *potiuntur Troes arena;*

*Quæritur, inquit, habeat, nec ne, nomen hoc adspirationem. Et Varro sic diffinit: Si ab ariditate dicitur, non habet; si ab hærendo, ut in fabricis videmus, habet. melior tamen est superior etymologia. Eadem *Carisius* lib. 1. pag. 80. sed epicrissi, gratius tamen cum adspiratione, dissentit a *Seruiio Mauro*. *Manutius* etiam *harena*, persuasus præterea vetusta inscriptione **CALCE HARENATO**.*

A R R I V S familiæ Romanæ nomen, *R* gemino, in nummis & lapidibus: *Arius*, *R* simplici, nomen hæresiarchæ, cuius media producta est, quia Græce scribitur Ἀρειος, ut *Darius* ex Δάρειος. Unde & *Arens*, *Quintilianus* 111. cap. 1. scripsit.

A R T V S, angustus, non *artus* placet eruditis. Sic *Priscianus* scripsit & *artus* & *artare* verbum lib. VI; & *Valer. Probus* pag. 1474. *artus* angustus, & *artus* membra sola flexione & casu, non scriptura, discernit. Dicis, ab *arceo* esse vel *arcio*. Esto: ut vero ex *factus* fit *fortis*: sic etiam *artus* ab *artus*.

A S-

ASPORTO, quasi *absporto*, excluso **B**, secundum Priscianum lib. 11. pag. 571. In aliis manet, ut *abscedo*, *absterreo*.

ATQVE coniunctio. In lapidibus sæpe legitur *Adque*. Vide inscriptiones Grut. & Sponii, etiam vetustos Virgilii codices. Mollius visum *adque*, nec alienum ab originis significatione. Nihilominus prævaluit *atque*, & Augusti ævo utrumque in usu erat. Cenotaphio enim Caii Cæsaris est **ATQVE**; Lucii **ADQVE**. Lapidēs plerique sunt posterioris ævi: Gruterus tamen etiam vetustum indicat pag. 96. 7. in quo est **PRO HOC ADQVE ALIEIS**. Tandem id exolevit, & *atque* vbiuis stabilitum.

ATTIVS poeta: & *Attius*, familiæ nomen, diuersæ ab *Acciis*: ut *Attius* augur apud Liniū. Sic Manutius ex libris & lapidibus.

AVCTOR, *auctoritas*, per **CT**. Sosipater Carisus lib. 1. pag. 30. *Auctor* propterea dicitur, quod *augeret & generaret*. Sic meliori ætate scriptum. Cenotaphio Caii Cæsaris: **PUBLICA AVCTORITATE**; & mox, **AVCTORIBVSQVE IIS**. Et oratione Claudii imperatoris apud Grut. pag. 502. **HOC INTER AVTORES DISCREPAT**. Et nummus Commodi ex VIII. imperii anno, non **AVTOR**, ut Vaillant in Aeneis pag. 92. refert, sed ut Occo & Mediobarbus pag. 254. **AVTOR PIET.** quod in alio eiusdem anni nummo argenteo ipse Vaillant pag. 88. **AVCT. PIET.** transcripsit. & Mediceo Virgilii codice lib. VI. v. 650.

-- & *Troia Dardanus auctor*.

Putida ergo *author*, *authoritas*, quia nullus hic locus est litteræ **S**, *tb*: tolerabiliora *autor*, *autoritas*, quia in Notis Valerii Probi, medio ævo grammatici, **AVT.** vel **AVTR.** vel **AVC.** explicatur *autoritas*.

BACCA, *Baca*. Petrus Victorius auctor est, in Ciceronis vetustissimis libris *baca* uno *c* scriptum esse: quam scripturam Nic. Heinsius in Prudentii præfation. Psychom. vers. 33. vocat *veram orthographiam*, etiam in Prudentii vetustioribus libris obseruatam. Nihilominus plerique *bacca* scribunt eduntque.

BALINEVM, contracte *Balneum*: utrumque iustum & Latinum. Sospater pag. 76. *Balneum veteres dixerunt siue balineum*; utrumque etiam in lapidibus reperitur, ut Manutius probauit, & ex Gruteri indice Aedificiorum clarum est.

BALLISTA verius scribitur quam *Balista*, quia a βάλλειν. Glossa vetus: καταπέλτης, *ballistra*, *ballista*. nam illo æuo etiam *ballistra* dixerunt. Inuenitur tamen etiam L. vno scriptum. Spon. Misc. pag. 66. COLLEG. BALISTARIOR.

BELLVA, non *belua*, quia *bellum* Festus a *belluis* ducit; aut potius *bellua* a *bello*. nomen trahit, hoc ex duello, ut Quintilianus tradit lib. 1. cap. v.

BENEVOLVS, *benevolentia*. Lipsius contendit *beniuolus* scribendum esse, & id suadent etiam quidam grammatici veteres. Eutyches pag. 2152. *A volo, vis, beniuolus, maliuolus, & malificus*. Sane & lapis, Grut. pag. 443. habet **BENIVO- LENTIAE**, & alius pag. 651. **BENIVO- LENTIBVS**. At quia in compositis aliis *bene* cum *E* retinemus, *beneficium*, *benedico*; videtur omnino consuetudo adhuc recepta contra paucorum dissenfum retinenda esse.

BRACHIVM, uno *c*, quia ex Græco βραχίον. At Manutius auctoritate Carpenfis Virgilii *brachia*: ut videatur *c* producendæ syllabæ adiecta esse, quia prima Græcæ vocis correpta est. Sed paucos imitatores habet: fere omnes *brachia* scribunt, producta quamuis prima sit.

BRVN-

BRVNDISIVM, non *Brundisium*, Italiæ op-
pidum & portus. Libri & lapides testes.

BVCCINA, *Bucina*. Prius vulgatum est, e-
tiam Pompeii Festi. Manutius autem tuetur poste-
rius ex Virgilio Carpenſi, & Iſidori Origin. xviii.
cap. 1111. qui *Bucina*, inquit, *diſta a voce, quaſi Vo-*
cina. Non omnibus grata hæc etymologia: alique a
Buxin deriuant. Varro lib. v. cap. vii. extr. a vocis
ſimilitudine, (id eſt, a ſono *bov bu*) & *cano* dedu-
cit, quaſi *bu-cina*, *bu-cinator*, licet in libris, quos
habemus, etiam Scaligeri, editum ſit *buccinator*.

CAECINA per æ & ſimplex n, non *Cecinna*;
familie Romanæ nomen. Libri docent & lapides.
Grut. p. 116. 5. C. CAECINA LARGVS.

CAECVS item per æ, non œ, oculis captus.
Veteri tabula apud Grut. pag. 291. CENS. AP.
CLAVDIVS C. F. AP. N. CAECVS.
is de quo Liuius ix. cap. xxix. Feſtus *cacum val-*
lum, occultam munionem, etiam diphthongo pri-
ma ſcripſit.

CAELEBS, Feſtus, *Calibem dictum exiſtimant*,
quod dignam calo vitam agat. quæ licet non certa ſit
derivatio; tamen veterem ſcribendi modum oſten-
dit. Ex veteri tabella Manutius in *dumtaxat*, &
Gruterus pag. 574. 6. SI QVI CAELIBES
ESSENT. In ſimili tamen tabellæ fragmento
pag. 575. 1. legitur COELIBES, diphthongo
alia: vt nec hæc ſcriptura damnanda ſit. Manu-
tius autem facit cum priore.

CAELO, *calare*, ſculpere, cum æ, libri vete-
res & lapides. Romano lapide, quem Manutius vi-
dit, CAELATOR & CAELATVRA.

CAELVM per æ malunt eruditi, quam *calum*.
Aelius Gallus apud Varronem lib. iv. *calum* dictum
ita tradit, *quod eſt calatum*. Sic etiam Iſidorus lib.

xviii. cap. iv. Gruterus pag. 50. 6. CAELO-
QVE : & p. 41. DIANAЕ CAELESTI.
Et sic pag. 54. *caelesti Mercurio* : pag. 59. *Veneri caele-*
sti : & de Seuero pag. 266. *caelesti eius indulgentia* .
Spon. pag. 93. *Bonae deae caelesti* . Festus *caelestia augu-*
ria scripsit : addit Manutius Virgilium Carpenssem .
Nec vero vulgaris scriptura per α destituta est ratio-
nibus, quia a καὶλος, *cauus* deducit, quod pro-
babile Varroni dicto loco videtur . Grut. pag. 115.
omnibus COELESTIBVS consentientibus : pag.
180. 3. AQVARVM COELESTIVM .

CAENVM pro limo Manutius per æ, quod sic
libri veteres & Virgilius Carpenssis. Vulgo *cœnum*,
quasi a κοινὸν *commune*, & *pollutum*, nisi ex sacris
nostris significatio altera petita est.

CAERIMONIA per æ & i Manutius ex la-
pide, Domitiano a Titi sodalibus dicato, quo ille
vocatur *conseruator CAERIMONIARVM*
publicarum. Diphthongus certa, quia a Cære, Etru-
riæ oppido, nomen, quo, vrbe a Gallis capta, Ro-
manorum sacra perneſta fuerant. Inde, ait Val.
Maximus lib. 1. cap. 1. *inſtitutum eſt, ſacra caerimo-*
nias vocari. Gruterus, qui eundem lapidem trans-
ſcripſit pag. 270. *ceremonia*, vocali ſecunda refert :
ſed maior fides αὐρόπῃς Manutii. Et Giſbertus Cu-
perus, vir ſummus, ineditam inſcriptionem hanc
pro ſingulari beneuolentia communicavit nobiſcum :
Q. FLAVIVS Q. F. SVC. HERCVLA-
NVS AVGV R MAGISTER CAERI-
MONIAR. SACR. FAC.

CAERVLEVS & *cerulus* diphthongo prima Gru-
ter. pag. 176. *ex fontibus qui vocabantur CAERV-*
LEVS & Curtius : & mox, *aquas Curtiam & CA E-*
R VLEAM perducas a divo Claudio. Et Lucii Cæ-
ſaris cenotaphio INFVLIS CAERVVLIS.

CAE-

CAESAREA, *Cæsaria* : vide supra *Alexandrea*. Addo pauca : *Cæsarea* est ex *Καίσαρεια*, quod in libris est, & in nummis variis apud Harduinum de Nummis antiq. Pop. & Urb. pag. 110. seq. Græcis, Latinis legi *ΚΑΙΣΑΡΕΙΑ* & **CAESAREA**. Tamen *Cæsaria* ex aliis nummis defendi quoque potest, apud eundem de Num. Herodiadum pag. 7. inscriptis, *ΚΑΙΣΑΡΙΑ ΣΕΒΑΣΤΗ, ΜΗΤΡΟΠΟΛΙΣ ΚΑΙΣΑΡΙΑΣ*.

* A nomine *Cæsar* etiam *Cæsareus* in libris scribitur, ut *Cæsarea domus*, Ouid. 1. Trist. 1. v. 70. *Cæsareum templum*, Prudent. 1. Symmach. vers. 250 : at fragmento apud Grut. pag. 41. **CAESARIVS** : & *Cæsarianus* apud ipsum Cæsarem de Bello ciuili sæpe.

CAESPES, *Cespes*. Festus a *cedo* : quasi terra in modum lateris *cesa*. Itaque potior diphthongus est.

CAMENA. Plures cum *E* simplici scribunt, Varro, Festus, & Virgilius emendatioribus libris. Macrobius lib. 1. Somn. cap. 111. *Camenas quasi Camenas a canendo dixerunt*. Servius in Eclog. 111. v. 59. *Camena, Musa, quibus a cantu nomen est inditum*. Nec vero spernenda aliorum diphtongus *œ*, quæ videtur in vetere inscriptione (Spon. Recherch. pag. 269.) **IMMORTALES CAMOENAS**.

CARTHAGINIENSIS verius est, quam *Carthaginensis*; quod ex Ennii versu liquet, quem Cicero pro Balbo cap. xxxii. citat,

Hostem qui feriet, mihi erit Carthaginensis.

Et in columnæ Rostratæ basi **COPIAS CARTACINIENSIS** : & Grut. pag. 586. **PROCTRACTVS CARTHAGINIENSIS**.

CARVS, dilectus, sine *H.* de quo supra pag. 94. Innumera in cippis exempla superlatiui **CARISSIMVS**. Vid. Grut. 418. 421. 426. cetera : & in nummo Balbini **CARITAS MVTVAVGG.**

CAVS-

CAVSSA, *Causa*, utroque modo. Illud, geminato sibilo, ex usu veterum. Capitolinis lapidibus sæpe, **REI GERVNDÆ CAVSSA**. Vid. Grut. pag. 290. seq. Et in aliis vetustis tabulis pag. 306. 309. **PRAEVARICATIONIS CAVSSA**. Et Tiberii ætate pag. 325. **EX CAVSSA**. Plura Manutius adfert, & etymologiam, quod quasi *conissa* sit, a *caveo*, in duas contracta voce syllabas, cuius sententiæ etiam Scaurus meminit pag. 2257. quamquam ipse S vno malit scribere. Neque enim desunt probata exempla cum S simplici antiquis monumentis; oratione Claudii pag. 502: inscriptione ex Samnitico bello pag. 298: marmore Ancyrano, atque alibi.

CETERI, *cetera*, sine diphthongo lapides vetusti. In tabula ænea perantiqua (Grut. pag. 628. seq.) **CETEREI VIATORES**: & Lege agraria apud eundem p. 202. **CETERORVM**: nec id mutatum Augusti ætate, ut vel solum Lucii Cæsaris cenotaphium documento est, quo eadem vox ter reperitur sine diphthongo scripta; atque ita sub Cæsaribus servatum fuit: nec aliter Virgilius Medicus. Grammatici diphthongum inculcant, quia sit ex *ε* & *τ* *ετα*: sed nugæ agunt. sic enim haberet copulandi vim, neque adhiberi posset, ubi locus non est copulæ: neque copula eidem præfigi, ne duplex illa concurreret. v. g. Tiburtino lapide, **ET CETERIS DIS**; sensus esset *et ceteris*, quod absolum. Non autem prorsus reiicio *cetera* cum diphthongo, sed compositionem *ετα* *ετα*. Scio enim raro veteres, immo rarissime diphthongo usos esse, ut Grut. pag. 801. n. 11. **CAETERISQ. SVIS**.

CHALCEDON libri: *Calchedon*: *Καλχιδόν*. omnes nummi. Vide quæ de hoc nomine in Notitia Asiæ Antiquæ notauimus.

COE-

COELIVS, *Calia*, familiae Romanæ nomina, cum æ in plerisque monumentis. Vrsinus nummos familiae Cœliæ pag. 79. sic inscriptos exhibet: C. COIL. item L. COIL. ἀρχαῖκως: & alios C. COEL. CALDVS. Grut. pag. 52. M. COELIO: & pag. 240. in basi marmorea Vespasiani ævo M. COELIVS: & sic alibi sæpe. Raro per æ, ut pag. 300. in Capitolinis P. CAELIVS.

COENA per diphthongum æ, quia α κοινόν. Plutarchus Sympof. lib. viii. probl. vi. τὸ δειπνῶν φασὶ κοινὰ διὰ τὴν κοινωσίαν καλεῖσθαι. καὶ ἑαυτοῦς γὰρ ἑρίων ἐπεικῶς οἱ πάλαι Ῥωμαῖοι, συνδειπνῶντες τοῖς φίλοις. Aiunt vespertinas epulas Cœnam vocari quasi communionem. seorsum enim prandebant prisce Romani; cœnabant cum amicis. Et Isidorus lib. xx. Orig. cap. 11. Cœna vocatur a communione vescantium. κοινὸν quippe Græci commune dicunt. Daufiquius a lapide testimonium petit, ad Clitumnum reperto, IN P V B L I C O COENARENT. Plures autem lapides, quos Aldus vidit, CENAM DED. habent: Festus, *Cena*, diphthongo alia, ad quem modum Sponius pag. 292. in Neapolitano lapide CAENACVLVM legit. Adeo discrepant in hac voce lapides.

COEPI, *cæpisse*, *cæptus* per æ. Oratione Claudii pag. 502. Grut. COEPERVNT: & p. 443. COEPISSE: & pag. 669. COEPTO flore. In Ancyrano autem marmore opera CAEPTA. Incepi autem ab incipio est: inde cæptum & inceptum distinguenda. Beda Orthogr. pag. 2332. Cepit, per simplicem e, a capiendo: Cœpit, per diphthongum æ, de incipiendo: Cœpta, per diphthongum æ: Incepta per simplicem e.

COMISSARI, *comissatio*, per simplex m & i. Festus *Comissatio a vicis*; quos Græci κόμμας dicunt. Bene vocabulum scripsit: minus bene a vicis denomi-

mi-

minauit. Varro lib. vi. LL. cap. v. COMITER, *hilare, ac libenter: cuius origo Græce χαῖρος. inde Latina COMISSATIO dicta. Sic quoque Donatus comissator scripsit in Adelph. act. v. sc. 11.*

CONCIO per C, quia, vt Festus interpretatur, Concio est conuentus, quasi conuocatio, a concire. Non ergo mouemur, quod in antiquis monumentis legitur CONTIO. Vide Grut. p. 506. 507.

CONDITIO & CONDICIO: prius sequitur originem, quia a supino verbi *condo* est; vt *perditio* a *perditum*: posterius est plerorumque lapidum & veterum librorum, & in his quoque Virgilii Carpensis. Aldus ex hoc & saxis verba profert, quem audias. In Sponii autem Recherch. pag. 316. ex Romana inscriptione refertur SVB HAC CONDITIONE.

CONSIDERO per I, non T, quia Latinum est, non Græcum. Sic etiam *Desidero*.

CONSUMMO, *consummare*. Lipsius mauult *consumare*, vno m, & ad lapides prouocat. Sane An-cyrano monumento legimus *basilicam consumatam*: at Manutius ex lapidibus bis *consummauit*, & semel *consummator*, & *consummatus* enotauit, quod origo etiam poscit, quia a *summus* vel *summa* est.

CONVICIUM, non *conuicium*, quia a *voce* est, quasi *conuocium*. Festus: *Conuicium a vicis, in quibus prius habitatum est: vel immutata littera, quasi conuocium*. Et Vlpianus lege xv. de Iniuriis: *Quum in vnum plures voces conferuntur, conuicium appellatur, quasi conuocium*. Quod etiam ex syllaba producta apparet. Ouid. xiii. Metam. 306.

Neue in me stolidæ conuicia fundere linguae.

COQVVS. Eutyches grammaticus lib. 11. post initium *cocus* scripsit. *Verbo, inquit, coquo nomen adhaeret cocus*. Velius autem Longus sub finem Orthographiæ hoc *nimum exile* censet. nam sicut, inquit,

quit, non est prima syllaba (in coquus) oneranda: sic sequens videtur explenda. Oneratur autem prima per Qu. pro C. Beda Orthogr. pag. 2332. Coquus, coqui, prima syllaba per C, secunda per Q scribenda est.

CVNCTARI, contari; Percunclari, percontari: prius est Festi in Percunclatio, quem Manutius sequitur, etiam Carpenis Virgilii auctoritate inductus: posterius Verrii apud eundem Festum; quocum Freinshemius facit Indice Curtiano in cunclanter. Rationem uterque dat; Festus, quod is qui curiose interrogat, per cuncta vult. Verrius, quod dictum ex nautico usu, qui conto pertentant cognoscuntque aqua altitudinem.

DALMATIA. In lapidibus & nummis sapis Delmatia per E: nec vero scriptura altera poenitenda. Vide nostram Notit. Orb. Antiqui pag. 614.

DELECTVS, Dilectus militum. Cicero lib. XII. epist. v. ad Cassium: Magnas Pansa copias ex dilectu Italia comparat. Gebhardus ibi: Dilectus semper scribendum est, quod ita praeunt MSS. & vetusti libri. Et Lambinus ibidem: Iam dilectu legendum esse, non delectu, nemo est qui nesciat, indocilibus exceptis. Adde lib. XI. ep. XII. sect. 4. Pompeius quoque Festus: Dilectus militum, & is, qui significatur amatus, a legendo dicti sunt. Aldus tamen noster; Delectus, contra libros aliquot veteres, multo scripserim libentius, quam Dilectus.

DELICIVM, Delicia, per C, a delicatus. Grut. pag. 646. DELICIVM: Manutius ex lapide Rom. DELICIAE.

DESIDERO, Desiderium, per I Latinum. Vide supra Considero. Vetus lapis Romanus, Manutio teste, DESIDERIO NATAE.

DISPICERE, S vno, quamvis a dis & specio. Sic & Dispergo, a spargo. Dis enim & di in compositi ione variant. Manet praepositio dis integra ante

ante C, P, Q, S & T. vt in verbis *discedo*, *discerno*, *dispono*, *disputo*, *disquiro*, *disseco*, *dissentio*, *dissermino*, *distrabo*, Amittit S ante D, G, L, M, N, R. vt *diduco*, *diditus*, *digero*, *dilabor*, *dilacero*, *dimitto*, *dimoueo*, *dinúmero*, *diripio*, *dirumpo*. Ante F mutatur, vt *differe*, *difficilis*, *diffugio*. Hæc clara sunt. Difficilior res ante S cum alia consonante, id est ante *sp*, *st*, vbi S propter concursum consonantium suauius abiicitur, vt *dispergo*, *dispicio*, *distinguo*, (a *stinguo*, quo Cicero in Arato, & Lucretius usi sunt) *disfringo*. *Disertus* singulare est, si a *dissero*: etiam *dirimo*, si ab *emo* cum R epenthético potius, quam transmutato; vt *d* in *redamo*: quia *dis* non facile ante vocalem inueneris. I consona est, si *dis* præcedit, vt *disiicio*, *disiungo*. Legitur tamen etiam in optimis membranis Cicer. lib. 1. epist. vii. & ix. sub init. *diuinsi*, quod criticis non displicet.

DOMITIVS gentis Romanæ nomen per T, in lapidibus Capitolinis, secus ac in iisdem *Sulpicius*. Inde *Domitianus* in nummis quoque cum T scriptum; & vxor *Domitia*, itidem in nummis.

DVMTAXAT per M in lapidibus. Rauennæ in Drusi Germanici cenotaphio, *epulensur* DVMTAXAT in ante V id. *Iul.* Et *Grut.* pag. 574. 6. DVMTAXAT SINGVLI. Ibid. num. 2. est etiam diuisum DVM. T'AXAT. SINGVLI. SINGVLAS. Sed de his dictum est supra pag. 21. Vna vero inscriptione Domitiani pag. 575. n. 1. inueni DVNTAXAT.

ECLIPSIS. Peccant hodie, qui *eclipsis* duplicata CC scribunt, quo suam Græcitatē ignorantiam produnt. est enim *ἑκλειψις*, ab *ἑκλείπω*, *deficio*.

ELOGIVM. Lambinus & Lipsius *Eclogium* scribendum censent, quia *elogium* neque Latinum nec Græcum sit. At libri *elogium*, Ciceronis sæpe, & Sue-

Sueton. Calig. c. xxiv. Est origine *ἐκλόγιον*, atque *elogium* perinde, ut *ecloga*, scribendum esset: vsus vero creber C extrusit & quasi ciuitate Latinorum donauit: qui non Ex, quod Græco *ἐκ* respondet, ante L, sed E in compositione ponunt, ut *elicio*, *eligo*, *elinguis*, *elongo*.

EMTVS, emptus: & sic alia, redemptus, comtus, sumtus, cetera, de quibus pag. 22. dictum est. Grammaticorum addo testimonia. Ter. Scaurus pag. 2256. Interdum P. littera superuacuo adicitur, ut quum scribimus Sumptus, Demptus, Comptus; quum aliqui ceteris declinationibus verborum non adfit. Sumo enim, & Demo, & Emo, detracta P ut superuacua, quare participationibus adiciatur, ratio non est. Et Marius Victorinus pag. 2466. nec consumptum, nec emptum, nec redemptum . . . & similia istis per PT scribetis vitiose, sed ut ego scripsi iuxta MT ponetis, & lucrificietis litteram, qua detracta nihil de significato vocis diminuit, & scribitur expedius. Exempla vetusta sine P prædicta pag. 22. proposuimus: nec vero negamus plura esse cum P. Ancyr. monumento & Grut. pag. 489. 12. solo EMPTO: in veteri SC. p. 328. REDEMPTORIBVS. Et INTEREMPTVS Spon. p. 181. Et SVMPTIBVS Grut. pag. 417. CONSUMPTIS p. 921. 6.

EPISTOLA per O breue, origo postulat, *ἐπιστολή*. Multis tamen inscriptionibus, nescitur qua ratione, est EPISTVLA. Grut. pag. 61. 4. AB EPISTVLIS. Aldus decem lapides eodem scripturæ genere notauit.

ETRVRIA, ETRVSCVS, sine adspiratione in lapidibus, ut supra pag. 42. exposuimus.

EXSEQVIAE cum S, quia ab *exsequor*, hoc a *sequor*, quod S suum post X non amittit, ut supra demonstratum fuit pag. 25. 35.

EX.

EXSILIUM, *exsul*, cum *S*. Eadem, quæ superioris vocis, ratio est, etiam prædicta p. 25. 35. a nobis exposita; quia ab *ex* & *solum* deriuantur. Notus Marcellus pag. 12. *Exsules dicuntur extra solum*. Isidorus lib. v. Orig. cap. vlt. *Exsilium dictum, quasi extra solum. nam exsul dicitur qui extra solum est*.

* Sic etiam de aliis compositis ex præverbio *Ex* & verbis ab *S* incipientibus, censendum est, vt *exsatio*, *exsilio*, *exsoluo*, *exspecto*, *exsto*, *exstruo*, *exsudo*, *exsupero*, *exsurgo*; de quibus dictum pag. 25. & 35. Adi etiam Manutium.

EXVO & EXVVIAE, sine *S*. Vetis quidem grammaticus Cællius pag. 2315. *Exsui, habet S; sui enim est & insui, quasi alicui rei immitti; unde exsui, quasi iam emitti & nudari. Inde exsuia, unde exsui id est spoliati: Vossius autem in Etymologico: Exuo scribendum, non vt Aldo (Cællio verius) visum, exsuo, quod fit ab ex & suo. Nam est ab ἐκδύω, vt induo ab ἐνδύω. Hinc & ἀποδύω idem ac ἐκδύω. Vnde ἀποδυτήριον, locus in balineis, ubi vestes exuuntur. Vtitur apodyterii voce Cicero lib. III. ep. 1. ad Q fratrem, & Plinius lib. v. epist. vi. Ab exuo dictæ exuuiæ. Gloss. vet. Exuuiæ λαύρα, ἐκδύματα. Eadem ab ἐκδύω siue exduo vel ecduo, ecduæ. Festus: Exduæ, exuuiæ.*

Hæc Vossius. Dacierius ad Festum: *Exduæ ab exduo, Græce ἐκδύω; & eliso d, exuo, exuuiæ*. Hinc facile rationes Cællii refelluntur.

FACILLIMVS duplici *LL*, Manutius poetarum exemplis, qui producant, motus, scribit; & sane sic in melioribus libris est.

FÆX cum *æ*, non *sex*; libri veteres. Nec plura de hoc Aldus.

FECVNDVS sine diphthongo. Gellius xvi. cap. xii. Varronis verbis probat, ipsum & *fenus* & *fetus*

fetus & fecunditas E simplici scripsisse. In nummis Augustarum, Lucillæ, Iuliæ Severi, & Faustinae, aliarumque (secus quam in plerisque Vaillant edidit) FECVNDITAS: nummo Albini SAECVLO FECVNDQ.

FELIX sine diphthongo lapides & nummi. Cenotaphio Gaii Pisano FELICITER. De nummis vide Spanhemianum illustre opus pag. 726. Et sane nihil frequentius in Augustorum nummis, quam FELICITAS *publica, sæculi, temporum*. Male ergo in libris quibusdam *fælix* scriptum est.

FEMINA quoque in libris & lapidibus sine diphthongo legitur. Ex libris instar omnium sit Virgilius, quem Carpenssem Manutius cognominat. Lapidēs plures & ipse profert, & inscriptionum opere Gruterus. Hic pag. 459. *Postumiae Paulsae* FEMINAE rarissimæ: & pag. 480. *Valer. Quintae castissimæ* FEMINAE: & alibi sæpe. Sic & *femen* & *femur* auctore Festo.

FENVS etiam & Fenerator sine diphthongo Varro apud Gellium xvi. cap. xii. *Fenerator a fenor: est nominatus. Fenus autem dictum a fetu, & quasi a fetura quadam pecunie parientis atque incrementis. Pompeius Festus: Fenus appellatur naturalis terræ fetus; ob quam causam & nummorum fetus, fenus est vocatum, & de ea re Leges fenebres. Qui etiam fenum pratorum ab eadem causâ dicit appellatum. Gruterus pag. 868. n. 11. reliqua vi. milia FENERARENTVR. Est vero & Anagninæ lapis, quem Aldus vidit, & Gruterus descripsit pag. 264. dicatus Seuero, in quo ANAGNINI FOEN. . . id est seneratores.*

FETIALIS per T, Græca consuetudine & lapidum auctoritate. Dionysius Halicarn. lib. vi. pag. 410. & lib. x. pag. 649. *φειάλης*: etiam lib. ii. pag. 131. *φειάλης*: pro quo Sylburgius ex Suida

F

legen-

legendum censet *φαιάδες*, *fetiales*. Addit lapidem Manutius sub Tiberio inscriptum, *Legato Ti. Caesaris Aug. leg. vii i i i*. *Hispan. pontifici FETIALI*. Et Festus *fetialis*. Gruterus autem pag. 1107. ex alio: *LEG. PRO. PR. FECIALIS*.

FETVS sine diphthongo, Varronis verbis, modo in *secundus* & *senus* prolatis: & Virgilio Carpenfi, Aldo teste.

FOEDARE, inquinare, per æ libri veteres, Virgilii præsertim vetustissimus codex, toties laudatus: & lapis Romanus, quem Manutius vidit, *Nymphæum sordium squalore FOEDATVM*.

FOEDVS, *σπονδή*, per æ. Manutius itidem ad Virgilii sæpe laudatum codicem prouocat, & ad lapidem Camerinensem (Grut. pag. 266.) quo est *IVRE FOEDERIS*. Addo Grut. pag. 242. ex ænea sub Vespasiano facta tabula: *FOEDVS-ve cum quibus voles, facere liceat*.

FRENVM sine diphthongo. Manutius libros & suum Virgilium: Lipsius libros & lapides vocat testes; verba ex lapidibus non profert.

GAIVS prænomen Latinum, ita per G scribitur in Pandectis, & olim etiam ita pronuntiatum fuit, licet, quum per notam scriberent, vt plerumque solebant prænomena, C. scriberetur, non G, antiqua consuetudine, qua C etiam G (huius nota nondum inuenta) significaret: qua de re dictum supra pag. 21. Postea etiam extra notas plene quoque *Caius* scriptum, nec vero alterum *Gaius*, vt pronuntiabant, sepositum aut abiectum; vt Augusti ætate vtrumque vsus ferret. In Caiano enim cenotaphio vers. 7. est *CAIVM CAESAREM*: ibidem vers. 37. *GAI ET LVCI CAESARVM*. In Taciti libris per C, *Caius Luciusque Caesares* scriptum existat lib. vi. cap. vlt. & alibi: & *Caiana expeditiones* lib.

lib. IIII. Hist. cap. xv. id est Caligulæ. Eadem ratio est nominis *Cnei*, sive *Cnei*, aut *Cneii*, quod etiam, ut *G* pronuntiatum & Græce quoque scriptum fuit, ut ex Terentiano Mauro pag. 21. dictum est. Eius nota est *CN.* *Cn.* non *Gn.* Manutius probat *Cnaut* cum diphthongo: a quo alii dissentiunt.

GENITRIX, *Genetrix*. Aldo placet prius, quia est a *genitor*, hoc a *genitum* supino: & epitaphium Aeliæ Sabinæ adlegat, in quo sit **GENITRIX**. Contra in nummis & lapidibus Veneris cognomen semper *Genetrix* scriptum est. Gruteri pag. 225. & nummis Hadriani ac Faustinae **VENERIGENETRICI**. Et Vaticanus Virgilius, ut Pierius, ad Aen. 1. vers. 590. testatur, etiam *genetrix* habet; cui itidem Veneris cognomen est. Sit ergo in diuæ cognominibus per *E* singulari quadam consuetudine: de aliis scribemus, ut origo poscit, *genetrix*, quemadmodum vno & altero epitaphio Grut. approbavit.

GLAEBEA diphthongo ut scribatur, auctor est Manutius, ipse vetustis libris, Virgilii præsertim antiquissimo, persuasus.

GOTHI, populus, cum adspiratione & **VNO T.** Inscriptio Romana sub Iustiniano posita, *post victoriam GOTHICAM*. Et Lilybatana apud Reinesium pag. 278. *finis inter Vandalos & GOTHOS*. Græci, Procopius & Zonaras, adgrauant littera adiecta, *Γότθοι*.

HADRIANVS, non *Adrianus*, nummi & lapides: & illi forte omnes; hi plurimi, exceptis paucis, de quibus pag. 41. dixi.

HAEDVS, *hædi*, diphthongo principe Virgilii codices vetusti. Etiam Varro LL. lib. iv. cap. XIX. *Hircus*, quod Sabini *Fircus*: & quod ille *Fedus*, in Latino rure *Hædus*: quod in urbe, ut in multis, *A addito HAEDVS*.

HÆMVS mons Thraciæ, non *Aemus*, quia Græci asperant. Theocritus idyll. vii. 76. *μακρόν ὑπ' Αἴμον*, *lato sub Hæmo*. Nisi enim asper esset spiritus, *ὕπ'* dixisset. Atque sic in melioribus libris Latinis. Virgilius Georg. lib. 2. vers. 488.

— — — gelidis in vallibus Hæmi.

HANNIBAL cum adspiratione, secus ac hodie in multis libris videmus. Dictum supra pag. 42. Sic etiam *Hanno*, eiusdem originis Carthaginienſe nomen.

HARIOLVS. Donatus in Phorm. Terentii act. iv. sc. iv. quasi *Foriolus* a *fat*is & *fando* dictum censet, *F* in *H*, ut sæpe factum, commutato. Confirmatur libris præstantioribus.

HARVSPEX non ab *ora*, sed ab *haruga*. Donatus iam dicto loco: *Haruspex* ab *haruga* nominatur. Nam *haruga* dicitur hostia, ab *hara*, in qua pecora includuntur. Approbant lapides a Manutio exscripti, quibus est **HARVSPEX**.

* De *Harena* dictum pag. 68. in *Arena*. Sic etiam *Harundo* se habet, pro qua *Arundo* scribimus, quia aiunt ab *ariditate* dictam. Ineptit Agræcius inter *harundinem* & *arundinem* distinguens. *Arundo*, inquit, *canna* est, ab *ariditate* dicta: *Harundo*, telum e *canna*.

HAVD, *haut*. Nimis subtilis est Marius Victorinus ita hanc voculam vna littera distinguens pag. 2462. ut *haud* ante vocales; *haut* ante consonantes ponendum censeat: in quo Iustum Lipsium sectatorem habet lib. 111. Variar. Lect. cap. xxix. quamvis ipse de Victorino dubitabundus scribat, *subtilius fortasse monuisse, quam verius*. Sosipater pag. 87. ad *oûs* ducit, ideoque cum *D*. Addit, *sed & per T scribi sonus vocis admittit*. Beda autem pag. 2336. *Haud*, quando adverbium negandi est, *D* littera terminari tradit & adspirari in capite; & ab *Aut* coniunctione hoc modo di-

discernit : de *baut* nullam mentionem facit . In optimis libris etiam *Haud* cum *D* constanter legitur : atque *baut* videtur tale esse , quale *aput* , *adque* & alia , ubi *D* & *T* aliquando permutata inveniuntur .

HAVE , libri & lapides cum adspiratione . In epicediis extremis sæpe , *HAVE VALE* . Vide exempla apud Aldum .

HELIOGABALVS male scribitur a Lampri-dio , quasi ab ἥλιος sit . Originis enim Syriacæ est , & in nummis deus , cuius sacerdos fuerat , & a quo cognomen habuit , scribitur *ELAGABALVS* : quod & verum principis huius cognomen est .

HERCVLIVS , *Herculeus* : illud in nummis est , quos vir maximus Ezech. Spanhemius p. 747. adlegat : hoc in lapidibus apud Gruter. pag. 199. n. 4. & pag. 280.

HERES , non *Hæres* ; & *Hereditas* , in libris & lapidibus . Fragmento legis Agrar. Grut. p. 205. *HEREDESVE EIVS* : & pag. 20. 3. *pro salute uxoris HEREDVMQ. suorum* : & p. 149. 6. *HEREDITATIVM* ; & sic constanter alibi . Festus quoque *Heres* & *Hcredium* .

HIBRIDVS , Latino *I* , non *Y* . Vossius Etymolog. deducit ab *Iber* , *Imber* , id est *Umbra* : accessit *H* , ut in *harena* , & aliis .

HIC , *heic* , adverbium . Sunt qui adverbium *heic* scribi malunt , ut a pronomine *hic* discernatur . Sane multa exempla in vetustis epitaphiis visuntur ita scripta : *OSSA HEIC SITA SVNT* : vide Grut. pag. 640. 862. 965. & *HEIC SITVS EST* , pag. 651. *HEIC EST SEPVLTVS* pag. 984. attamen non pauciora sunt , quibus eadem formulæ , aut similes , per *hic* scribuntur . Spon. pag. 24. *ossa HIC sita sunt* : & pag. 171. *Iulia Adepta HIC adquisescit* . Et Gruter. pag. 650. *HIC siti sunt* : & pag. 652. *HIC iacet* : & pag. 892. *L. Valerius Maximus*

mus HIC *sepultus*. Videtur ergo *heic* in his formulis aliquid antiquum sapere, tamquam ex illo tempore reliquum, quo *I* per *El* vt plurimum exprimebatur.

HIEMS, non *Hyems*. Dictum supra aliquid pag. 6. 7. nec enim certum est ab *ueu* originem trahere, aliique ab *hiando* deriuant. Virgilius *Mediceus* Georg. 11. 322.

Nondum hiemen contingit equis.

Interdum *P* interposuerunt, atque sic Varronis libro IX. *hiemps* legitur: etiam Grut. pag. 136. in veteris Kalendarii fragmine *HIEMPS*. Verum improbat hoc Scaurus pag. 2256. *Hiems*, inquit, *carere P littera debet, quia in casibus numquam P, nec B, propinqua eius respondet: sine quarum altera nusquam in Latinis ea nomina declinantur, ut Princeps, Caelebs*. Nec derivata habent *Y*. Vetus tabula, quam Manutius vidit, Gruterus p. 501. transcripsit, habet *HIEMANDI CAVSSA*: & mox *MEILITES HIEMENT*: item, *IN HIBERNACVLA* *meilites deducantur*.

HISTRIA regio extrema Italiae ad Illyricum, libri & lapides. Gruter. pag. 285. *CONS. VENET. ET HISTR*. Qui *Istria* scribunt, ab fabuloso amne, ex *Istro* in has oras, si diis placet, derivato, deducunt. Semel inueni cum *y* pag. 433. *correctori Venetiarum* & *HYSTRIAE*: in quo nobis sufficit adspiratio; vocalem Graecam repudiamus.

HORDEVM. Rei rusticae scriptores Varro & Columella *ordeum* sine adspiratione. Sed Velius Longus Orthographia extrema, & Terentius Scaurus p. 2258. tradunt, antiquae dictum esse *fordeum*; *F* postmodum, vt in aliis multis, conuersum in *H*. Vide paulo ante in *Hædus*, quod ex *fedus* Sabinorum erat.

IBERVVS, Hispaniae fluius, plerumque sine adspiratione, Graeca consuetudine. Straboni lib.

III. & Ptolemæo est δ I^{us}β^{us}. Inscriptione autem veteri (Gruter. pag. 690.) est FLVMEN HIBERVS: & in Prudentii vetustis libris, hymno Calagurritanorum extremo, quos Hiberus adluit: & sub initium, terra Hibera, id est Hispania.

ICCIRCO lubentius eruditi scribunt, quam idcirco, quia dicimus accedo, accipio, d in c mutato. Contra Gruter. pag. 408. Tergestina inscriptione IDCIRCO: sed multa secus, ac veteres plerique consueuerant, in eadem sunt consignata.

IDEMTIDEM, Identidem. Posterius vsitatus est, quia grammaticorum opinio inualuit, m ante t nec scribi, nec pronuntiari posse. Beda Orthogr. pag. 2337. Identidem per N in priore loco scribendum est, licet sit ab idem & idem. Verum quia multis exemplis supra demonstratum, inanem metum esse, ne n & t collisionem pariant; æque identidem scribi potest, ut duntaxat, emtus, & redemtus scribimus.

IMMO, correctionis vocula m geminato. Virgilius Carpenfis sic, Aldo teste; & libri Varronis, Prudentii, & castigatissimus quisque.

INCHOARE non quidem a chaos certi deducimus, ut grammatici faciunt; cum adspiratione tamen scribimus, quia sic in marmoribus vetustis legitur. v. g. INCHOATVM Gruter. pag. 30. 190. Reines. pag. 277. & AB INCHOATO Grat. pag. 169. Reines. 275.

INCLYTUS, inclutus, inclitus. Beda Orthogr. pag. 2338. Inclutus Græcum nomen. nam $\alpha\lambda\upsilon\tau\omicron\varsigma$ Græci gloriosum dicunt. Sic puto legendum, quia ad Græcum prouocat; quamvis Putschii editione inclitus scriptum est. Gruterus pag. 667. 10. INCLYTAROMA. Atque ita plurimi scribi volunt propter eandem rationem, quamvis non certissimam. In enim Latinam originem suadet, quam alii in chao

vel *clæo* quærent, licet & hoc tandem ad *κλῡω* referatur. Sed siue a *κλῡω*, siue a *clæo* est; tamen quia *y* quoque in *u* transire solet, scribunt alii *inclutus*. Festus: *Inclutus, nobilis, clarus*. Grut. p. 152.

8. INCLVTVS REX THEODORICVS. Quod vero ciuitate verbum antique donatum fuit, Latine alii *inclitus* scripserunt. Grut. pag. 273. 5.

PIO ATQVE INCLITO D. N. TRAIANO, Traianum intellige Decium, Philippi successorem. Quam scribendi formam supra pag. 6. 7. Obertus Gifanius præferendam ceteris censuit.

INCREBESCO, quamuis a *creber* sit; non *increbesco*: quia & *rubesco* a *ruber*. Vt vero hoc a *rugeo* est proxime; ita verosimile, veteribus fuisse etiam verbum *cregeo*, a quo *crebesco*.

IN DIES rectius diuisis vocibus; quam *indies* scribimus: ut utrique accentus seruetur suus: qui in coniunctione a plerisque retrahitur in præpositionem, non secus ac si enclitica vox *dies* esset.

INDVTIAE per *T* ex Gellii ratione; qui lib. 1. cap. xxv. putat compositum vocabulum ex *inde* *vti iam* (lege integra verba eius) aut; Aurelii Opilii etymologia, quasi *initia*. Manutio sunt tamquam *inductæ*: Vossio ab *indu* veteri, (hoc est *in*) & *otium*. Omnes hæ rationes *T* poscunt, non *C*.

INFITIOR Festus & Manutius per *T*, quia sit a *fateor*. Quum enim Festus ait, *inficiari, creditum fraudare*; non obscure significat, esse quasi *infiteri*, vel non fateri depositum. Quod probabilius est, quam a *facio* derivare, quod sit, negare se aliquid fecisse. In quam opinionem qui secedunt, per *C* scribunt & *inficiari* & *inficias*.

INLVSTRIS, illustris. De his & similibus supra in compositis cum præpositione pag. 36. dictum est, in lapidibus plerumque esse *inlustris* & *inlustrare*. vid.

vid. Gruter. pag. 417. 447. 481. cetera ; Spon. pag. 36. 103. reliqua : Manutius autem hanc vocem in iis præ ceteris censet, in quibus iudicium aurium, quod molle est, sequendum sit : quem & consuetudo iuuat.

IN PRIMIS, diuise, vt cum *primis* ; non *imprimis*, nec bene *inprimis*. Est enim, in præcipuis, seu, inter primos & principes : id quod si obseruatur, minus confunduntur inter se, quæ idem significare quidem videntur, non autem plane significant, in *primis*, *præsertim*, *præcipue*, *maxime*.

IVCVNDVS, per *V*, quia Ciceroni ab *iuuando* est 11. de Fin. cap. 1111. Non ergo audiendi sunt, qui *iocundus* dicunt ab *iocus* vel *iocando* ; quibus etiam profodia reclamation : etsi non desunt inscriptiones veteres, quæ cum *O* id referant, Neapolitana, quam Aldus præbet ; & alia Grut. pag. 844. 6. quibus *Iocundus*, *Iocunda* propria nomina sunt : plures enim *Iucundus* expressum habent, quas itidem Aldus recitauit.

IVPPITER, *P* duplici, nummi & lapides. quod de illis illustri Spanhemius pag. 84. adseuerat, ut non opus sit exemplis illustrare, quale illud in Domitiani moneta est **IVPPITER CONSERVATOR**. Fuluius Ursinus, & ipse peritissimus nummorum, Aldo Manutio idem adfirmauerat. Lapidum testimonia sint, Grut. pag. 23. 12. in aræ dedicatione : **IVPPITER OPTIME MAXIME**. Sponius pag. 99. in Auieni Festi epitaphio : **IVPPITER ætbram pandit, Feste, tibi**. Manutius etiam ad libros veteres prouocat. Nihilominus, si fides nummorum exscriptoribus Oeconio & Vaillantio habenda, in Vitelliano est **IVPITER VICTOR**, vna & simplici littera.

K littera quam rari vsus sit, supra pag. 7. diximus. Marius Victorinus p. 1945. ante *A* adhibitam a veteribus fuisse testatur, vt *Kanna*, *Kalenda*, *Karibago* :

thago : sed neque hoc perpetuum. Beda Orthogr. pag. 2338. *Karthago & Kalendæ per K scribenda sunt : licet per C melius*. Kalendæ quidem in lapidibus per K ; non autem sæpe *Karthago*. Nummi quidam Seueri & Caracallæ & Galerii , quos laudatissimus Spanhemius pag. 727. descripsit , FELIX KART. præferunt ; lapides autem C habent , & plerique sine adspiratione . Columna Rostrata CARTACINIENSIS. Gruter. pag. 512. ex vetusta tabula CARTAGOCAPTA : p. 385. CARTAGINE : pag. 174. & 349. CARTAGINENSIS. Cum adspiratione autem pag. 349. CARTHAG. & Optatiani Porphyrii tab. x. CARTHAGO.

LABOR, *labi*, præterito & participio lapsus an labfus formet , disceptatur . Origo B exigit , atque ita in Sponii Miscell. pag. 84. & 92. & Grut. pag. 48. *vetustate* CONLABSVM : & Virgilii codices Aeneid. v. vers. 326. & 445. *elapsus* : tamen plures inscriptiones cum P referunt , CONLAPSVM Gruter. pag. 7. & 51. & 173 ; ac COLLAPSVM pag. 58. & 100. & 163. Fortius enim B ante S pronuntiabant , quam ut illius sonus sufficeret : quam ideo in P plerumque vetetes mutabant .

LACRIMAE, *Lacryma*, sine adspiratione , ut supra dictum , quia a ~~Sixpore~~ deducitur : quamvis in quibusdam lapidibus cum H reperiatur *lacrima* , Gruter. pag. 572. n. 7. Spon. pag. 180. Cum T autem haud facile repereris ; at cum æquivalente V *lachruma* Gruter. pag. 799. Pluribus autem locis LACRIMAE , Gruter. pag. 694. 700. 715. & Spon. pag. 203. 219. alibi . Adde cum primis quæ pag. 6. 7. ex Gifanio de hac etiam voce tradidimus .

LAEVA, sinistra , diphthongo principe , Festus ; & lapis , a Manutio transcriptus , PARTE LAEVA.

LA-

LAPICIDINA, non *lapidicina*. Varro LL. lib. VII. cap. XXXIII. *Qui lapides cedunt, lapicidas; qui ligna, lignicidas non dici: neque ut aurificem, sic argenticem*. Gruter. pag. 593. 8. **A LAPICIDINIS CARISTIIS**. Sic emendandum cum Manutio ἀποπτη, quod perperam *lapidicinis* editum est.

LETVM, mors, sine adspiratione. Extra viam Latinam vagantur, qui mortem ab obliuione, hoc est *letum* a λήθη (unde *letum* scribunt) deduci putant. Priscianus propior, qui a supino antiqui verbi *leo*, vnde *deleo* superest, deriuat. Plenus, inquit lib. v. pag. 665. *quasi a pleo, verbo: letum quasi a leo*. Confirmat vetus lapis Gruter. 655. **LETO TACENT** (*iacent* Manut.) & mox, **POST LETI DIEM**. Quamuis vero Varro lib. VI. cap. III. & Festus *leri* etymon etiam a λήθη petant; tamen vterque scripsit sine adspiratione.

LITTERA duplici T libri veteres, Lipsio teste, & lapides. Sic Florentini Pandectæ, vt Aldus vidit; sic & lapis Prænestinus apud eundem pag. 8.

Quis ne taceat memorandum **LITTERA**
nomen.

Et Spon. Miscell. pag. 36. **VTRISQVE LITTERIS ERVDITO**, ex basi Romanæ statutz. De origine non sumus solliciti, siue sit *legitera*, siue *leuitera*, siue ab *iter*, siue a *litura*, (quod indignatur Iul. Cæs. Scaliger. de causis LL. lib. I. cap. IV, quia non sint ideo inuentæ nec factæ) siue ab *iterando*. Vide Diomed. pag. 415. Mar. Victorin. pag. 2452. Appa-
ge ineptias. Credibilis, esse, vt Vossius censet, a *litum*, supino verbi *lino*; quia atramento chartæ seu membranæ inlinatur: atque ita ab *oblitum* erit *oblitterare*, quod vero etiam T duplicat, vt syllaba produ-
catur. nam etiam Catullus in Epithalam. v. 232.

-- -- nec vlla oblitteret ætas.

LITVS, *litoris*, vtro **T** antiqui libri, etiam Carpenfis Virgilius; & lapides. Lipsius a *litando* ducit, id est sacrificando, quod ibi nauigantium vota & concepta & persoluta. Prænestino lapide iam indicato **LITORA**, (non *littora*, vt Gruter. pag. 72. edidit) & alio Romano, **LITORE** *Phocaico pelagi vi exanimata*; & Ardeati lapide apud Spon. pag. 270. **LITVS** *vicinum viae Seuerianae*.

LOQVOR, *locutus, loquutus*. Ante **O**, **E**, **I** retinetur **Q**, *loquor, loqueris, loquitur*, quia *loceris, locitur* inconueniens: ante **V** plerique mutarunt in **C**. vt *locusus*. Antonius vero Rufus, quod Velius pag. 2237. refert, *locutionem quoque per Q dixit esse scribendam; isem Periculum & Ferculum*: quod ipse Velius improbauit. Vt enim **Q** nemo feret facile in posterioribus exemplis; ita etiam dubium, in priori est. Toties in nummis Cæsarum exstans vox **A D-LOCVTIO**, numquam, quod sciam, *adloquutio*; (vide supra pag. 28.) videtur controversiam dirimere posse. Adde infra *Sequor, secutus*.

LVCCEIVS Romanum nomen, libri veteres, & inscriptiones. Grut. pag. 646. **M. LVCCEIVS FELIX**.

LVTATIVS, nobile bello Punico I. nomen, male scribitur *Lutarius*. Nummus **L. LVTAT.** & alius Vrsin. p. 161. **Q. LVTATI**. Lapidè Capitolino (pag. 292.) **Q. LVTATIVS C. F.** Correpta etiam prima litteram **G** excludit. Silius xiii. 731.

Aequoreis victor cum classe Lutatus armis.

MAECENAS. Sic scribendum, quia Græce est *Μαρκινος*. Nec lapides aliter. Grut. p. 240. **P. MAECENAS**: & pag. 638. **C. MAECENATIS**.

MAEREO, *maror, mæstus, & marci, maror, mæstus*, ambigua diphthongo. Sed præfert Manutius diphthongum primam, quia Varro lib. v. cap. vi. a

mar-

marcere ducat, quod *marere* corpus *marcescere* videatur: deinde plures inscriptiones cum *ae* habeant. Romæ in ara marmorea MAERENDO est & MAEROR. Gruterus pag. 494. MAERORE *graviter affligus*: & pag. 717. MAESTI. Vir consummatissimus Henr. Noris in Cenotaph. Pis. pag. 480. de his vocabulis: *Profecto in Mediceo numquam satis laudato Virgilii codice semper diphthongus AE scripta est*. Est tamen & OE in lapidibus. Grut. pag. 556. PAR --- MOER --- id est *parentes marentes*, & *mœstus*, *mœstissimus* pag. 658. 669. 673.

MARCIUS, Marcianus, Marciana, Romanorum nomina, per C in lapidibus. In nummis gentis Marcia C. MARCI. & Q. MARC. Et Grut. pag. 240. Q. MARCIUS: & pag. 46. MARCIANAE SORORIS AVG.

MAVRETANIA, per E in nummis & lapidibus. Hadriani & Commodi nummis *Exercitus MAVRETANIAE*: & alio RESTITVTORI MAVRETANIAE: Commodi, MAVRETANIA. Grut. pag. 361. MAVRETANIAM SITIFENS. & pag. 482. MAVRET. CAESARIENS.

MAVRICIUS per C, quia Græci, a quibus nomen est, Μαυρίκιος; scripserunt. Etiam Gruter. pag. 12. n. 10. MAVRICIVSEVPORVS.

MESSALLA gemina LL, cognomen Valeriorum, lapides Capitolini & alii.

MILLE, milia, millia. De posteriori lis est, vna an duplici LL scribatur. Cledonius pag. 1901. *Dicimus, mille homines docuit, &, mille hominum magister: in plurali vero declinatur milia, milium, militibus, uno L sublato*. Et Cassiodorus ex Papiriano pag. 2295. *Mille numerus a quibusdam per unum L scribitur,*

ur, quod *Milia* dicimus, non *Millia*: alii melius per duo *L L* existimant scribendum, puta *Mille*. Sane sæpe legimus *milia*. Gruter. pag. 835. *X MILIA NV-MVM*. & p. 868. *XC MILIA NVMO-RVM*. Inde etiam *miliarium* scribunt vno *L*. Spon. Recherch. pag. 192. *VIAS ET MILIARIA*: etiam *ala miliaria* in militia Romana, tam Gruter. pag. 482. quam Plinii lib. vii. epist. xxxi. Nec vero *millia* reiiciendum. In Ancyrano enim monumento aliquoties legimus *viginti MILLIA*. Et Spon. Misc. pag. 179. *MILLIA PASSVVM*.

MINVCIVS per *C*. Dixi ad Minucium Felicem pag. 1. Addo nummos gentis Minuciæ, Vrsin. pag. 179. *L. MINVCI. & TI. MINVCI. C. F.* Et Gruter. pag. 675. *Q. MINVCIVS MACER*.

MISTVS & MIXTVS. Prius analogiæ proprius est; posterius vsui. In *misceo* enim, vnde ducuntur, nullum *X*, nisi transponas *CS*: Pierius autem ad verba Aeneid. i. 488.

Se quoque principibus permixtum agnouit Achivis; Inualuit, inquit, iam pridem usus, ut MISTVS per ST scribatur: quum tamen in codicibus omnibus antiquis uno consensu per XT scriptum inueniatur PERMIXTVM. Et lapide Romano apud Manutium: *OS-SA MEA MIXTA CVM FILIAE*.

MOESIA, regio iuxta Istrum, Latine per *œ* scribitur, vt in Manutio exscriptis lapidibus, *PR. PR. PROVINCIAE MOESIAE*, licet Græcis sit *Μοισία*.

MONVMENTVM, monumentum. Priori formæ analogia fauet in *documentum*, *nocumentum*, *emolumentum*; & lapides plurimi sepulcrales: etiam alii, Gruter. pag. 162. *MONVMENTVM RERVM excisauit*. Nec vero multo pauciores sunt,

sunt, quibus MONIMENTVM incisum est. Gruter. pag. 558. 592. 594. 656. 5. & alibi: etiam Varro lib. v. cap. vi. *monimenta*.

MVCIVS, non Mutius, lapides Capitolini, consuetudo Græca, & nummus, cuius est Q. M V- CIVS Q. F. SCAEVOLA.

MVLT A, & multa. Prius amant eruditi, quia lapidum est & librorum veterum. Vetus lapis Firmanus AIRE MOLTATI. Tamen Emeriten- si inscriptione sub Domitiano exstat (pag. 155. Grut.) gente male MVLCTATA.

MVNATIVS, familiæ Rom. nomen per T, libri & lapides, Grut. pag. 52. 54. cet.

MVSEVM sine diphthongo, quia est μουσείον Græce. Vid. Plin. 1. epist. ix.

MYTILENE, nobilis urbs Lesbi, y in pri- ma, (non Mitylene, vt in libris est) consensu nummorum scribitur. Vide nostram Noticiam An- tiquæ Asiæ pag. 16.

NE DVM, nec dum, non dum disiunctim scri- bit Manutius; quia similia non nihil, non nulli se- paratim scribamus. Accedit, quod in Caiani ceno- graphii versu 14. NON. D V M. separata, & pun- cto singulas voces distinguente, diuisa conspiciun- tur. In Mediceo autem Virgilii codice NON- D V M coniuncte scriptum est Georg. 2. 322.

NEFAS male in quibusdam libris cum pb expref- sum est. F enim habent lapides: Lanuvinus, NE- FAS EST; Sic & nefandus Gruter. pag. 161. 1.

NEGOTIVM per T, vt otium, libri & lapidum plurimi. Frequens enim in his est nomen NEGO- TIA TOR, Grut. pag. 466. 624. 641. 645. sæpe, & 650; & Spon. Misc. pag. 226: ac negotiantur, Grut. pag. 496. Non numquam vero etiam cum C reperi- tur, Gruter. 14. n. 12. pag. 411. 3. pag. 640. 2.

NE-

NENIA, sine diphthongo Vossius Etymologico; quia a *ννίητος*, quod idem: & *ννυπιζεν* Hesychio est *ἔπνευ*.

NVMMVS & **NVMVS**, duplici *M*, & simplici. Prius probat Manutius, tanquam frequentius in libris & lapidibus. Ipse vero vnum exemplum adfert ex Romano lapide, **NVMMVLARIO**: addit tria eiusdem vocis *M* vno scriptæ. Monumento autem Ancyrano *quadrigenos* **NVMMOS**, & post paullo *millia* **NVMMVM**, id est nummorum. Veteres enim nulla nota pluralis genitiui contractionem indicant. Et Spon. Miscell. pag. 63. **HS** ∞ ∞ **NVMMVM**. Et in Varronis libris *nummi*. Contra Grut. pag. 833. & 868. **MILIANVMVM**, & **MILIANVMORVM**.

NVMQVAM, quo eruditiores vtuntur, tuetur Manutius ex analogia, quia *M* ante *Q* in aliis consistat, *utrumque*, *quemquam*, *namque*, *quacumque*, & similibus. In Ancyrano autem, & alio Romano lapide (Manutius pag. 309.) est **NVNQVAM**.

NVNTIVS per *T*. Manutius per *C* præfert: nos cum *T* Cenotaphio^o Caii Cæsaris sub initium: *cum allatus esset* **NVNTIVS**: & post versus aliquot, *decessus* **NVNTIATIVS**. Et in veteri *SC.* apud Gruter. pag. 499. *deixistis vobis* **NONTIATA ESSE**. Nec ipse Manutius diffitetur, in Carpenfi, nunc Mediceo Virgilio, etiam per *T* scriptum esse. v. gr. *Aen.* 11. 547. *nuntius ibis*: & lib. xi. 740. *nuntiet*. Tamen & Gruter. pag. 254. 4. **DENVNCIATORES**.

OBSCENVS, quia a *scena*, *σκηνή*, per *E* simplex. Varro *LL*, vi. cap. v. *Obscenum dictum a scena*. nam *scena* antiquis contra originem per *AE* scripta. Interpretatur Aldus, *quasi contrarium scena*, quod in *scena*, multis præsentibus, pronuntiare non

liceat. Scaliger de caussis LL. lib. 1. cap. xxxiv. per *oe*, *αὐτὸ νομῶ* scribi vult. Nonius autem. per *AE*, quamvis *immundum* explicet: quæ notio videtur Scaligero accommodata. Sed commune immundum esse, sacræ dictioni in diuinis litteris, quam genio Latinitatis, est propius.

OLVS, *oleris*, quod multi *holus* scribunt, vt Festus; Nonius; & in veteris calendarii fragmento *forum holitorium*. Vossius bene ab *oleo*, id est cresco, trahit; qua stante ratione, excidit adspiratio.

OPPERIOR duplici *pp* libri veteres, & Virgilius Carpenfis, vt Manutius memorat.

OPPIDVM, quidam *opidum* scribunt, quia Varro lib. 1v. LL. cap. xxxi. Cicero de Gloria apud Festum, & ipse Festus ab *ope* dictum putent, quam hominibus præbeat: aut quod ibi homines *opes* suas conferant. Sed luditur sæpe in etymologia, & ipse Varro ac Festus geminata littera scripserunt: atque ita etiam in lapidibus, vt Aletrino, *IN OPPI-DO*: in ponte Alcantarenfi, *OPPIDANI*.

OPPORTVNVS, gemino *pp* libri veteres, & sæpe laudatus Virgilii vetustissimus codex.

OTIVM, per *T*, non per *C*. Pierius ad Virgilii eclogam I. tradit, Romano, & Mediceo, aliisque antiquis libris *otia* per *T* scriptum: & Manutius, Q. Papirium *otium* in iis scripsisse, in quibus *T* ut *Z* legatur. Adde *negotium*, de quo supra. Est enim ex *nec* & *otium*, etiam Scauro iudice pag. 2262.

PAENE, id est *fere*, cum *AE* libri veteres, Manutio teste, & lapides. Grut. pag. 655. *ERODITA PAENE MVSARVM MANV*. *Erodita*, antique.

PAPIRIVS, Romanæ familiæ nomen, I Latino, non *Y* Græco. Eius gentis tres nummos Vrsinus profert, qui confirmant, vnum Latine signatum,

G

PA-

PAPIR. CARB. duos Græce, ΠΑΠΙΡΙΟΤ ΚΑΡΒΩΝΟΣ. Grutero pag. 447. in Brixienſi lapide plures Papirii ſunt. *P. Papirius Augur*; *Cn. Papirius Fuſcus*; *Cn. Papirius Curſor*, & *Cn. Papirius Curſor filius*: omnes ſine γ Græca littera.

PARRICIDA. Librorum auctoritate veterum Manutius nititur.

PATRICIUS, cum C libri, Græca conſuetudo, & lapides. Fulginii repertus: *adlecto inter PATRICIOS.*

PAVLLVM & *paullulum*, LL geminata. Terentius Scaurus pag. 2256. *Sine dubio peccant, qui paulum & paululum per unum L ſcribunt.* Obiicit Velius pag. 2238. iuxta diphthongum geminari conſonantem non poſſe, quia non poſſit pronuntiari. Sed refutatur exemplis. Inſcriptione Romana Grut. pag. 769. **QVOD DEICO PAVLLVM EST.** Sic ubique inuenimus *Paullus*, *Paullinus*, propria nomina, iam demonſtranda: ſic & vox *cauſa* ſupra fuit probata.

PAVLLVS, cognomen Aemiliæ gentis, plures lapides habent, pauciores *Paulus*; v. g. **PAVLLVS** legitur Grut. pag. 293. in Capitolinis, & p. 59. 729. 851. & *Paulla* pag. 321. 459.: Sponius *Miſcell. Paullus* pag. 43. 275. alibi. Et nummi gentis Aemiliæ tres apud Vrgin. p. 7. **PAVLLVS.** At *Paulus* Grut. pag. 21. 9. pag. 824. 8. Sic & *Faullinus* pag. 429. 3. *Paullina* pag. 756. 806. ſed *Paulinus* pag. 45. & 100.

PELOPONNESVS, gemino NN, conſuetudine magis quam ratione. Strabo lib. xiiii. pag. 425. de Hecatonneſis: καλοῦνται Ἑκατόννησοι συνδέτης, ὡς Πελοπόννησος, κατὰ ἔθος τὴ τῷ N γράμματος πλεονάζοντες; *Vocantur Hecatonneſi per compositionem, ut Peloponneſus, ex conſuetudine quadam N abundan-*

dante . At *Χερρόννεος* , *Chersoneſus* , N ſimplici .

PERCVNCTARI vide in *cunctari* , vbi ex-
poſitum .

PERENNIS , libri , & lapſi Roman . O B .
PERENNEM - - - quod contra eos notauit
Manutius , qui *perennis* putarunt dici , ſicut *ſolemnis* .

PERSÆS , nomen regis Macedoniæ , Latinis
gratior forma , quam quæ ſecundum Græcos eſt *Per-
ſeus* ex *Περσεύς* . Grut . pag . 296 . 1 . EX MACE-
DON . ET REGE PERSE PER TRI-
DVVM triumphauit . Sic & plerique Latini libri ;
Liuianus autem *Perſeus* .

PIGNVS , vt Priſcianus lib . vi . pag . 721 . tra-
dit , *pigneris* & *pignoris* caſum format : vt *ſenus* , *fe-
neris* & *ſenoris* . Nugatur Agræcius , notione voca-
les diſtinguens , vt *pignera* rerum ſint ; *pignora* filio-
rum . Quin potius *pigneris* priores dixerunt ; poſte-
riores *pignoris* . Ita Manutius cenſet : ita Priſcianus
lib . vi . de duplici caſu a *ſenus* . Quum dixiſſet *ſenus*
facere *ſenoris* , addit : Tamen antiqui *ſeneris* dixerunt ;
unde & *ſeneror* verbum , & *ſenerator* . Et *pignus* *pigne-
ris* & *pignoris* ; unde *pignero* , *pigneras* .

PIRVS , *pirum* , quia Latina ſunt , per I Lati-
num . Aduſio enim eſt , non deriyatio , quæ a *πῦρ*
ducit propter formæ vel coloris ſimilitudinem . Vid .
Iſidor . xviii . Orig . cap . viii .

POENA per *oe* , quia a *ποινή* : atque ita etiam
lapides , quos Manutius exſcripſit . A *pana* eſt *pani-
ter* , licet Varro ordinem inuertat , *panam* ducens a
panitendo ; idem tamen ſub finem lib . iiii . de L . lin-
gua , nexum vtriuſque confirmat , & cum eo paritatem
ſcripturæ . Vt vero Romani interdum permutabant
diphthongos , v . g . *prælium* & *prælium* ſcribentes ; ita
factum , vt Oratione Claudii (Gruter . pag . 502 .) ali-
quoties PAENITET legatur , quod non tam

rationi, quam consuetudini dandum est. atque ita etiam in Mediceo Virgilio esse dicitur.

POMERIVM etiam consuetudine magis, quam certa ratione sine diphthongo scriptum est in libris & lapidibus: quamvis non ignorarent veteres esse a *pone muros*, id est post muros. Varro lib. iv. cap. xxxi. *quod erat post murum, pomerium dictum*. Inscriptio Claudii, **POMERIVM AMPLIATAIT**; & alia apud Manut. **FIN. POMER. TERMIN.** Et Spon. pag. 265. *finibus POMERIVM ampliauit*.

PORCIVS, gentis Romanæ nomen, per C, non T, libri, lapides, quorum quatuor Grut. p. 458. exhibet. Nummus Vrsini L. **PORCI**. Græce Πέρκιος.

POSTVMVS, postremus; & **POSTVMIVS**, familiæ nomen, sine adspiratione. Vetus lapis Manutio referente; L. *Auroni* L. *fil.* **POSTVMVS**, ubi nomen proprium est: quemadmodum & ille, qui, Gallieno imperium negligente, in Galliâ purpuram sumsit, in nummis non *Postumius*, ut in libris est, sed **POSTVMVS** constanter vocitatur. Vrsinus in nummis Postumiæ gentis, insignem præfert, inscriptum A. **POSTVMIVS COS.** & alium, C. **POSTVMI**. In vetusta tabula consulum Grut. pag. 293. *Aulus, Lucius, & Spurius Postumii* memorantur: adde pag. 306. 986. & sic plurimis locis. Diffiteri autem non possum, p. 151. (vidit & Spon. p. 150.) **CL. POSTHVMS** legi: & p. 38. n. 14. **Q. POSTHVMI**. sed posterioris æui sunt. Eutyches pag. 2311. *Quedam excludunt penitus spiritum, ut postumus, post humatum patrem natus*.

PRAESTRINGERE, tolli vult Manutius; *præstringere* substitui, idque auctoritate veterum librorum. Velim pluribus exposuisset, illustrassetque exemplis: sed nihil adiecit. Lambinum in eam opinio-

nionem quidam Lucretii codex induxit, quo legitur
lib. 111. vers. 1057. de Epicuro :

*Qui genus humanum ingenio superauit, & omnes
Præstinkie.*

At Gifanius in MSS. *præstinkie* inuenit, in aliis
restinkie: Salmasius *restinkit*. Qui notas Nonio sub-
iecit siue Mercerus siue alius, idem sensit p. 100: &
Franc. Fabricius ad Asconii Divinat. Verrin. c. xiv.
Sed neque Asconius, neque Nonius aliud quam *præ-
stringere* habent: & ipse Cicero in Verr. Divin. cap.
xiv. *præstringat aciem ingenii*: & de Divinat. lib. i.
cap. xxix. *præstringere aciem mentis*: nec aliter MSS.
Proinde claudio hanc disceptationem Gifanii ad Lucret.
verbis: *Præstringere valet quasi obnubere: præstringere
oculorum aciem, ἀμυνοῦν*. Hoc qui in *præstringere* mu-
tant, non recte, meo quidem iudicio, faciunt, quum
omnes omnium scriptorum lib. vet. repugnant, & ipsi
grammatici.

P R E H E N D O reiiicit Manutius: quia in libris
sit *prendo* & *prendus*. Et Velius Longus pag. 2229.
Prendo dicimus, non *prehendo*. Sed esto, simplex si-
ne contractione aut rarum aut inusitatum esse (Var-
ro autem lib. v. cap. vii. *manu prebendimus*) & Vir-
gilium scripsisse *prendere*, *prensi*, *prensant*: integrum
tamen negari non potest, quod in compositis redit,
apprehendo, *comprehendo*, *reprehendo*: quæ a quibus-
dam diphthongo scribuntur, sed sine ratione, quia
nulla est ex *præ* compositio: etiam lapides per *pro*
habent, Romanus **C O M P R E H E N S I S**, ut
Manutius, qui vidit, refert; non, ut Gruterus
pag. 682. Smetii fide, *compræbensis* transcripsit: &
Neapolitanus, **D E P R E H E N D E R I M**.

P R E L V M sine diphthongo, quia a *premo*, con-
tractum ex *premulum*. Contractio autem producit
primam. Isidorus lib. xx. cap. xiiii. *Prelum a pre-*

inendo vocatum, quasi pressorium. Qui per *ae* scribunt, a *praeluendo* ducunt, quod longius petatum, quamvis etiam *latus* sit ad *prelum* in torculari.

PRETIUM per **T**, libri & lapides. Carmen Prænestini lapidis, quem Manutius vidit, *Digerit in PRETIUM*. Gruter. pag. 893. num. 8. **PRETIUM INTVLIT**.

PRO admirationis, sine adspiratione; quæ in fine nulla est: vide supra pag. 40. Festus in **PRO**: *alias pro admiratione, ut, pro Iuppiter*. Sic etiam Virgilius Carpenfis, auctore Manutio.

PROCONSUL. Quidam malunt *pro consule*, uti omnino interdum scripserant Latini: & in nummis Vrsini **PRO. COS.** p. 15. 16. 148. diuise cum puncto interueniente: tamen etiam coalescit, & ut vna vox scripta visitur dandi casu **PROCONSULI** in multis lapidibus, ab Aldo exscriptis. Accedit, quod *proconsulatus, proconsularis* Latine dicitur; quæ a *diremtis* esse nequeunt.

PROELIUM per **OE** lapides Capitolini & vetustissimus Virgilii codex. Grut. p. 298. 4. in Capitolinis, **PROELIO CONFLIXSISSET**: & p. 291. **IN PROELIO OCCISVS EST**. & alio lapide, Manutio teste, **PROELIATVS**. Attamen Ancyrano monumento, si recte expressum est, **NAVALIS PRAELII**: & Reines. pag. 516. **PRAELIO** *nauali facto*.

PROMONTORIUM, *promuntorium*. Posteriorius defendunt Turnebus Adv. xiiii. cap. xviii. & Isaac. Vossius ad Melæ lib. 1. cap. xiii. quia a *promineo* sit, non a *mons*: quasi prominentia litoris, quod possit etiam sine monte esse, & mons ad mare sine prominentia: immo eminens mediis in Alpibus tugum Litius *promuntorium* dixit lib. xxi. cap. xxxv. ubi Gronovius etiam *promuntorium* edidit.

P T O

PTOLEMAEVS, non *Protolæus*, vt hodie multi scribunt. Nomen enim est a *πρόλμως*. Hinc a Ptolemaeis conditæ vrbes *Ptolemaides* dictæ. Nummus Augusti ΠΤΟΛΕΜΑΙΔΟΣ ΙΕΡΑΣΥΝΚΑΗΤΟΣ: Claudii & Caracallæ, **PTOLEMAIS**.

PVLCHER, *pulcher*. Postèrius antiquæ valuit: post aurium caussa H adiectum. Cicero in Oratore cap. XLVIII. *Ego ipse quum scirem ita maiores locutos esse, ut nusquam, nisi in vocali, adspiratione uterentur, loquebar sic, ut pulcros, Cetegos, triumphos, Kartaginem dicerem: aliquando, idque serò, conuicio aurium quum extorta mihi veritas esset, vsum loquendi populo concessi, scientiam mihi reseruavi. Terentius Scaurus pag. 2256. Pulchrum, quamuis in consuetudinem adspiretur; nihilominus tamen ratio exiliter C enuntiandum & scribendum esse persuadet, ne vna omnino dictio, aduersus Latini sermonis naturam, in medio adspiretur. Varro etiam apud Carisium pag. 56. adspirari negat, ne duobus consonantibus media intercedat adspiratio, quod minime rectum antiquis videbatur. Id in obliquis magis, *pulchri, pulchrum*, quam in recto locum habet. Sic de voce hac & scribenda & enuntianda non vno modo iudicatum fuit, vt tamen Ciceronis ratio prævaleret. Accessit persuasio a Græcis esse, quasi *πολύχρον* vel *πολύχρει*: sed neutrum probabile. In nummis gentis Claudie **PVLCHER**: etiam in lap. Capitolinis: & alio Gruter. pag. 820. **PVLCHER PVLCHRI F.** At Reines. pag. 275. **ASVLA PVLGRA**. Asula autem castellum est.*

QVATVOR, *quattuor*. Alterum diplasiafms poeticus est, quamlibet Aldus vbique restitui postulet. Est enim prima per se brevis. Ennius apud Ciceronem lib. 1. de Divin. cap. XLVIII.

Cedunt ter quatuor de coelo corpora sancta.

G 4

Sic

Sic veteres libri, etiam Lambini: nescio autem, cur Gruteri & Gronouii editionibus transpositio facta sit *de coelo ter quattuor corpora sancta*. Perdunt enim metrum in vltima, dum in prima iuuare volunt. Et, si de hoc forte dubites, addo ex Martialis lib. iv. epigrammate LXIX.

Diceris hac factus caelebs quater esse lagena.

Ex Domitiani autem saeculo lapis Grut. pag. 631. **QVATTVOR LIBER. BENEFICIO.**

QVERELA & *Querella*. Geminatum tuetur Manutius ex lapidibus & Virgilii vetusto illo codice. Papirianus grammaticus pag. 2290. *Querela* apud Latinos per unum L scribebatur, sicut *suadela*, *tutela*, *cautela*, *corruptela*: nunc autem etiam *Querella* per duo LL scribitur. Multa ex lapidibus exempla L geminati Manutius profert: pæne totidem, in Gruteri opere inueni cum L simplici, pag. 761. 10; 793. 9; 833. 3; 1142. 8; 1145. 8. quibus omnibus locis **QVERELA** scriptum est.

QVERIMONIA. Beda pag. 2343. *Queremonia* per duo E. reclamation analogia, *parsimonia*, *sanctimonia*, *alimonia*, *cerimonia*.

QVIDQVID vide supra pag. 23.

QVINTVS, *Quintus*; *Quintius*, *Quintius*; *Quintilius* & *Quintilius*; *Quintilianus* & *Quintilianus*. Manutius & Lipsius in his Æ defendunt ex Capitolinis lapidibus, & ex analogia; quia sicut a *relinquo* est *relictus*, sic *quintus* a *quinque*. Impugnant Turnebus xxx. cap. xxviii. & Dausquius in Orthographia. Sane *Quintius* multis in lapidibus: at non paucioribus inest *Quintius*, vt Gruteri Index propriorum nominum conuincit: est *Quintilius*; sed sæpe etiam *Quintilius*: nec semper *Quintilianus*, verum etiam *Quintilianus* Grut. pag. 116. 3. pag. 877. num. 1. Nec vero Æ errori scalptorum,

ut Turnebus, tribuo; sed credo, vtramque scribendi rationem ex æquo fuisse vsitatam. Græci quoque sine x transferunt *Κοιντός* & *Κοιντίλος*. vide Plutarchum in Flaminio, & Dionem lib. LVI. de Quintilio Varo. Ipsum *Quintus* etiam in lapidibus est. Gruter. p. 768. CATVLLAE QVINTAE. Adde supra pag. 81: in *Femina*.

QVOTIDIE, *cotidie*. Lipsius posterius præfert: Manutius prius. Nihil vero agit Beda, quum pag. 2344. inter vtrumque distinguit, illud numeri; hoc enuntiationis vocans aduerbium. Sanior Cassiodorus pag. 2283. qui scripsit: *Quotidie: sunt, qui per co cotidie scribant, quibus peccare licet: desinerent, si scirent, Quotidie inde tractum esse a quot diebus, id est omnibus diebus*. Quintilianus lib. 1. cap. vii. *Quotidie, non cotidie, ut sit quot diebus*. Cum his etiam facimus, propter eandem rationem. Non enim dicimus *cot* pro *quot*: non *cotannis* pro *quotannis*. Vtrumque tamen in vsu fuit; sed *quotidie* magis. Papirianus pag. 2290. *Cotidie per C & O dicitur: per Q scribitur*. Tergestina autem inscriptione Gruter. pag. 408. COTIDIE BENEFACIENDO.

QVOTIES, non *Quotiens*, ex aurium suauitate scribi iubet Manutius: etiam ex veteri lapide: QVOTIES IN SENATVM IRET. Contra tamen in quibusdam *quotiens*. Vide Gruter. p. 715. n. 10. Distinxit temporibus Beda p. 2343. *Quoties & toties sine N, licet veteres per N*. Idem de aliis numeralibus notandum est, ut *quadragiens* in Ancyrano, sect. 11.

QVVM, Cum, causæ aut temporis. Quintilianus lib. 1. cap. vii. *Seruata a multis hac differentia, ut CVM, si tempus significaret, per Q; si comitem, per C scriberetur*. Terentius Scaurus pag. 2261. *CVM quidam per Cum, nonnulli per Quom. Quidam etiam esse differentiam putant, quod præpositio quidem per*

G 5

C,

C, illo modo, cum Claudio, cum Camillo; aduerbium autem per Q deesse scribi, ut, quom legissem, quom fecissem. Quom autem est quum, quia veteres v v timide coniungebant, ut pag. 11. & 12. supra ostendimus. Et Velius Longus pag. 2231. hanc differentiam dicit ab antiquis maxime observatam, ut pro adverbio temporis Q littera vterentur; C pro præpositione. Aliud enim esse quum subito adsurgens; aliud, cum fluu. Veteribus quidem, quæ exstant, monumentis non facile quum inueneris, sed Ancyrano fest. 111. CVM MAGISTRATVM INIRENT; & Reines. class. vi. inscr. 91. CVM AGERET; eruditis autem pæne multis discrimen illud, quod Fabius, Scaurus & Velius exposuerunt, placuit. Quos etiam illud mouit maxime, quod, si aduerbium & præpositio concurrant, aliquid inconueniens oriatur, nisi discernas litteris: v. g. Cicero lib. 111. epist. vi. fest. 3. cum illo cum loquerer: & pro Archia cap. 14. ineunte, cum esset cum L. Lucullo in Ciliciam profectus: & Spartianus Hadriano cap. xvii. cum pluribus summis cum pasceret. Scio quidem Salmasium sollicitare hunc locum; res ipsa tamen & alibi potest contingere, ut aduerbium cum præpositione concurrat, quæ nullo modo aptius discriminari possunt, quam si scribemus, quum cum pluribus pasceret: item, quum cum illo loquerer.

RÆTIA sine H; ut supra pag. 45. probauimus. Addo Grut. pag. 482. 5. provinciarum --- RÆTIAE. MAVRET. CAESARIENS.

RECUPERARE, Reciperare. Festus Reciperatio scripsit, & a Recipio deduxisse videtur. Dausquius ex Mediolanensi inscriptione RECIPERAVIT. Et sic in multis libris. Sed alia quoque ita variant, ut manubia & manibia: utrumque in Ancyrano habemus. Alii ab re & parare trahunt,

cum

cum epenthetica syllaba *ei* vel *eu* ; vt *du* est in *induperator* . Sane contra analogiam a *recipere* fit *reciperare* ; bene autem *receptare* . Vt vero vsus *manubias* præfert ; ita etiam *recupero* . Aut referas ad ea , quæ *u* & *i* æqualiter ferunt , vt *lubet* ac *libes* .

REDITVS , *Redditus* plurale , prouentus & lucrum ex agro , aut vestigalia , *les reuenus* Gallis . Qui geminant *D* , ad formulam *reddis ager* , respiciunt : vt Martialis lib. 11. epigr. xxxviii.

Quid mihi reddat ager , quæris , Line , Nomentanus .

Sed præstat *Reditus* propter elegantissimas locutiones , *pecunia redibat e metallis* , *Nepos Themist.* cap. 11. *ex qua regione L. salenta quotannis redibant .* *ibid.* cap. x. Quid ? quod *Ouidius* lib. 11. epist. 111. ex *Ponto* , in hoc sensu corripuit :

*At reditus iam quisque suos amat , & sibi quid sit
Vtile , sollicitis supputat articulis .*

RVFVS , **RVFINVS** , Romana nomina . *Fvno* , in nummis & lapidibus . Vide *Gruter.* pag. 53. num. 1. & 705. 4. Et *Vrsinus* in *Nummis Famil.* pag. 174. I. **MESCINIVS RVFVS** .

SAECVLVM , diphthongo , nummi & lapides . Nummi sane *Domitiani* plures **LVD. SAEC. FEC.** & *Severi* , *Caracallæ* , *Getæ* **FELICITAS SAECVLI** : *Albini* , **SAECVLO fecundo** : eiusdem & *Pertinacis* , **SAECVLO frugifero** : *Seueri* & *Caracallæ* **SAECVLARIA SACRA** . Ex senatus consulto *Grut.* p. 328. **SAECVLARES** . *Spon. Miscell.* pag. 165. ex *Arelatensi lapide* , **SAECVLORVM** : & *Romano* pag. 272. *saecularia* & *saeculi* . Non ergo curamus grammaticorum origines a *senex* vel *sequi* , quæ etiam si essent , tamen *Ebreve* adiecto *A* fuisset producendum .

SAEPE , aduerbium , diphthongo prima . Oratio-

tione Claudii pag. 502. Grut. SENI AC SAEPE OCTONI. Et pag. 654. 6. GENERA-BAT SAEPE.

SAEPIO, *sapire*, eadem diphthongo. Cenotaphio Lucii Cæsaris, STIPITIBVS SAEPIATVR. Gruter. p. 61. MACERIAQ. AREAM SAEPIENDAM: & pag. 864. 4. SAXO SAEPTVM. Mediceus Virgilii codex variat: Aeneid. 1. vers. 411. SAEPSIT: & 439. *saepus nebula*: & vers. 506. *saepa armis*: alibi sine diphthongo. Et sic quoque *sapēs* ac *sapimentum*.

SALLESTIVS per LL lapides plurimi: & Horatius lib. 1. Sat. 11. vers. 48. qui produxit.

SALTEM, *saltem*. Obscura origo, de qua Gellius lib. XII. cap. XIV. disputat, nihil autem inuenit, cui tuto insistat: Seruius ad Aeneid. 12. vers. 327. ex captiuorum formula, *salutem concede*, contra-ctum dixit: quod a prioribus etiam memoratum, *nimis commenticium* Gellius dicit. Ianus Guilielmus lib. 1. Verisimilium cap. x. *saltem* contendit scribendum esse, quia in MSS. illud sit: & Priscianus lib. xv. non in aduerbiis in *em*, sed in *im* exeuntibus recitet: idque analogia poscat, *stristim*, *cursum*, *casum*, *furtim*.

SATIRA, *Satura*, *Satyræ*. Casaubonus singulari libro Romanam *satiram* a Græcorum *satyræ* poesi distinxit, & ne vel notione vel scriptura confundantur, admonuit. Ios. Scaliger in Manilii lib. v. pag. 408. *Satura omnigeni argumenti poesis*: & SATVRA νόμος πολλά περιέχων, *Glossis*. *Cave legeris* (v. 474.) *satyro gestu*; ut *Satyræ* Lucilii & Horatii per *y* scribendas putes. Vossius Etymolog. *Saturam* cum Porphyrione & Diomede (lib. 111. pag. 483.) *lancem* interpretatur, *plenam diuersi frugibus*. Addit Diomedes, olim carmen quod ex variis poematibus constabat, *saturam* dictum, ut

En-

Ennii, Pacuvii: post ita dictum, quod ad carpēda hominum vitia compositum est, ut Lucilii, Horatii, Persii. *Saturam & Satyrām* distinguit Scaliger ut *maximus & maximus*.

SCENA, *scena*. Manutius E simplex commendat, quia sit ipsa *σκηνη* Græcorum. Sic Reines. class. 11. inscr. xxx. SCENA, & inscript. LXXXIX. PROSCENIVM, & ibidem LVDIS SCENICIS. Alibi plerumque per æ. Gruter. pag. 172.3. PONE SCAENAM. Sic & pag. 330. 2; 655. 1, & ex Augusti ætate cenotaphio Cæsarī, LVDI SCAENICI. Varro lib. vi. de LL. cap. v. *Obscanum dictum ab scena. ea ut Græci, ut Attius scribit, SCENA. In pluribus verbis A ante E alii ponunt, alii non. Consuetudinis ergo, non certæ rationis, illa diphthongus est. atque ita etiam Obscenus & obscanus; quia a scena secundum Varronem trahitur.*

SEORSVM, non *seorsim*, quia a *se & vorsum*, seu *versum, versus*. Adi Vossium.

SEPTENTRIO cum M, non N, in lapidibus, quos Manutius exscripsit. Eadem compositionis ratio, quæ in *dumtaxat*. Vnum inuenio, si recte transcriptum, Grut. pag. 332.4. SEPTENTRIONIS; sed prævalent contra hoc tria Manutiana cum M.

SEPVLCRVM. Cur adspiratio sit excludenda, dictum antea pag. 8. seq. Si auctoritati standum, plures lapides SEPVLCRVM habent, quam *sepulchrum*. Vide Gruter. pag. 333. 753. 789. 826. 7. Reines. pag. 291. & alia. Licet vero non desint saxa quædam quibus *sepulchrum* incisum est: ipsa tamen supra data ratio valentior est, nec aptius *sepulchrum* a *sepultum* dicitur, quam *fulcrum* a *fultum* supino.

SEQVOR in præterito & participio ambigue,
se-

secutus & *sequutus*, vt. in *Loquor* prædictum. Mar. Victorinus pag. 2460. *locutus*, *secutus* per c: quum quidam præcipiant ad originem debere referri, per q potius, quam per c hæc scribenda. Lapidēs plurimi per C referunt. *Secutus* Manutius pag. 798. *Secutor* Gruter. pag. 334. 431. 561. *adsecutus* pag. 449. *subsecutus* pag. 832. 8. *consecutus* Manutius pag. 278. & Reines. pag. 462. at *consequutus* Gruter. pag. 321. 10.

SESE, SESE. In Caiano cenotaphio coniuncte: at antiquiore lapide Grut. pag. 506. SE SE semel interpuncta; post iterum coniuncta visuntur.

SESTIVS patriciæ familiæ: *Sextius* plebeiæ nomen. Sic Manut. ex Capitolinis lapidibus, & Fulv. Ursinus Numm. pag. 262.

SIDVS, Latino I, non per Y. Est enim vox Latina; atque sic etiam Virgilius Mediceus.

SILVA, sine y, vt antea pag. 6. 7. notatum. Inde nomen *Silvanus*, frequens in inscriptionibus, semper per I Latinum.

SIMILLIMVS, vide *Facillimus*.

SINCERVS sine y, libri veteres, præcipue Virgilianus codex Mediceus. Supra pag. 6.

SIQVIDEM coniunctim, quia primam poetæ cōstripiunt: SI autem separatim, longum est. Vid. Quid. Metam. x. 104. & xi. 219.

SOBOLES, *Suboles*. Prius largitur Aldus consuetudini, auribus indulgenti. At lapis Romanus & libri veteres *suboles*. Festus, *suboles* ab *olefendo*, id est *crescendo*.

SOLEMNE, & *Sollemne*, & *Solenne*. Primum est in aliquot lapidibus, Reines. pag. 269. & cenotaphio Lucii Cæs. SOLEMNIA: sæpius autem LL geminatur. Gruter. pag. 39. 5. ex vetusto fragmento, SOLLEMNI cum precatōe: & pag. 121. f. SOLLEMNE. Virgilius ille vetustus sem-

semper sollemnis. Festus: *Sollemnia sacra dicuntur, quæ certis temporibus annisque fieri solent*. Et paucis interiectis in SOLLO: Sollo Osce dicitur id, quod nos totum vocamus. --- Sollers etiam in omni re prudens: & Sollemne, quod in omnibus annis præstari debet. De MN Manutius: In hoc plus antiquitati demus, quam analogiæ.

SOLLERS etiam LL duplice, quia a *sollo*, uti iam vidimus in *Sollemne*. Sic & Virgillii codices, Vaticanus & Florentinus: sic lapides quoque exscripti a Manutio.

SOLLICITVS, itidem LL duplicata in lapidibus. Manut. 727. *solliciti*: & pag. 497. & 736. *sollicitare*: sed hoc vtrumque in metro est. Festus autem a *solum*, id est locus; & *cito*, ex *cito*: quasi sit loco mouere aut de sententia: & sic vno L scribetur.

SQVALEO, vno L, libri veteres, & lapis Romanus (Manut. in *fadere*) SQVALORE FOEDATVM.

STILVS, *Stylus*. Plures per y scribunt, quia sit a *στυλος*, *columna*: nec vero etymii ratio bene conuenit. Strabo quidem lib. xiv. pag. 446. ὅς ἦρξε τῷ Ἀσιανοῦ λεγομένου στυλῷ; *princeps styli Asiatici*: sed dubium, a Græcis an Latinis dictionem acceperit. Sic *stipes* idem sonat quod *σῦπος*: nec tamen *stypes* scribimus, sed *stipes*. Nec Varro lib. iv. extremo ad *στυπος* in etymio, ut ut eiusdem notionis est, respexit, sed a *stipando* duxit; hoc a *σείβω*. Quanto minus *stilus* erit a *σῦλος*, ubi discrepat significatio? Ideo aliis *stilus* vox pure Lātina est, saltem Latinitate donata atque ita Lātino I scribenda. Vide supra p. 6. 7. Glossæ quoque veteres, *γραφεῖον*, *stilus*, littera I Lātina.

SVLLA, *Sylla* Lapidēs Capirolini, & alii, Gruter. pag. 294. & 398; & nummi gentis Corneliæ apud Vrsinum pag. 88. SVLLA: Græci

Σύλ-

Σύλλας, quos Aldus sequitur. Adde supra pag. 7.

SVLPHVR, Sulfur. Vossius Erymol. *sulfur* mauult, quia sit Latinum. Manutius *sulphur*, quia in Carpenſi & Vaticano Virgilii codd. sit *sulpur*: vti etiam *triumpus* veteres scripserunt.

SVMSSI, *sumpsi*; *sumtum*, *sumptum*. De his actum supra pag. 21. 22. Addo Marii Victorini iudicium, ex pag. 2456. *Sumſit*, & *inſumſit*, *deſit*, ſine dubio per *MS* ſcribetis --- nec *conſumptum*, nec *emptum*, nec *redemptum* per *PT* ſcribetis: ſed, ut ego ſcripſi, iuxta *MT* ponetis.

SVPELLEX, vno *P*, quamvis in libris quibusdam geminetur. Manutius duas inſcriptiones adfert, *CAESARIS A SVPELLECTILE*. Poetae etiam corripunt, niſi epentheſi opus eſt. Horat. i. Satir. vi. 118.

-- cum *patera guttus*, *Campana ſupellex*.

SYNODVS, *Synodus*. Manutius adſpirat, ad duos lapides, quibus *SYNHODI* legatur, provocans. Malim *synodus*, ob rationes pag. 45. propositas. Obiicitur *methodus* ab Aldo: ſed in hac voce ſpiritus litteram *T*, non vocalem adſcit, ut Græcum θ exprimitur: quamvis hoc etiam propter adſpiratam eſt.

TAEDA, *Teda*. Diphthongus a Græca origine eſt, &ας ſine &ας, accus. &ας, ſax.

TAEDET, eadem diphthongo. Lapis Beneventanus, *POPULI TAEDIA SEDAVIT*. Sic etiam libri veteres.

TAETER, *Teter*. Diphthongus eſt Medicei Virgilii; & in lapide Gruter. pag. 658. *TAETRA ORA*, id eſt ſqualida regione.

TENTA, Feſtus ſine *H*: & Aſconius in Cic. de Vrb. præſ. pag. 108. a *tendendo* ſecundum aliquos dici tradit.

TEN-

TENTO præfero alteri *Tempo*, quod libri multi tenent. Est enim frequentatiuum a *Teneo*, supino *tentum*. Inscriptio Tito Cæsari dicata **INTENTATAM**. Marius Victorinus pag. 2466. *nec temptat, attemptat scribetis vitiose, sed, ut ego scripsi, iuxta MT ponetis*. Alio tamen lapide apud Manutium **TEMPTAVERIT**: & sic in multis scriptis libris.

THEODERICVS & *Theodericus*: utrumque in lapidibus apud Gruterum, illud pag. 1082. hoc pag. 152. Sed præstat prius, quia non a *Theodorus*, ex *Θεός* & *δῆρον* est, sed ex Teutonico *Teuterich* seu *Dieterich*.

TIBERIS fluuius per I, non Y. Multæ inscriptiones exstant, quibus cura **RIPARVM TIBERIS** memoratur. Vide Manutium & Gruter.

TINGO, *Tinguo*. Fl. Caper. pag. 2246. *Tingere dicendum est, non Tinguere*. Priscianus utrumque admittit lib. x. pag. 881. *Tinguo vel Tingo, tinxit*. Addit tamen V non facere syllabam. Analogia prior est, *lingo, fingo, pingo*. Libri tamen manu scripti sæpe *tinguo*, quos imitatur Manutius. Glossis *Tingo* & *Tinguo* est: utrumque *βάνω* vertitur.

TIRO, non *Tyro*, Pandectæ Florentini: & Gruter. pag. 358. 3. **TIRONVM**: Manut. *tyro* præfert, spuria inscriptione deceptus. Vid. Voss. Etiam Glossæ I Latiari *Tiro* habent. Latinum enim est, sine origine Græca.

TORVS sine adspiratione, libri veteres & Virgilii vetustissimus codex: etiam lapis apud Aldum, **TORVM** seruauit *casta mariti*.

TOTIES, *totiens*: vide *Quoties*.

TRICESIMVS, non *Trigesimus*. Vide *Vicesimus*.

TRIVMPHVS, olim *Triumpus*, ut Cicero in Oratore cap. XLVIII. notauit. Plerique autem *triumphus*, etiam ante Cicronem. Inscriptio Mario

rio facta pag. 436. *triumphans*, & *triumphauit*, & *ueste triumphali* legitur. Et de Decio Samnitum victore, **TRIVMPHANS**. Postrema ætate, id est Constantinorum, scripserunt *Triumfator*, vt in illorum monumentis est.

TROPÆVM sine aspiratione, quia Græcum
 est τροπαιον. Vide supra pag. 8.

TVS, sine adspiratione libri veteres, Virgilii praesertim; & quamvis grammatici quidam a *Τύω* deriuent, ac ea de causa per *th* scribendum existiment; tamen id minus certum est, & Carisius lib. 1. pag. 58. huic adspirationi reclamatur. *TVS*, inquit, a *tundendo*, sine adspiratione, dicitur: quamvis Iulius Modestus ἀπὸ τῆς *τύου* tractum dicat.

TVSCIA, *Tusci*, libri & lapides sine adspiratione. Capitolinis lapidibus, DE TVSCEIS. Medio ævo corrector TVSCIAE in multis inscriptionibus.

TVSCVLVM, Tusculanus, etiam sine H, libri ac lapides.

VALETUDO, *Valitudo*. Vtrumque in libris. Hoc analogia nititur, quod a *valisum* supino est: illud auctoritate Horatii, II. Serm. II. 88. & I. Epist. IV. 10. & veteri inscriptione Gruter. pag. 926. 8. INOFFENSA VALETVD. Vrsinus gentis Aciliæ nummum profert, cuius & Manutius meminit, inscriptus M^o ACILIVS. III. VIR. VALET V.

VENEO, id est vendor, sine diphthongo Pandectis Florentinis: & lapide Romano, Hoc monumentum cum aedificio neque VENIET neque donabitur: pro venibit. Et pag. 961. 4. Grut. Hoc monumentum VENIRE non licebit.

VERSUS, *versum*, non *Vorsus*, *worsum*; & sic etiam *Aduersus*. Archaismus enim est *vortere* pro *ver-*

vertere : qualia in Plauto multa sunt . Quintilianus lib. 1. cap. vii. *Quid dicam vortices & vorsus, ceteraque ad eundem modum, quæ primo Scipio Africanus in E litteram secundam vertisse dicitur?*

VICESIMVS, Vigessimus . Vulgo permutantur, habenturque pro eisdem : at meliores libri semper *vicesimus* : ideoque Daufquius alterum, *vigessimus*, dixit *reiscutum* videri . cetera enim ab *viginti*, *C* habent, *vicies*, *viceni* : ergo etiam *vicesimus* per *C* scribatur . *Vicensimus* antiquum & durum Manutio .

VINDICO, non *Vendico* . est enim cognatum nomini *Vindex* . Nec licet inter notiones discernere, quum *Vindico* vtramque sustineat . Vide Priscianum lib. xviii. pag. 1208.

VIRGILIUS, Vergilius . Illud Pierius ad extremum Georgicorum ; hoc Politianus Miscell. cap. LXXVII. vterque grauib. argumentis defendit . Manutius facit cum Pierio, quia in monumento, Claudiano poetæ facti, *B I P T I A I O I O*, legatur : & Calui versus *I*, non *E*, respiciat :

*Et vates, cui virga dedit memorabile nomen
Laurea .*

VNGO, Unguo . Veteres libri *Unguo* . fauent derivata *unguen*, *unguentum* . Priscianus lib. x. pag. 881. *VNGVO Nisus, Papirianus & Probus tam ungui quam unxi dicunt facere præteritum : --- Dici-mus Vngo, unxi, Linga, linki, & Pingo, pinxi* . Velius Longus pag. 2223. dicit Virgilium scripsisse, *Ungere tela manu* : & cur minus *unguo* sit dicendum, probat ex analogis *pingo, pinxi, fingo, finxi* . Adde Servium in Aeneid. 1x. 773.

VNQVAM, Vnquam . Plures scribunt *unquam* : & sic in veteri inscr. apud Manutium pag. 497. (Gruter. 607. 4.) *NON VNQVAM* . Qui vero *numquam* scribunt, quod supra Manut. defendit,


dit, eos ratio vrget etiam *umquam* scribere. Priscian. enim lib. xviii. pag. 1058. illud ex hoc compositum abnegatium dicit: quemadmodum *nullus*, ex *ullus*; *nusquam*, ex *usquam*. Libri curatius emendati habent *umquam*; Virgilii, & aliorum.

VRGEO, *Vrgeo*. In pluribus manuscr. est *vrgeo*, *urgues*. Velius Longus pag. 2223. *Animadvertimus, quibusdam partibus orationis V litteram visiose insertam, ut in eo quod est Vguere: itaque testis Virgilius, qui ait (Aeneid. vi. 561.) Vrgentur panis*. Nostri autem libri curatiores habent *urguentur panis*: quemadmodum etiam *Vngere vela* Aen. ix. 773. vbi itidem Velius *Vngere* in suo, ut dictum modo, legerat. Sic Prudentii scripti codices Cath. x. 60. *sopor urget*: & Peristeph. i. 43. *peffis urguebat fidem*. In Pandectis etiam lege i. de Negotiis gestis §. 10. *necessitate vrguente*: & lege ult. de Iudiciis, *re vrguente*. Parmensis inscriptio, **VRGVENTE FATO**.

VVLCANVS, *Volcanus*. Manutius amat posterius, quia utroque Virgilio, Carpenfi & Vaticano, sit *Volcanus*; & Kalendario veteri **VOLCANO** D. D. Fugiebant olim vv geminam Latini, ut supra p. 11. 12. notatum fuit; quæ consuetudo postea nonnullis hæsit antiquitatis causa, ut tamen etiam in optimis libris *Vulcanus* legatur, & in Appendice Reinesii Inscript. 39.

L. MATERNVS OPTATVS VVLCANO
AVG. SACRVM

*Finis Orthographiæ Latine
Christophori Cellarii.*



MAG 2013415



